

Jesu'walaŋ Mede Momoon Matiyudi youkuk Yodakale Mede

Matiyudi Jesu'walaŋ mebi indin yodakaleguk. “Jesu adi Bepandi Tubulodanik mintadok yofolok tubune halibuguk wondinin foloon adigon.” Bepandi Jesu Tubulodanik ninikutdok Youkudip Mede ginen yofolok tubune halibuguk adi Judahi en Isilaehidok hogok mon. Jesu adi kwetkwet metam hatigin be hatiyam be hatineen, inditok wanakanik.

Matiyu adi Jesu'walaŋ mebi didimeningon hinek nadidakalehinakan youhabiyeguk. Uye indin, Jesu mintaguk dinin kahat, agon Imey-out tuguk, agan Sadaŋdi tikamanda timinguk. Nai unanin Jesu adi Galili kwetnen kwanainin tububihila tuguk. Bepan'walaŋ Mede Momoon yohautaguk, Bepan'walaŋ Yodoko Mede dinin mebi yenindidimeen yagit folofigitahinit yehitubukedebaguk. En yabap heki maan yeniyehikeleune menin biyabunja ugin. Jesu adi undun titauuyen Jelusalem yokwet mebinen usuwaan hatilune memikniyedi honeen kolondabek folon ulune kumunguk. Ingon kotigon kaikaan pilali muninin kabe hatina kunum folon udaneen loguk.

Matiyudi Jesu kwetfolon hatina metam yenindidimeguk dinin mede daninin 5 boina youkuk. Kwet tuwai folon metam Mede Momoon yeninguk (Fiye 5-7)

Mihinjiye kwanai mede yeniŋa mede yeniŋkiliti tuguk (Fiye 10)

Kunum ginen Bepaŋ'walaŋ hatihati ungoniŋ hatak wondiniŋ mebi yeniŋguk (Fiye 13)

Nadinadi mongolaŋa ne'walaŋ mihinjiŋ hinek hatidok (Fiye 18)

Nai indinde hatiyam eŋ hatigene nai dapmaune Jesu kotigon baak (Fiye 24-25)

Matiyu'walaŋ mede diniŋ yohebet

1:1–2:23 Jesu'walaŋ dadaniye eŋ mintaminta nai

3:1–12 Jon Imeyout Tububihit'walaŋ kwanai diniŋ kahat

3:13–4:11 Jesu'walaŋ Imeyout eŋ tikamanda mintaguk

4:12–18:35 Galili kwetnen kwanai tuguk

19:1–20:34 Galiliniŋ Jelusalem usuwaguk

21:1–27:66 Jelusalem yokwet magimaginen kwanai tuguk

28:1–20 Kaikaan pilakuk eŋ mintahebi tuguk

Dewit'walaaniŋ tububihila labuŋa Jesu mintaguk diniŋ me wohi hebet

(Luk 3:23-38)

¹ Yon adi mebop indinŋi mintatalabubuyeen Jesu Kilistodi Abalaham'walaŋ yalakinŋi Dewit'walaaniŋ ginen mintaguk wendiniŋ youhebet.

² Abalaham adi Aisak beu. Kaŋ Aisak adi Jekop beu. Kaŋ Jekop adi Juda tiŋa kwayaniye'walaŋ behik. ³ Kaŋ Juda adi Peles dut Sala'walaŋ behik, eŋ adi mehik Tema. Kaŋ Peles adi Hesolon beu. Kaŋ Hesolon adi Lam beu. ⁴ Kaŋ Lam adi

Aminadap beu. Kanj Aminadap adi Nason beu. Kanj Nason adi Salmon beu. ⁵ Kanj Salmon adi Boas beu, enj minj e Lehap. Kanj Boas adi Obet beu, enj minj e Lut. Kanj Obet adi Jesi beu. ⁶ Kanj Jesi adi mapme Dewit'walañ beu. Kanj Dewit adi Solomon beu, minj e koom Yulaiya heminguk. ⁷ Kanj Solomon adi Liyaboam beu. Kanj Liyaboam adi Abaisa beu. Kanj Abaisa adi Asa beu. ⁸ Kanj Asa adi Yehosafat beu. Kanj Yehosafat adi Yolam beu. Kanj Yolam adi Usaia beu. ⁹ Kanj Usaia adi Yotam beu. Kanj Yotam adi Ahas beu. Kanj Ahas adi Hesekeya beu. ¹⁰ Kanj Hesekeya adi Manase beu. Kanj Manase adi Amon beu. Kanj Amon adi Josaiya beu. ¹¹ Kanj Josaiya adi Yekonaiya hekikwayañit adi behik. Nai unñaniñ Bepañdi Isilaehi metam biyabune Babilonhidi widihina yanagila Babilonde ugin.

¹² Isilaehi adi kadakaninñ tubune Bepañdi biyabune Babilonhi yahañeune unñ woonñ hatinila Yekonaiya adi Siyatiyel beu hatiguk. Kanj Siyatiyel adi Selababel beu. ¹³ Kanj Selababel adi Abiyut beu. Kanj Abiyut adi Eliyakim beu. Kanj Eliyakim adi Eso beu. ¹⁴ Kanj Eso adi Sedok beu. Kanj Sedok adi Akim beu. Kanj Akim adi Eliyut beu. ¹⁵ Kanj Eliyut adi Eliyesa beu. Kanj Eliyesa adi Matan beu. Kanj Matan adi Jekop beu. ¹⁶ Kanj Jekop adi Josep beu, kanj Josep adi Maliya yohoi. Kanj Maliyadi Jesu mihi nagikuk, Kilisto niin.

¹⁷ Undun doktiña mebop indinñ mintatalabuginñ: Abalaham'walaaninñ tububihila mintatalabubuy-eeñ Dewit mintaguk u kunakunathik 14. Kanj De-

wit'walaanin tububihila mintatalabubuyeen Isi-laehi yahaheune Babilon kwetnen hatigin u maan kunakunathik 14 ingon. Kan nai unanin tububihila mintatalabuna bubuyeen Kilisto mintaguk u maan undugon kunakunathik 14 ginen ingon dapmalak.

*Jesu Kilisto naknak mintaguk
(Luk 2:1-7)*

¹⁸ Jesu Kilisto adi talik indin folon mintaguk. Min Maliya adi Josepdok tam gigit yofolokeneune molomolom hatilune Ungonin Munabulidi min-ikilitimbune mihiwele ikuk. ¹⁹ Kan Josep adi me didimenin hatiguk doktina undinin kanadina indin nadisuguk, “Nu Maliya mu tubumekait, undun doktina yofolok hatak ingon fiit kabup bikabit.”

²⁰ Adi undun hanadisulune Wapum'walaan aelo nin di damo ginen mintamina indin ninguk, “Josep, Dewit'walaan yalaki, du tamge Maliya nagitdok nadibedi mu tiben, mihiwele won adi Ungonin Munabuli'walaan. ²¹ Ala mihi u mintaune wou adi Jesu yobaan, adi kuyendi metamniye kadakanin dinin folok ginenin yehifiyali yanag-ilaak.”

²² Nemenemek hogohogok mintaguk u polofet nin di Wapum'walaan manin mede tina indin youkuk, wendok tuwot tagimneen mintaguk,

²³ “I nadinen, tamkuya nin me dut nemu hatina mihiwele ila mihi nin nagilaak kan wou Imanuwel nineen.” (Inde'walaan mede folon: Bepandi indut hatilak.)

²⁴ Kañ Josep adi damo ginenin pilaliña Wapum'walañ anelodi mede ninguk u tagimneen welekubugon tiña Maliya u ne'walañ tamñin undun nadiune dapmaune nagila yolineñ loguk.
²⁵ Undun tiña tamñin dut nemu hatibune mihi u mintaguk. Kañ Josepdi wou Jesu youkuk.

2

Polofet'walañ mede hali buguk u foloon mintaguk

¹ Helotdi mapme wapum hatiguk nai unanin Jesu adi Betelehem yopman, Judiya kwetnen unon mintaguk. Kañ nai unanin nadinadime bamholiña yabunadi tagin heki adi mele labulabunenjkade bugin buña Jelusalem unon busuwaan indin yonadigin, ² “Judahi'walañ mapme nin nakanak mintaguk u dengon hatak? Indi bamholinaning kanadiña mulelem timiña niutumbane bam.”

³ Undun yobune me mapme Helot tiña Jelusalemhi adi u nadiña boho tiña welemulap maan tigin. ⁴ Undun tiña mon kan Helotdi Silonyot dinin talitimen en Yodoko Mede dinin henale heki kutiyenimbune buña bopneune Kilisto yokwet dengon mintadok yogin yonayeninadiguk, kan indin ningin, ⁵ “Betelehem yopman, Judiya kwetnen, wendegon polofet nin di indin youkuk:

⁶ ‘Betelehem yokwet, Judiya kwetnen, du Judiya kwet dinin yokwet mebi fofonit mokon. Du'walaanin kuyen talitimen wapum

nin mintaon Isilaehi metamneye yabulidokoon talitimen tinja yanagilaak.’”

Nadinadime kweetninhi bugin di Jesu mulelem timina niutumbagin

⁷ Mede undun yobune nadin Helotdi nadinadime kweetninhi bugin u kabup kutiyenimbune nehi hogok buna bopnegin kan bamholina nai denin hinek mintaune kagin wendok yeninadiguk. ⁸ Tinja indin yenina yeninkulune Betelehemde ugin, “Hidi kedem ale unen, woon jaknak u baigon hinek lohina tubumintaan kan buna nanimbune nubo woon undugon mulelem timina niutumbait.”

⁹ Me mapmedi undun yenimbune tububihila ugin. Kan bamholina yohikwehinen dibek kan tububihila kelegin, wendigon timen tinja yanagilune ugin woon yot jaknak hakuknen ungon kwambundaan ikuk. ¹⁰ Kan adi bamholina u kan welehek ginen nadifo tigin u lolonit. ¹¹ Undun tinja yot maanen loon mihi tinja min Maliya yabuna mulelem timina niutumbagin, tinja lihik dihin gol tinja wahu mundun tuwanjin lolonit en haguwo mundun momoon* u bena silon timingin. ¹² Kan Bepandi damo ginen kotigon Helot kakan mu unen yeniheune wabina talik gitipmun nin keletaueen yohite ugin.

Josep en mihiyamit momon Isipde ugin

¹³ Nadinadi me heki adi udaneen ulune timin unaningon Wapum’wala anelodi damo ginen Josep mintamina indin ninguk, “Pilali mihiyamit

* **2:11:** Wou “mel” yoinj.”

yanagila momon Isipde unen. Unon woon nutok woom hatineen, ala nu yokwet u bina bubundok yobe nadija kedom bina buneen. Nadilan be? Helot adi mikmenjiye yapmeune woon mihi u lohi gineen tubumintan ulukumundok yolak.”

¹⁴ Undun yobune Josep adi timin pilali mihiyamit yanagilune momon Isipde ugin, unon woon hatilune Helot kumunguk. ¹⁵ Nemek undun mintaune polofet nin di Wapum’wala manin mede tagimneen mede nin indin yoguk u biyagon mintaguk, “Mihine Isip kwetnen hatibune kutinimbe buguk.”

Mapme Helotdi yobune eyan me hogohogok widihikumungin

¹⁶ Nadinadi me mele labulabunen kade bugin heki adi Helot talamut tin uune adi mebihik kanadija gibita kwihitaguk. Undun tin adibo mikmenjiye yeningkulune woon Betelehem yokwet wapumnen be yokwet kuyanin kuyanin yamanon ila ugin indigon woon eyan-me hogohogok gulethik lufom yalune folak u wanakan widihikumundapmagin. Nemek u mintaguk adi mebi indin: Nadinadi me bugin hekidi bamholina nai denin hinek mintaguk u yogin kan nadiguk wendoktin bamholina mintaguk nai u kanadija wapmihi gulethik lufom yalune folak u yobune widihikumungin.

¹⁷ Kan nai unanin polofet Jelemayadi Wapum’wala manin mede tagimneen mede indin yoguk u foloon mintaguk:

18 “Lama yokwetnen unon kutikuti nin mintalak, maham gigit. Leseldi mihinje doktina makat koyone tubune tubukulemadok kwanaimin tiin. Mihinje-kabe hogok nemu hakin, kumundapman tigin doktina undun tilak.”

Josep gut Maliya en Jesu mihi adi kotigon udaneen bugin

19 Helot kumunguk kan Wapum’wala anelodi Josep damo ginen Isip unon mintamina indin ninguk, 20 “Mihi ulukumune yogin heki agan kumunjit, undun doktina du pilali tiulidokoon mihiyamit yanagila kotigon Isilae kwetnen unen.”

21 Undun yobune pilali mihiyamit yanagilune Isilaede ugin. 22 Udaneen ugin woon Josep adi mede indin nadiguk: “Akela adi beu Helot’wala kwelikon tuguk. Judiya kwet dinin mapme itak.” Undun nadin unon woon hatidok munta kisan tuguk. Undun doktina Bepandi damo ginen nindidimeune Galili kwetnen uguk.

23 Woon yokwet nin wou Nasalet unon yolikweli tina itouguk. Kan polofet heki’wala mede indin hatak u biyagon mintaguk, “Nasaletnin me nineen.”

3

Jon Imeyout Tububihitdi kwanainjin tububihuk

(Mak 1:1-8; Luk 3:1-9, 15-17; Jon 1:19-28)

1 Gulet debek agan ulune nai ninde Jon Imeyout Tububihit adi Judiya kwetnen unon mintadakaleen kwet fileen uguk. Woon hatina

mede indin yohautaluguk, ² “Bepan’walaŋ heben folon Hatihati Ungonin di nihitubu-dulalak dok-tin a welehi tubutakaleneŋ.”

³ Jondegon Bepan di polofet Aisaiya manin ginen mede indin yoguk,
“Me nin kwet fiŋ indin kutilak: Wapumdok tiulidoko tinen, tin a talik figumotaan iminen.”

⁴ Jon tinahukutnin adi kale kamel* dinin dunin di tigin, eŋ kiyegelepnin adi kale gitnem di tigin wendi gadinin folon youkilitiluguk. Nananenin adi gwatak dut siminkupuk naan hatiguk. ⁵ Kan Jelusalem yokwetnen be Judiya kwet wapum maanen be Jodan ime magimagi fukunin be fukunin yokwet ila ugin indigon metam mohok tamali kanene utelegin. ⁶ Tin a kadakanin hihik yofiyalu Jodan ime ginen Imeyout tiyemguk.

⁷ Kan Falisi tin a Sadusi heki maan Imeyout tinene bugin kan yeninguk, “Hidige! Mingembet miknit dinin yalakin iye, hidi! Hidi Bepan’walaŋ kwihita mintaune momonim be yo tin ?

⁸ Kadakanin hihik agan sigilulum tiyemiin habudok kwanainin taneen. ⁹ Tin a hidegon Abalaham’walaŋ yalakin iye mu yonen. Nu biyagon hinek hanilat. Bepan adi kedem yobune kawade yendi yalakin iye mintanen. ¹⁰ Finan gondi bem kiliki momoon gon mu fo in u mebi fiyapmaan kudup ginen yakutdok woom hatak.

* **3:4:** Kale won adi wou kamel. Adi gawangawan hogok tin a sign folon bombonen. En metam maan ungon loon ilu yanagila talik kweetnin yawiin.

¹¹ “Nu adi wele tubutakale tinen dok ime hogok youhamulat, ingon me nin mindan bulak adi yadi Ugonin Munabuli dut kudupdi youhambaak. Adi loloñnit, nu nalakapme tilak. Tina nu aindiniñdi tipilapilaye timindok tuwot moñ.

¹² Adi agañ yohumuñnit buña nanaje yotñin tutumbawaak. Tina nanaje nanañdok u daneen yopman boiwaak en figifigi u yohumuneen wali woon kudup ginen heune dawaak.”

Jondi Jesu Imeyout timinguk

(Mak 1:9-11; Luk 3:21-22)

¹³ Nai uñanin Jesu adi Galili kwetneñnin Jodan ime folon woon Jondi Imeyout timindok ninguk.

¹⁴ Kañ Jon adi nadimalabudaan indin ninguk, “Nu aindiniñdi du ime youkambitdok tuwot moñ. Tobonin du youtnambune kedem didimewek.”

¹⁵ Unduñ yobune Jesudibo ninguk, “Nadibedi mu tiben! Nu ganilat unduñ tiben kañ titin didimen keleen tidene polofet heki’walañ mededi yolak wendok tuwot mintawek.”

Unduñ yobune Jondi welekubugon tina nadiminguk. ¹⁶ Imeyout timindapmaune

nai uñaningon labulabunale kalune kunum dilitombune Ugonin Munabulidi butigili wele tina foon foloon folon ikuk. ¹⁷ Kañ yali nadilune kunum maaneñnin mede indin mintaguk, “I adi na’nin mihine hinek, welenedi hinek kahilelat. Nu aditok nadimimbe utumba hinek tilak.”

4

Sadañdi Jesu tikamanda timinguk

(Mak 1:12-13; Luk 4:1-13)

¹ Kan Jesu nai unaningon Sadandi tikamanda timimbune mebinin dakedok yona Ungonin Munabulidi nagilune kwet filen uguk. ² Jesu adi unon woon helebufa 40 nanane kamehep tinan map hatiguk, ³ doktina map hanadilune me tika-manda molom adi mintamina ninguk, “Du Bepan mihinin biyagon nobu hatiliwen kan kawade i yenimbune nanane yagelenen.”

⁴ Undun nimbune Jesudi yoguk, “Yodoko Mededi indin yolak, ‘Mehinek adi nananedok hogok mu hatidok. Bepan’wala medenin bulak tuwot nadidahina hatidok.’ ”

⁵ Undun yobune kotigon nagila Jelusalem Silonyot ki folon logumuk. Loon Sadandi ninguk, ⁶ “Du Bepan mihinin biyagon nobu hatiliwen kan inaning tatakula kwetfolon fowen. Yodoko Mededi indin yolak doktina ganilat,

‘Bepan adi anelonije yapmeune buna gehitubulodaan gabudokonen.’

Tinan indin maan yolak,

‘Adi kohongan gitagon ganagi foon gapmeune kawadedi kayoge-kabe nemu youlek.’ ”

⁷ Undun yobune Jesudibo ninguk, “Yodoko Mededi indin maan yolak, ‘Du Wapumge Bepan tikamanda mu timimben.’ ”

⁸ Undun yobune Sadandi kotigon nagila loon kweboboe kweheyenin folon yali kwetkwet nemenemek hogohogok hatak u nimbune sanininghik kaguk, kan ninguk, ⁹ “Du mulelem tinan naniutumbawen kan kadem nemenemek hogohogok u dutok gambit.”

¹⁰ Undun yobune Jesudibo ninguk, “Sadan, du tabawen! Yodoko Mededi indin yolak, ‘Wapumge Bepan hogok niutumbaar mulelem timiluwaan.’”

¹¹ Undun nimbune Sadan adi bikabuna uguk, kan anjelo hekidi buna tubulodagin.

Jesudi Galili kwetnen woon kwanainin tububihuk

(Mak 1:14-15; Luk 4:14-15)

¹² Jon agan yot fafanteninen kameune hatak, gigit undun nadinu Jesu adi Galili kwetnen uguk. ¹³ Undun tinu Nasalet yokwet bikabuna woon Kafanaum unon itouguk. Yokwet u imengwan gagayen, Sebulon en Naftali kwetnen unon hakuk. ¹⁴ Undun tubune polofet Aisaiyadi Bepan’wala manin mede tagimneen indin yoguk u foloon mintaguk:

¹⁵ “Sebulon en Naftali kwetnen, Galili Imengwan gagayen tinu Jodan Ime magimagi, en Galil-ihi noli Judahi’wala feknit mokit unon hatiin. ¹⁶ Mebop u mambip ginen hatiin adi hauta wapum kain. En mambip ginen itowiin adi hautayembaak.”

¹⁷ Nai unanin Jesudi tububihila mede indin yohautaguk, “Bepan’wala Hatihati Ungonin di hehitubu-dulalak doktinu kadakanin hik sigilulum tiyemaneen.”

Jesudi me lufolufom kutiyenimbune keleen ugin
(Mak 1:16-20; Luk 5:1-11)

¹⁸ Ala helenin Jesu Galili Ime magi hogok woon me yadalit nin yabuguk, Saimon, wou noli Pita, tinu kwayan Endulu. Adi me pisi mongomongot

yakat doktiŋa imenŋwan ginen umbenhik kukut hati tugumuk. Kan woon yehitubu-mintaan yeninguk, ¹⁹ “Buŋa nu nehikeledemek kan metam yahanedok hanindidimewit.”

²⁰ Unduŋ yenimbune nai unaningon umbenhik ungon biyabuŋa Jesu kelegumuk. ²¹ Kan kabemuniniŋ uuyen kotigon meyalalit ingon nimaan yehitubu-mintaguk, Jems tiŋa kwayan Jon. Adi Sebedi mihiniyat, ala behik dut muwagehik folon hali umbenhik hati kaulidokolune yehitubu-mintaguk. ²² Tiŋa Jesudi me yadalit u maan ku-tiyenimbune muwage be behik wanakan ungon biyabuŋa Jesu kelegumuk.

Jesu adi Mede Momoon yohautaniŋa metam fee hinek yehitubu-kedebaguk
(Luk 6:17-19)

²³ Kan Jesu adi Galili kwetnen Judahi’walaŋ bopyot yaliugin indigon tuwot yaudapmaan Hati-hati Ungoniŋ diniŋ Mede Momoon yohauta kwanai tiyauguk. Tiŋa undugon me yagit folofigitahinit yehitubu-kedebaguk. ²⁴ Unduŋ tubune gigitniŋdi Siliya kwetnen hautadapmaune nadiŋa metam yagit folofigitahinit be yabaphinit be me kumunikaika tagiŋ be me kayohik kohohik kumuhi yanagiŋa adi’walaŋkade uune yehitubu-kedebaguk. ²⁵ Unduŋ tubune Galili kwetnenhi be yokwet 10 ila ugiŋ* unahi be Jelusalem yokwetnenhi be Judiya kwetnenhi be Jodan fukuniŋ be fukuniŋ metam fee hinekdi bopneen Jesu kelegiŋ.

* **4:25:** Gilik mede ginen yehikiut tiŋa wou Dekapoli youkiŋ.

5

Jesudi kweboboe folon mede momoon yohau-taguk

(Luk 6:20-23)

¹ Jesudi metam fee hinek yabun̄a kweboboe folon loon̄ ilune mihin̄iye bun̄a heben̄nen̄ ikin̄. ² kan̄ Mede Momoon̄ indin̄ yenin̄a yenindidimeguk.

³ “Me nehitok nadiune welehiḱ ginen̄ fiyewakahi tilak adi yadi Bepan̄di kahan̄ tiyemulak. Hatihati Un̄gonin̄ kunum ginen̄ hatak u metam undihidok gigit tilak. Wendoktin̄a aditok adi nadiwene utumba tilak.

⁴ “Me welehiḱdi makat kobulabulaye tiin̄ adi yadi Bepan̄di kahan̄ tiyemin̄a welehiḱ tubukule-mawaak. Wendoktin̄a aditok adi nadiwene utumba tilak.

⁵ “Me nehitok nadiune fofon̄nit tubune Bepan̄ heben̄ folon̄ kuleman̄gon̄ hatiin̄, adi Bepan̄di kahan̄ tiyembune kwet wapum i aditok gigit tilak. Wendoktin̄a aditok adi nadiwene utumba tilak.

⁶ “Me nediyeḱ Bepan̄ heben̄ folon̄ metam didimehi mintaan̄ hatidok nanan̄e imedok map tiyam dabugon̄ tiin̄, adi Bepan̄di kahan̄ tiyemin̄a tuwot hinek yemtokiwaak. Wendoktin̄a aditok adi nadiwene utumba tilak.

⁷ “Me nediyeḱ menohiyedok welekulema tiyemiin̄ adi Bepan̄di kahan̄ tiyemin̄a welekulema tiyembaak. Undun̄ doktin̄a aditok adi nadiwene utumba tilak.

8 “Me welehiik walanin adi Bepan di kahan tiyem-bune Bepan kaneen. Wendoktiŋa aditok adi nadiwene utumba tilak.

9 “Me kulemadok kwanai tiin adi Bepan di kahan tiyemiŋa wapmihiniye yenimbaak. Wendoktiŋa aditok adi nadiwene utumba tilak.

10 “Me Bepan’walaŋ nadinadi keleen kwanai tubune me nolidi folofigita yemiin adi Bepan di kahan tiyemiŋa ne’niŋ Hatihatiniŋ Unŋoniŋ u aditok yembaak. Wendoktiŋa aditok adi nadiwene utumba tilak.

11 “Hidi nu nehikeleune me nolidi mede kadakanin haniŋa fidihiŋa yalaŋ mede hanineen wendok nadibedi mu tineen. Bepan di kahan tihambaak doktiŋa habunadiwene utumba tilak.

12 Tiŋa kougoŋ kunum foloŋ nemek tuwaŋin lolonit monŋotneen wendok nadifo tineen. Koom Bepan’walaŋ polofet hatigin adi maan undugoŋ tiyemgin.”

*Hidi adi felen tiŋa hauta nabugoŋ
(Mak 9:50; Luk 14:34-35)*

13 “Hidi adi metam diniŋ felen. Inŋoŋ felen di kadakaan koba mokit tubune nemek nemu ti-betiŋa. Unduŋ doktiŋa talipmen kwehekulune metamdi unŋoŋ yaliŋa wonambunat tinetiŋit.

14 “Tiŋa undugoŋ hidi adi metam’walaŋ hauta. Yokwet nin binek kweboboe foloŋ itak adi hebi-hat tuwot mu tilak. 15 Tiŋa undugoŋ hidi kamaŋ galiŋa kufula mu tiin, tobo galiŋa tiŋa foloniŋoŋ kameune itak, ila metam yot maanen deipilat tiin u hauta yemilak. 16 Wendok tuwot hidi’walaŋ hautadi metam yehitubu-hautaluwaak. Kaŋ adi

hidi titinḡhik kedem u kaṇ nadiu utumbaune Behik kunum ginenḡ hatilak u niutumbayaneenḡ.”

Bepaṇ’walaṇ Yodoko Mede dininḡ medeninḡ

¹⁷ “Hidi tiyaugene nu Yodoko Mede tinḡa polofet heki’walaṇ mede yotubufit tibene fogut mu yoyaneenḡ. Nu adi toboninḡ tagimnewene foloonḡ mintadok fogut. ¹⁸ Nu biyagonḡ hinek hanimbit, kunumkwetdi haliulune Yodoko Mededi undugonḡ haliwaak. Tinḡa undugonḡ Yodoko Mede faki-kabe nemu filaak be diki-kabe nemu bikabuneenḡ, mokoṇ. Yodoko Mede adi undugonḡ hali uune nemenemek mintadok yonḡit wendi foloonḡ mintadapmawaak. ¹⁹ Undunḡ doktinḡa nebek ninḡdi Yodoko Mede faki-kabe ninḡ yotubufila nolinḡiye maanḡ undugonḡ titinḡdok yenindidimewaak adi Bepaṇ’walaṇ hebenḡ folonḡ Hatihati Unḡgoninḡ ginenḡ me wounit mokit hatibaak. Enḡ nebek ninḡdi tagimneenḡ noli maanḡ undugonḡ titinḡdok yeningḡigine tibaak adi Bepaṇ’walaṇ hebenḡ folonḡ Hatihati Unḡgoninḡ ginenḡ me lolonḡnit hatibaak. ²⁰ Undunḡ doktinḡa hanimbene nadinenḡ. Hidi Yodoko Mede henale enḡ Falisi heki’walaṇ titinḡhik u kalakapme tinḡa titinḡa fofoonḡ tineenḡ wendok Bepaṇ’walaṇ hebenḡ ginenḡ Hatihati Unḡgoninḡ kahileneenḡ, enḡ undunḡ mu tineenḡ adi Hatihati Unḡgoninḡ tuwot mu kahileneenḡ.”

*Jesudi Yodoko Mede 6 wendininḡ mebi yoguk
(Luk 12:57-59)*

²¹ “Hidi mamahi-papahiyedok mede indinḡ yeningḡinḡ u aganḡ nadiinḡ, ‘Du me widihikumunḡ mu tuluwaanḡ. Nebek ninḡdi undunḡ tubune kaṇ nagila mede ginenḡ kameṇḡdok.’ ²² Inḡgonḡ onḡ, nu

adi indin hanilat, nebek ninđi me nolinđdok nadikwihita tilak adi mededok gigit. Be me nin nolinin nimpekit be nisuwambat tilak adi talitimen bopdok gigit. En me ninđi nolinđdok me kaulen nimbaak won adi me u kudupdok gigit.

²³ “Undun doktiņa du bombon silon titinđok u alta folon boidok binek tiņa me noke dut lekingonhik folon nadikadaka hatak, ²⁴ u nadiņa silonđok bombon alta tubudulaan boiņa woon me noke dut mede tubudidimeluwaan. Tubudidimedapmaan buņa mindan̄kade kadem silonđok bombon u alta folon boiluwaan.

²⁵ “Tiņa undugon nebek ninđi mede ginen gapmewene ganagila uune hide hogok talip-men unjila mede yotubudidime tidemeek. En mon adi ganagila me mede yodapmandapman’walaņ uune adibo ganindapmaune me kumondulum heki’walaņ kohohik folon gapmeune kumondulum hekidi ganagila yot fafaņeniņnen gapmeneen. ²⁶ Nu biyagon hinek ganilat, du unon hatiņa hogok mu foon baan, me noke’walaņ kibikon wobudapmahinakaan kadem foon baan.”

Jesudi Yodoko Mede 7 wendiniņ mebi yoguk

²⁷ “Mamahi-papahiyedok mede indin yeningin, ‘Memalam hidi kikabi mu tidemeek.’ ²⁸ Nu adi indin hanilat, Me ninđi tam nin kanadigalika tilak adi ne’walaņ tamniņ agaņ welenđi bik-abuņak yodok. ²⁹ Undun doktiņa dauge didimeninđi kadakanin ginen ganagilune kaņ kidila tikukut tiluwaan. Dauge lufomnikon kunilit

boihatigene kudupdok gigit tibaanen, doktina dauge fukunin kedom kiditdok. ³⁰ Be kohoge didimenji kadakanin tubune kan kohoge u fidokoon tukukut tiluwaan. Folooge kunilit boihatigene kudup ginen fowaanen doktina kohoge fukunin fidoko tukula hatiluwaan.”

*Jesudi tam yehikelektu dinin mede yoguk
(Matiyu 19:9; Mak 10:11-12; Luk 16:18)*

³¹ “Mede komi indin maan hatak, ‘Me nediyen tamnin bikabe nadin tam u kudi youla mina kelekutuwaak.’ ³² Ingon nu adi indin hanilat, nebek ninji tamnin kefifle nemu tubune hogok kelekufit tibaak, adi yadi tam u malabumun wapum hekimimfit tibaak. Undun tubune hatigene tam u me gitipmun nin tibaak won adi tam u hekimalam hatihati dinin yodoko u lahula kefifle tilak tibaak. Kaan me nin adi tam agan yohoidi kelektu tuguk u nagilaak, me won adi hekimalam hatihati dinin yodoko u lahula kefifle tilak tibaak.”

Jesudi Yodoko Mede 9 wendinin mebi yoguk

³³ “Mamahi-papahiye mede nin indin yeningin, ‘Du mede yalan yofafanedok Bepan dawi folon mu yoluwaan.’ Be ‘du nemek u biyagon nobu tibene yofafaneen kan Wapum namanda folon tubune dapmaluwaak.’ ³⁴ Ingon nu adi indin hanilat, Bepan dawi folon mede yofafane u wabidapman tineen. Tina undugon kunum ginenkade kohodidim tina mede yofafane titin u maan wabi ingon tineen, mangonde kunum won adi Bepan’walan kumopopnin. ³⁵ Be kwet honeen mede yofafane maan mu taneen, mangonde kwet

wonj adi Bepandi kayonj unjonj kameenj ikula tilak. Be Jelusalem yokwet wou yonja mede yofafane mu taneen, manjonde wonj adi Mapme Wapum'walañ yokwet. ³⁶ Tina undugonj kihik folonj unjonj kamekaanj mede yofafane mu titindok, manjonde hidi yobune kihik hapmunj faufaudi gouyeninj tuwot mu mintawek, be gouyeninji fafau tuwot mu mintawek. ³⁷ Undun doktina mede biyagonj yonja kan aganj biyagonj hogok yoyaneen, en yalanj yonja kan yalanj didimenjonj yoyaneen. En mede mindanj tomboyoula yoinj wonj adi yalanj-me'walaaninj bulak."

Nemek ninj tihambune kanj kibikonj mu tubu-udaneyaneen

(Luk 6:29-30)

³⁸ "Mede ninj indinj yoginj u aganj nadigin, 'Nebek ninji dauge yousupmakaane kanj kibi maanj dawi yousupmaka timiluwaan, be nebek ninji mage kitili yougoloune kanj kibi maanj maninj kitili yougolomiluwaan.' ³⁹ Ingonj nu adi indinj hanilat, Me nolidi nemek ninj tihambune kanj kibikonj mu tubu-udaneyaneen. Undun doktina nebek ninji fauge folonj ulune kanj fambekeneen kotigonj fauge fukuninj maanj mimbune utuwaak. ⁴⁰ Be nebek ninji mede ginenj gapmeen dahidahi wahinin mimindok yobune kanj dahidahi noli kaininj tuluwaan u maanj miluwaan. ⁴¹ Be nebek ninji adut talik munininj uundok ganimbune kanj du tomboyoula kabe-kweheyenjonj uluwaan. ⁴² Be nebek ninji nemek ninjok ganinadiune kanj miluwaan, tina ne-

mek du'walaŋ muniniŋ behatidok yobune kamehep mu timiluwaan.”

Memikhiye welehikdi yabukahile tiyaneen

(Luk 6:27-28, 32-36)

⁴³ “Mede niŋ indin yogin u agaŋ nadigin, ‘Me nokeye not tiyemiŋa memikgeye memik tiyemiluwaan.’ ⁴⁴ Ingoŋ nu adi indin hanilat. Memikhiye yabukahileen menot tiyemaneen eŋ me kadakanin tihamiin hekidok Bepaŋ ninadiyaneen. ⁴⁵ Unduŋ tiŋa Behik kunum ginen hatilak adi'walaŋ wapmihi foloon hinek mintaan hatineen. Adi kuyendi yobune melenin di me hogohi be fofohidok wanakaŋ labu hautalak, tiŋa undugoŋ yobune me didimehi be me kadakanin titin hekidok gwi utak. ⁴⁶ Hidi metam kibi momoon tihamiin aditok hogok kibibo momoon nobu tiyemineen adi wendok tuwaŋin deti mongotneen? Unduŋ adi me takis mongomongot heki adi undugoŋ tiin. ⁴⁷ Be hidi menohiye hogok nobu yeniutumbain won adi hidi me biyagoŋ mu hatiin. Me Bepaŋ mu nadisukilitimiin adi undugoŋ tiin. ⁴⁸ Unduŋ doktiŋa hidi adi Behik kunum ginen didimenin hatilak undugoŋ hidi maan didimen hatiyaneen.”

6

Jesudi titin dedin tiŋa metam noli yehitubulodadok wendok yeninguk

¹ “Hidige! Titin fofoonhik u metamdi haniutumbadok yoŋa metam dauhineŋ mu taneen. Unduŋ tineen adi Behik kunum ginen hatilakdi wendok tuwaŋin nemu hambaak. ² Undunen doktiŋa

hidi fiyewakahidok nemek momoon tiyemne kan kutihauta tiŋa mu yemaneen. Yalaŋ-me heki adi metamdi yeniutumbanen yon̄a bopyotneŋ eŋ yowawali folon silon kwanai tiin̄. Wendok indin̄ hanimbe nadineŋ, adi tuwahik agaŋ un̄akon̄ mongolu dapmalak. ³ Undun̄ doktiŋa du silon tibene kan̄ metamdi mu nadiune da hogok kabup tuluwaan̄. ⁴ Kan̄ titinge fofoon̄ wendi kabup hatuwaak. Kan̄ Baha nemek kabup kanadi tilakdi wendok kibikon̄ tuwanin̄ gambaak.”

Jesudi ninadi kwanai dedin̄ titindok wendok yoguk

(Luk 11:2-4)

⁵ “Hidi ninadi kwanai tinene kan̄ yalaŋ-me hekidi tiin̄ undun̄ mu taneen̄. Adi yadi metamdi yabune un̄gonin̄ titindok yon̄a bopyotneŋ eŋ yowawali folon̄ ninadi kwanai tiin̄. Nu biyagon̄ hinek hanilat, metamdi yabunadiune un̄gonin̄ tilak kan̄ tuwanin̄ agaŋ un̄akon̄ mongolune dapmalak. ⁶ Undunen̄ doktiŋa hidi ninadi tinene kan̄ yohik maanen̄ foon̄ yeme youkilitiŋa Behik kabup hatilak dut yonadi taneen̄. Kan̄ Behik nemek kabup kanadi tilakdi foloon̄ tubumintahamuluwaak.”

⁷ “Hidi ninadi tine kan̄ mede foloon̄bo kilikibo mu yoyaneen̄. Undun̄ adi me nadisukilitihinit mokitdi tiin̄. Adi yadi undun̄ ninene yonadinik nadinimbek yon̄a undugon̄ tiin̄. ⁸ Undun̄ doktiŋa hidi yadi, adi tiin̄ undun̄ mu taneen̄. Behik adi mu ninadilune mangondok banin̄ tiin̄ u agaŋ kan̄ nadilak. ⁹ Undun̄ doktiŋa hidi yadi indin̄ ninadiyaneen̄:

Kunum Betnik, du'walaŋ woho ungoniŋ hinek u ganintilolonŋ tinene hatuwaak. ¹⁰ Undun doktiŋa du buŋa welenik tuwot be kwet tuwot Wapumnik tinimben. Kunum folon du'walaŋ mede tilolonŋ hatak undugonŋ kwetfolonŋ indi'walaŋ maan mintawek. ¹¹ Du kaminŋ nanane tuwolitnik nimben. ¹² Indi me noli'walaŋ kadakaninŋ dikihik biyemne nibuŋa dubo indi'walaŋ kadakaninŋnik tumolokutnimiluwaan. ¹³ Tikamanda ginenŋ mu nipmewen. Adi toboninŋ kadakaninŋ gineninŋ nihikibidalen. Du me mapme foloonŋ hinekdi sanjininŋ en hauta molom hatigundi hatiluwaan fafaŋeninŋ."

¹⁴ "Hidi me noli'walaŋ yomhik biyembune Behik kunum ginenŋ hatilakdi undugonŋ hidi'walaŋ yomhik bihamuluwaak. ¹⁵ En hidi me noli'walaŋ yomhik ungonŋ kameenŋ hatibune habuŋa Behikdi undugonŋ hidi'walaŋ yomhik ungonŋ kamehambune hahamuluwaak."

Nanane kameheŋa hatidok mede

¹⁶ "Tiŋa hidi nanane kamehep tiŋa kan me nadisukiliti yalayaŋa tiin heki dabugonŋ bulaninŋonŋ namandap mu diweyaneen. Adi yadi metam nolidi nanane kamehep tiŋit yabunadinenŋ yonŋa undugonŋ diweenŋ yawiinŋ. Indinŋ hanimbe nadinenŋ, me undihi adi koti tuwahik nemu beneen. ¹⁷ Hidi nanane kamehekaanŋ mutam namandap, imehik gomunŋa, silim youla yawaneen. ¹⁸ Undun tubune metamdi nanane kameheŋa hatiinŋ u

tuwot mu habukiyondayaneen. Behik kabup hatilakdi hogok habunja nadiluwaak. Tina nemenemek kabup kanadilakdi kedem tuwanjin hamuluwaak.”

Muneen bombonj kwetfolonj liwewaak wendok nadigalika mu titindok
(Luk 12:33-34)

¹⁹ “Hidi kwet dininj muneen bombonj mu hati tiyoukaneen. Wonj adi dindilaki hekidi sitomsitom tihamuneen be kubome hekidi kubonehamuneen. ²⁰ Undunj doktinja kunum dininj bombonj tiyoulana kunum ginej boiune ihamuneen. Undunj tineen kan bombonj kunum ginej ihamuneen u dindilaki hekidi sitomsitom mu tineen, be kubome hekidi tuwot mu kubonehamuneen. ²¹ Kan welehi be nadisuhik adi bombonjhik itnenej ungonj hatuwaak.”

Daunik adi foloonik dininj hauta
(Luk 11:34-36)

²² “Dauhi adi foloohik dininj hauta, ala dauhikdi kedem halune foloohikdi hauta ginej hatibetik, ²³ enj dauhikdi sipmakaune foloohik adi mambipnit hatibetik. Enj welehi walanj dauhi u sipmakaune mambip kisanj tihambune youtidiwe tihatineen.”

Me ninji me bombongi lufom'walan kwanai titindok tuwot monj
(Luk 16:13)

²⁴ “Me ninj adi bombongi lufomdok kwanai tuwot mu tibek. Adi nolidok nadigalika timinja noli nadilakata timimbek, tina noli gut woonj galina noli sigilulum timimbetik. Undunj doktinja hidi

Bepañ'walañ kwanai maan en muneen bombon kwanai maan adi tuwot mu kiulaña taneen.”

Welemulap tiña nadibedi mu titiñdok
(Luk 12:22-31)

²⁵ “Unduñ doktiña indin hanimbe nadinen: Hidi nanañ ime nakilitiña hatidok be foloohik tinahukut timindok wendok nadibedi mu taneen. Hatihatidi nemek foloon tilak, be nanañedi nemek foloon tilak? Foloohikdi nemek foloon tilak, be tinahukuthikdi nemek foloon tilak? ²⁶ Bagi heki u yabunen, adi nanañ diniyeti nemu tiin, en nanañ tiyout mu tiin, adi yadi Kunum Betnikdi nanañ yemtoi tubune naan hatiin. Hidi yadi undihi mon. Hidotok adi nadihambune lolonit hinek tubune momoon hinek tihamulak.

²⁷ “Hidi nadibedi tiña hatihatihik diki kedembe tomboyoutnen? ²⁸ Unduñ doktiña hidi tinahukutdok mangonde nadibedi tiin? Wowon gimin behepnen ikiin u yabunen, adi dinina kwanai be tinahukut kalin mu tiin, ²⁹ ingon adi Mapme Solomon'walañ tinahukut foon hinek tuluguk u kalakapmen hinek tiin. ³⁰ Wowon gimin kobuk mintaan halon mele diweune daan sigeneen golopman tiin adi Bepandi tinahukut foon unduñ tiyemulak. Undugon hinek hidi maan momoon hinek tihamuluwaak. U kan hidi deti nadisukiliti gilangilan tiin? ³¹ Unduñ doktiña helemahelman mangon nanim be mangon tinahukutnim yon welemulap mu taneen. ³² Unduñ adi metam Bepan mu nadisukilitimiin wondogon nadibedi hinek tiin, ingon hidi adi Behikdi nemekdok nadiin u agan nadilak. ³³ Unduñ doktiña hidi

yadi timentimen Bepañ'walañ Hatihati Kobuli enj adi'walañ titiñ didimeniñdok gagine tiña lohiya-
neen kan nemek noli hogohogok wonj adi kedom
hamuluwaak. ³⁴ Unduñ doktiña hidi nai halon
wendok nadibedi mu taneen, halon diniñ mal-
abumuñ wonj adi nai wendiniñ nemek. Mele nai
indigon malabumuñhik wonj adi nai molomolom
mintalak.”

7

*Hidi me noli'walañ titiñhik kameka mu taneen
(Luk 6:37-38, 41-42)*

¹ “Hidi me noli'walañ titiñhik kanadiña yen-
impekit mu taneen. Unduñ tubune Bepañdi
hide maan undugon tihamuluwaak. ² Bepañ adi
mebihik nadidapmalak doktiña hidi me noli tali
dediñ ginen yenimpekit taneen wondok tuwot
kibibo Bepañdi mede ginen hapmeluwaak.”

³ “Du mangonjde noke dawi ginen figifigi kan
da'walañ dauge ginen kwet muñ wapum foon
ihelak u mu kadakalelan? ⁴ Kwet muñ wapum
dauge ginen iheune noke indin deti nimben:
'Notne, nadiune figifigi dauge ginen ihelak u
kelepenekulit.' ⁵ Yalañ-me du. Da'walañ dauge
ginen kwet muñ itak u timen kelepenetukula
diwedakaleen kedem noke'walañ dawi ginen figi-
figi u kelepenekulimimben.”

⁶ “Hidi welenñdok nemek momohi u kamodok
mu yemaneen, be nemek momohi u makayedok
mu yakuyemaneen. Adi yadi nemek undihi
hogok kayohikdi yehiyaliña udaneen hide inakon
hehisineen.”

Yonadi tiŋa nemek foloonj bedok
(Luk 11:9-13; 6:31)

7-8 Jesudi mede unduŋ yonja indin tomboy-oula yeninguk, “Yonadi tiŋ adi foloonj mongokiin doktiŋa hidi gicine tiŋa yonadiyaneen. Lohi tiŋ adi foloonj tubumintain doktiŋa gicine tiŋa lohiyaneen. Yeme folonj youtnadiin adi yeme dilitomyemulak doktiŋa gicine tiŋa yeme yout-nadiyaneen.

9 “Nebek me wapmihihinit hidi mihihikdi nanaŋedok hanimbune kawade kedembe minen? 10 Be pisidok hanimbune miŋgembet kedembe minen? 11 Hidi kadakanin titin di wapmihihie nanaŋe fofohi yemiin inŋon Kunum Behik adi halakapme-dapmalakdi nemek wendok be wendok ninadi tubune kedem hamuluwaak.

12 “Unduŋ doktiŋa hidi metam nolidi titin dedinin tihamdok nadiin, undugon hinek hidi maan aditok tiyemaneen. Mede yendi Yodoko Mede tiŋa polofet heki’walaŋ mede yehikiudapman tilak.”

Talik yeme dinin mede
(Luk 13:24)

13 “Hidi taliyeme gidanen foneen, taliyeme haman tiŋa talik wapum won adi kudup fafaŋen dalaknenkade ulak, kaŋ meenin feedi utalik wiin. 14 Kaŋ yeme gidan tiŋa talik kuyanin u kwet fofoŋnenkade ulak, kaŋ meenin lufomgon di utalik wiin.”

Polofet yalayalaŋ heki’walaŋ mede
(Luk 6:43-44; Luk 13:25-27)

15 “Polofet yalayaan heki ginen ala nadiña hatiyaneen. Adi sigihinen adi dompa naman-dap yageleen biin, ingon welehi maanen adi kamo moihi. 16 Undun doktiña hidi hide ungon kikadoko momoongon hinek tiña hatiyaneen. Me undihi adi nehi’walañ titinhikdi yobihilune kedem yabukiyondayaneen. Hidi bim u n̄aso folon mu yedeyapmain, be kopi u haut folon mu tomiin.* 17 Bem fofohi folon mindipmun fofohi mintain en bem hogohi folon mindipmun hogohi mintain. 18 Bem fofohi folon mindipmun hogoli tuwot mu mintawetik, be bem hogohi folon mindipmun fofohi tuwot mu mintawetik. 19 Undun doktiña bem mindipmun momoon mu tubumintain u fiyapmaan kudup kula hein. 20 Undun doktiña hidi polofet yalayaan u nehi’walañ titinhik ginen ungon kedem yabukiyondayaneen.

21 “Wapumne, wapumne naniin, hidi hogohok wanakan kunum ginen mu udapma-neeñ. Me nediyeñ Batne kunum ginen hatilak adi’walañ mañin mede tagimnewaak adi hogokdi kunumkwet kahilewaak. 22 Metam yehidanedok nai wapum folon metam feedi indin nanineen, ‘Wapumnik! indi du wohoge ginen Mede Momoon yohautagumun, tiña undugon du wohoge ginen yabap yenin̄kukumun en du wohoge ginen kudi wapuhi wapuhi ungonin hinek tugumun!’ 23 Ingon nai unanin indin yenimbaat, ‘Nu hidi mu nadihamulat. Me kadakanin titin heki hidi tabaut!’ ”

* **7:16:** Jesudi bem kilik foon yendok wain en fik yoguk.

Me nadinadinit enj me kaulen
(Mak 1:22; Luk 6:47-49)

²⁴ “Me nediyeŋ medene i nadiŋa takaliwaak, adi yadi me nadinadinit niŋdi yot kawade folonj maguk undiniŋ. ²⁵ U maune yatune gwi sububa wapum tiŋa ime gabuŋ tuguk iŋgoŋ mu mandafaiguk, maŋgoŋde adi kawade foloniŋ maguk doktiŋa fafaŋeŋ yakuk. ²⁶ Enj me nediyeŋ medene i nadikabeleen mu takaliwaak, adi yadi me bubuyeŋ niŋdi yoli ime gagayeŋ kiŋ folonj maguk undiniŋ. ²⁷ U maune yatune gwi sububa wapum enj ime gabuŋ wapum saŋiniŋnit wendi buŋa tubumandafaiune maan golomunumunune tuguk.”

²⁸ Jesu adi mede unduŋ yodapmaune metam bop wapum ikiŋ adi mede u nadiŋa boho tigiŋ. ²⁹ Adi Yodoko Mede henale heki yalakapme hinek tiŋa mede molomdi fuluŋgoŋ hinek yoguk doktiŋa metamdi nadiune uŋgoŋiŋ hinek tuguk.

8

Jesudi me niŋ wede hakinit tubukedebaguk
(Mak 1:40-45; Luk 5:12-16)

¹ Jesu kweboboe bikabuŋa founne metam feedi bopneen keletaugiŋ. ² Kaŋ me niŋ wede hakinit adi wooŋ Jesu heben folonj mulelem timiŋa tubulodadok yonja indiŋ niŋguk, “Da nadilaŋ, nehitubu-lodawe kaŋ kedem nehitubukedebaweŋ.”

³ Unduŋ yobune Jesudi kaŋ kohon kiihiwali honeen niŋguk, “Kedem nadigamulat ale walandaweŋ.” ⁴ Unduŋ nimbune nai

unaningon foloon walandaguk kan indin niheguk, “Metam mu yenimbihilen. Silonyot dinin talitimen’walañ didimengon wen kan gabunadiwek. Kan metamdi gabuna agañ kedebañ undun gabunadinen dok wen, woon koom Mosesdi yoguk undun Bepandok kale dumun hemundumundune timimben. Kan nemek mintanak u kadem kan nadinen.”

Jesudi tipilapilaye-mekuya nin yagit ginenin tubukedebaguk
(Luk 7:1-10)

⁵ Jesu adi Kafanaum yokwet maanen folune mikme’walañ talitimen nin adi buna Jesu indin ninadiguk, ⁶ “Wapum, tipilapilaye-mene yagit malabumun tina foloon sumbandaune waliwali mu tina folofigita kisan hanadilak.”

⁷ Undun nimbune Jesudi yoguk, “Nu kadem woon tubukedebait.”

⁸ Undun yobune mikme heki’walañ talitimen di indin tubu-udaneguk, “Wapum, nu me lolon nit bale nu yotnemen wen. Kadem ale ingon yali mede hogok yoben kan tipilapilaye-mene kadem kedebawek. ⁹ Nu na maan me wapum dinin falipmen hatilat di mikme unen yenimbe wiin, be bunen yenimbe biin, be tipilapilaye-meneye nemek u tinen yenimbene tiin dok tina ganilat.”

¹⁰ Undun yobune Jesudi mede u nadin boho tina metam keletaugin indin yeninguk, “Nu biyagon hinek hanilat. Nu Isilaehi hidi’walaanin nadisukiliti indinin nemu kagut. Undun dok tina indin hanilat. ¹¹ Metam fee kwetkwet mele labulabunen kade be mele fofonnen kade buna

bopneen Abalaham, Aisak en Jekop heki dut Bepan'wala Hatihati Kobuli ginen nongon ila hinamuni tineen. ¹² Kan metam koom netok yona yabukahileguk ingon mu nadisukilitimiin adi yadi yeningkulune fakan foon mambip ginen hatina kobulabulaye tina masinkilip toyaneen.”

¹³ Undun yenindapmaan mikme dinin talitimen u indin ninguk, “Kedem ale wen, nadisukilitigedi nemek mintawek nadinan undugon hinek mintagambek.”

Jesudi undun nilune nai unaningon hinek tipilapilaye-menin kedebaguk.

Jesudi metam fee yehitubu-kedebaguk

(Mak 1:29-34; Luk 4:38-41)

¹⁴ Kan Jesu adi Pita yolineen loon kalune Pita yapman tam adi yagit tina foloon kudup daune deihakuk. ¹⁵ Undinin kan kohon folon honeune kedebaguk. Tam u kedebaan pilali Jesudok nanane tiulidokominguk. ¹⁶ Mele fohebilune metam yabaphinit fee yanagila bugin, kan Jesudi mede ginen hogok yeningkulune yabap heki meenin biyabuna foon bu utelegin, en metam noli yagit folofigitahinit u maan yohoneen yehitubu-kedebaguk. ¹⁷ Undun tubune Polofet Aisaiyadi Bepan'wala manin mede tagimneen indin yoguk u foloon mintaguk: “Negon yagit folofigitanik bekudapmaguk.”

Jesu kelekeledok medenin

(Luk 9:57-62)

¹⁸ Metam mohok feedi buna Jesu kelemadiune yabuna mihiniyedi muwage neen tina buune ime

fokolok lolondok yeninguk. ¹⁹ Kan uundok yatlune Yodoko Mede henale nindi Jesu heben folon woon ninguk, “Henale, nu du dambedambek waan kan wondok tuwot gehikeleyawaat.”

²⁰ Undun yobune Jesudibo ninguk, “Kamo moin heki adi kawade ginanej ikiin en bagi heki adi yohinej ikiin, ingon Me Kobumun adi hakula titindok kweli nemon.”

²¹ Kan mihiniye’walaaninne nindi ninguk, “Wapum, nadiune timen woon batne wenefulana bit.”

²² Yobune Jesudi indin ninguk, “Daban u biune dabahi noliyedi wenefulanej, du yadi buna nu nehikelewen.”

Fifingobutdi Jesu’wala manin mede tagim-neguk

(Mak 4:35-41; Luk 8:22-25)

²³ Undun yona muwage folon loune mihiniye maan nongon loon ila ugin. ²⁴ Ulune fifingobut wapum tubune ime giyondaan buna muwagehik ginej foguk. Kan Jesu adi damo hadeikuk. ²⁵ Ala mihiniyedi Jesu talamsukuleen indin ningin, “Wapum, indi agan ime ginej wopmabutne tam ale pilap nihitubu-lodaluwen!”

²⁶ Nimbune sukuleen yeninguk, “Munta mangonde tiin. Hidi nadisukilitihik mangonde gilangilan tilak?” Undun yenina pilali yali sububa dut ime yenintoni yeniheune gitagon kulemaan hakumuk.

²⁷ Kan mihiniye adi u kan boho tina indin yugin, “Me i dediningon doktina sububa dut imedi medenin nadiyamuk?”

*Jesudi meyat lufom'walaŋ yabap
yehikelekuyemguk*

(Mak 5:1-20; Luk 8:26-39)

²⁸ Jesu adi imengwan fukuniŋ Gadalahi'walaŋ kwetnen wosuwiguk. Wosuwaune meyat lufom yabaphinit meyotnen hakumukdi foon bu-mingumuk. Meyat u fafaŋe gibita tagumuk dok-tiŋa metam adi utalik wonambunat mu tagiŋ.

²⁹ Ala Jesu kaŋ yakawe toŋa indiŋ ningumuk, “Bepaŋ mihiniŋ, du maŋgoŋ tinimbe bulan? Nai mu tulune deti folofigita kwanai gehingehiŋ nimben?”

³⁰ Kaŋ makaye mohok kweetningoŋ-kabe ungoŋ yabudokoon heyemagiŋ. ³¹ Ala yabap hekidi Jesu nimbula bulayeen indiŋ ninadigiŋ, “Niniŋkule kaŋ niniŋkulune looŋ makaye welehiŋ maanen fonim.”

³² Unduŋ yogiŋ kaŋ Jesudi yeninguk, “Foon buŋa wiin!” Yenimbune adi meeniŋ gineniŋ foon buŋa looŋ makaye welehiŋ maanen fogiŋ. Kaŋ makaye heki kigoŋkula woon maham gineniŋ tatakula ime gineniŋ foon ime naaŋ nadilali kumuŋgiŋ. ³³ Kaŋ me makaye yabudokoyagiŋ hekidibo momoŋ yokwet wapumnen looŋ makaye heki'walaŋ kahat eŋ meyat yabaphinit yakat'walaŋ kahat u metam wanakaŋ tiyemdapmagiŋ. ³⁴ U tiyembune nadiŋa metam hogohogok wanakaŋ faŋkalap tiŋa Jesu kanene fogiŋ. Foon kaŋ kwehiŋ u bikabuŋa uuŋdok niŋgiŋ.

*Jesudi me nin kayon kohon kumuhi tubukede-
baguk*

(Mak 2:1-12; Luk 5:17-26)

¹ Kan Jesu adi kotigon muwage folon loon ime menen fukunin ne yolikweli wapumnen wosuwaguk. ² Wosuwalune me nin kayon kohon kumuhi falik folon kameen nagila bugin. Kan Jesudi nadisukilitihik kanadi bilaten me kayon kohon kumuhi u indin ninguk, “Mihine, du munta mu tiben. Kadakaninge agan tumolokutat.”

³ Undun yobune Yodoko Mede henale heki adi nehi ungon kiyonadi tin indin yogin, “Me i dediningon doktin Bepan’wala kwelikon tilak?”

⁴ Kan Jesu adi nadisuhik u agan kan yeninguk, “Hidi nadisu hogohi undihi mangonde tiin?”

⁵ Mede longon dedin yodok: Kadakaninge tumolokutat, be pilali wen? ⁶ Undun yoin doktin Me Kobumun nu kwetfolon inon kadakanin bibindok sanininne hatnamulak u tibe kanen.” Undun yenin me kayon kohon kumuhi u indin ninguk, “Pilali gulupge mongola yokede wen.”

⁷ Undun nimbune nai unaningon pilali gulupnin mongola yolide mauguk. ⁸ Undun tubune metam bop unon hakin adi u kan boho tigin, tin Bepandi saninin undinin meenin kohon folon kameguk yon Bepan niutumbagin.

Jesudi Matiyu kutininguk

(Mak 2:13-17; Luk 5:27-32)

⁹ Undun tin Jesu adi woon takis muneen mongomongot me nin wou Matiyu adi kwanai yotnen itune kan ninguk, “Nehikelewen.”

Unduŋ nimbune Matiyu adi pilali Jesu keleen uguk. ¹⁰ Unduŋ tiŋa looŋ Matiyu yolineŋ nanane ila nalune me takis muneen moŋgomongot fee eŋ metam kadakanin titin noli wanakan buŋa Jesu tiŋa mihinjiye yehitomboyola nanane nonŋon ila nagiŋ. ¹¹ Unduŋ tubune Falisi hekidi u kaŋ Jesu mihinjiye indin yeninadigin, “Henalehik detiŋa me takis muneen moŋgomongot heki tiŋa metam kadakanin titin dut nanane nonŋon naiŋ?”

¹² Unduŋ yonadigin kaŋ Jesudibo medehik u nadiŋa indin yeninguk, “Haguwo me adi metam kedehi mu yehitubu-lodalak. Adi metam yagithinit yehitubu-lodalak. ¹³ Hidi unen woon mede indin hatak u mebi baigon hinek kanadi tinen,

‘Bepaŋ adi me nohiyedok welehikdi hinek yabukahileen silon tiyemdok nadilak, eŋ kale hemundumundune timindok adi mon nadilak.’

“Nu adi me fofohi lolonhit yehitubu-lodadok mu bugut. Nu adi me kadakanin titin yehitubu-lodawene bugut.”

*Nanane kamehekamehe dinin medenin yogin
(Mak 2:18-22; Luk 5:33-39)*

¹⁴ Kaŋ nai unanin Jon Imeyout Tububihit mihinjiye adi Jesu’walaŋ buŋa mintaŋ indin ninadigin, “Indi tiŋa Falisi heki indi yadi nanane kameheŋa map hatiyam, kaŋ dedin doktiŋa du mihigeye adi nanane kamehep tiŋa hogok-kabe nemu hatiin?”

¹⁵ Unduŋ ninadigin kaŋ Jesudibo indin yeninguk, “Me kohokukut titindok adi hinamuni

ginenj ungonj hatune me nanane nanadifodok bunenj adi nanane kamehep kedembe tinenj? U tuwot monj. Hatigene me wapumhik yolom nagilune kedem nanane kameheja map hatineenj.

¹⁶ “Nebek ninji haule kobuli dobuja dahidahi komi folonj tuwot mu tibinegaliwek. Undun tubune adi haule kobulidi hamaneune dahidahi komi u hamangonj bulaginewek. ¹⁷ Be nebek ninji wain ime gitipmunj tutumbaan kale gitnemdi ime tout tibineyagin unolok komi ginenj tuwot mu ugolowek. Undun tubune adi waindi tout komi tubutawaan kwatnewaaknenj doktinja wain kobuli adi tout kobuli ginenj hogok ugolodok.”*

Nadisukilitihik doktinja Jesudi yehitubulodaguk

(Mak 5:21-43; Luk 8:40-56)

¹⁸ Jesu adi mede u yayenilu bopyot dininj kaulidoko me ninji buja heben folonj mulelem timinja ninadiguk, “Waabine kobugonj kumulak, ale buune nukut woonj kohoge foloonj folonj kamewen kanj kaikaan pilalek.”

¹⁹ Undun ninadiune Jesu pilali nongonj uune mihiniye maan pilali nongonj uginj. ²⁰ Ulune tam ninj muyakip yagit tomboyoutnit ti hatibune gulet 12 tuguk, adi Jesu siginenj woonj dahidahinjinj diki wehemikuk. ²¹ Tinja welenj maanenj indin

* **9:17:** Jesudi wain tout folonj kamekaan yoyout mede i yoguk. Indi'walan titin adi indin. Nebek ninji kale galiki heen tout taban ginenj tuwot mu ugolowek. Undun tubune kale galikidi tout taban sinintan boukulanen. Undun doktinja tout kumin gitipmunj ginenj ugoloune kedem yalek.

nadiguk, “Dahidahinij hogok wehemitat yendi kedem nehitubu-kedebawek.”

²² Unduñ nadilune Jesudi udaneen kan ninguk, “Waabine, du munta mu tiben, nadisukilitigedi gehitubu-kedebalak.”

Unduñ nimbune nai unaningon hinek kedebaguk. ²³ Kan Jesu adi woon bopyot dinij kaulidoko me yolinen loon yabulune metam makat ila kokin, kan yeninguk, ²⁴ “Hidi hogohogok foon bu udapmanen. Waabi i kumuñ mu tinak, adi yadi damo deitak.”

Unduñ yobune adi kagege tigin. ²⁵ Kan yimbune foon udapmaune daban hakuknen foon waabi u kohon folon honeune kaikaan pilakuk. ²⁶ Unduñ tubune gigit wendi kwetkwet hautadapmaguk.

Jesudi me dauhik sipmakahiyat tinja me yabap-nit yehitutumbaguk

²⁷ Jesu adi kwet u bikabuna ulune meyat lufom dauhik sipmakahiyat adi Jesu indin kutinija keletaugumuk, “Dewit’walañ yalaki, inditok bulaningon nadiwen.”

²⁸ Kan Jesu adi woon yopman loguk kan meyat u heben ginen ugumuk, uune yeninadiguk, “Hidi nu kedem hehitutumbait unduñ hinek-kube nadisukilitiyamuk?”

Unduñ yeninguk kan ningumuk, “Een, undugon hinek nadiyamut.”

²⁹ Unduñ yobune Jesudi meyat dauhik folon wehemila yeninguk, “Nadisukilitihik dinij foloon undugon mintahambek.”

³⁰ Unduŋ yenimbune nai uŋaniŋgoŋ dauhik tombune diwedakalegumuk. Kaŋ Jesudi metam noli mu yenimbihitemek yoŋa moŋ hinek yeni-heguk. ³¹ Ingoŋ oŋ, adi u nadikabeleen woon gigit u yohautaune kisaŋ hautaguk.

³² Meyat ulune me niŋ yabapdi tububuyeune mede mu yoluguk u nagila Jesu hakukneŋ bugiŋ.

³³ Kaŋ Jesudi yabap u kelekulimimbune foon uune me u mede yoguk. Kaŋ metam bop wapumdi u kaŋ boho tiŋa indiŋ yogiŋ, “Indi Isilae kwetneŋ nemek indiniŋ koom nemu mintaune kagumun.”

³⁴ Kaŋ Falisi hekidi Jesudok indiŋ niŋgiŋ, “Me i yabap heki’walaŋ wapumhikdi tubulodaune yabap yeniŋkuyaulak.”

Jesu adi metamdok bulaniŋgoŋ nadiyemguk

³⁵ Jesu adi unduŋ tiŋila yokwet wapuhineŋ be yokwet kuyahineŋ wanakaŋ yaudapmaguk. Eŋ Judahi’walaŋ bopyot indigoŋ tuwot fodapmaan Bepaŋ heben gineŋ Hatihati Kobuli diniŋ Mede Momoon yeniŋa uguk, eŋ metam yagit folofig-itahinit maan yehitubu-kedebayauguk. ³⁶ Tiŋa metam bop wapum yabuguk adi nadinadihik giyondahi. Nedi’walaŋ deŋandiŋ woon kedebadok, u maan mu nadigiŋ. Domba uŋamo kadoko mokitdi tiŋi undihi, u yabuŋa welebulaniŋgoŋ nadiyemguk. ³⁷ Tiŋa mihiniye indiŋ yeniŋguk. “Nanaŋe bedok fee kitaŋi, ingoŋ nanaŋe bebedok kwanai-medi lufomgoŋ tilak. ³⁸ Unduŋ doktiŋa hidi dinina molom ninadiune kwanai-me noli maan yehitubu-mintaune kwanaiŋiŋ gineŋ uneeŋ.”

10

Aposel 12 heki'walaŋ wohiye

(Mak 3:13-19; Luk 6:12-16)

¹ Jesudi mihinjiye 12 yenimbu buune yabap yehikelekutdok be wede haki tiŋa yagit folofigitahinit yehitubu-kedebadok saŋinin yemguk.

² Aposel 12'walaŋ wohiye adi indin: Timenŋ Saimon, wou noli Pita, tiŋa kwayaŋ Endulu, eŋ Jems Sebedi mihinjin eŋ kwayaŋ Jon. ³ Tiŋa Filip eŋ Batolomi, tiŋa Tomas eŋ Matiye takis muneen mongomongot tuluguk, eŋ Jems Alifiya mihinjin eŋ Tadiyas. ⁴ Tiŋa Saimon Selot eŋ Judas Kaliotnin, adi hatigene Jesu bolik timinguk.

Jesudi Aposel 12 heki u kwanai-mede yeninguk

(Mak 6:7-13; Luk 9:1-6)

⁵ Aposel 12 u indin yeniŋa yeningkukuk, “Hidi me Bepaŋ'walaŋ feknit mokit'walaŋ kwetnen mu unen, eŋ Samaliyahi'walaŋ yokwet ila wiinŋen unon mu yaunen. ⁶ Hidi adi Isilaehi dompa noli moile tiŋa hatiŋ adi'walaŋkade hogok kwanainenen. ⁷ Unon yaunila gigitmede indin yenhautayauneen, ‘Bepaŋ'walaŋ heben folon Hatihati Ungonin di hehitubu-dulalak.’ ⁸ Undun yeniŋila me yagit folofigitahinit yehitubu-kedebaneen. Dabahi yehitubu-pilatneen, eŋ wede hakihinit yehitubu-walandaneen, eŋ yabap yeningkeleku tineen.

“Kwanai u titindok saŋinin adi tuwaŋit mokit, hogok hamulat doktiŋa u hogok tiyauneen, hehi-tuwa adi mu tineen. ⁹ Tiŋa unene muneen be ¹⁰ lihik be dahidahi lufom be kayonnamokop be kuyaŋ adi mu mongotneen. Mokon hinek.

Kwanai me heki adi kwanai tiin doktiŋa yabudokoon yemtoi titindok.

¹¹ “Yokwet dan wosuwayaneen indigon tuwot timen metam unahi mebihikdok yonadi taneen. Me nedi’walaŋ mebi momoon nadiŋa kaŋ adigut itouŋa kameen waneen. ¹² Yot maanen foon indin yeniyaneen, ‘Kulema hidut halek.’ ¹³ Kaŋ me yot molohiyedi momoon binek tihambune kaŋ yokahan tiyemiŋa waneen. En yot molo-hiyedi momoon mu tihambune kaŋ yokahan mede u yolom beŋa yawaneen. ¹⁴ Tiŋa yokwet nin ginen uune metam mu haniutumbaŋ medehik mu nadiŋa tubune kaŋ yokwet u biŋa kayohik folon figifigi ungon ulumamaŋeu foune yawaneen. ¹⁵ Indin nadinen! Bepaŋ’walaŋ nai wapum mintawaaknen Bepaŋdi mede yodapmaune yokwet unahidok malabumun wapumgon mintayembaak en Sodom dut Gomola’walaŋ malabumunhikdi longon tibaak.”

Jesudi mihinŋye malabumun mebimebi mintayembaak wendok kigili mede yeninguk

¹⁶ “I nadinen. Dompaa heki kamo moŋ ginen wiin undun dabugon haninkutat ala nadinadiŋale unen. Undun doktiŋa hidi miŋgembet nabugon gitagon hatineen, tiŋa undugon butigili wele kulemaŋgon didimenin hatineen. ¹⁷ Nadinadiŋila yauneen, me noli hanagila mede ginen hapmeneen, en bopyotnen hanagila foon hehiwihitnadineen.

¹⁸ “U, hogok mu tihamuneen, hidi nu’walaŋ mihineye hatineen doktiŋa hanagila me mapme

lolonjhinit be me wapuhi'walaŋ uune adi naman-dahik folonŋ yali mede kwanai tineenŋ. Unduŋ tihambune hidi unŋonŋ fafaŋenŋ yali adi naman-dahik folonŋ be me Judahi'walaŋ feknit mokit namandahik folonŋ Mede Momoonŋ yohautaneenŋ.

¹⁹ “Be hanagila me mapme wapuhi'walaŋ uune mede dedinŋ yonim yonŋa nadibedi mu taneenŋ. Nai unŋaningonŋ Unŋoninŋ Munabulidi mede dedinŋ yodok u welehik maanenŋ kameenŋ hehitubulodaune yoneenŋ. ²⁰ Kaŋ mede yoneenŋ wendi hide yoinŋ mu tibaak, adi Behik'walaŋ Munabuli welehik maanenŋ hatak adi'walaŋ mede unduŋ tibaak.

²¹ “Kaŋ me noli nehi'walaŋ kwayahiye be dahiye bolik tiyembune widihikumuneenŋ, be behiyedi wapmihiye bolik tiyembune widihikumuneenŋ be wapmihidi mehim-behiye'walaŋ mede wobuŋa bolik tiyembune widihikumuneenŋ.

²² “Tiŋa metam hogohogok nutok tiŋa hidi habukwihita tineenŋ. Inŋonŋ nebek ninŋ adi fafaŋe tiŋa hatibune dapmandapmanŋdok naininŋ tibaak adi yadi Bepaŋ'walaŋ hebenŋ folonŋ Hatihati Kobuli kahilewaak. ²³ Tiŋa unduŋonŋ indinŋ nadinenŋ, yokwet ninŋ ginenŋ binek uune fidihihikele tubune kaŋ yokwet u bikabu tiŋa yawaneenŋ. Tiŋa indinŋ maanŋ nadinenŋ, hidi kwanaihik Isilae maanenŋ yokwet hali ulaknenŋ unŋonŋ mu tubudapmalune Me Kobumuŋ adi koti baak.

²⁴ “Pepayot wapmihi ninŋdi henaleninŋ kalakapme mu tilak. Be tipilapilaye-me adi wapumuŋinŋ kalakapme mu tilak.

²⁵ Unduŋ doktiŋa wapmihidi kwanai tiŋa

uuyen nadinadinjndi henaledok tuwolit tubumintaune tuwot tibek. Be tipilapilaye-medi bombongjinjndok tuwolit tubune u maan kedem. Yot molom nintubukadakaan Sadan* niinj doktina wapmihinjiye maan nemek kisanjon tiyemneen.”

Meeninji Bepan kubugonjndok hogok gikinjon timindok
(Luk 12:2-7)

²⁶ “Hidi meeninjndok munta mu taneen, nemek tumut ginenj hatak u naininde minjon mintadakalewaak, enj nemek kabup yonadiinj u naininde minjon nadidapmaneen. ²⁷ Undun doktina nemek ninj nu hidetok hogok hanilat wonj adi minjon yohautayaneen, be mede hamahamap folonj hanilat wonj adi yowawali folonj yali yohautayaneen.

²⁸ “Hidi nebek sigihik gitnem hogok ulukumuja munabulihik ulukumundok sanjinj lohilak aditok munta mu taneen. Hidi munta timindok adi Bepan unjak. Adi yadi sigihik be munabulihik wanakanj yenindapmaune kudup ginenj fofonjndok sanjinj halimilak.

²⁹ “Bagi nandip-kabe lufom u muneenj giminjndi kedem tuwawetin. Injon Behikdi nadiune kubugon-kabe nemu kumuja malak. ³⁰ Be meeninj hidi’walanj kihik hapmunj yokunat dedigonj u aganj nadidapmalak doktina munta mu taneen. ³¹ Hidi adi bagi nandip-kabe u yalakapme tiinj.”

* **10:25:** Wou noli u Belisibu, adi Sadan kuyonj.

Nu Jesu'walaŋ kayoŋbop gineŋ hatilat yodok meka adi mu titiŋdok

(Luk 12:8-9)

³² “Nebek niŋdi metam namandahik foloŋ nu wotnene miŋgoŋ yohautaune kaŋ kibi maan nubo kunum gineŋ Me Baŋ namanda foloŋ adi'walaŋ wou miŋgoŋ yohautawaat. ³³ Eŋ nebek niŋdi metam namandahik foloŋ nu wotnene yokamehebi tubune kaŋ nu maan undugoŋ kunum gineŋ Me Baŋ namanda foloŋ me u mu nadimilat yobaat.”

Metam adi Jesu welehikdi kahilehinaka hinek titiŋdok

(Luk 12:51-53; 14:26-27)

³⁴ “Tiŋa nu kwetfoloŋ iŋoŋ kulema tubumintadok fogut unduŋ mu yoŋa nadiyaneen. Nu yadi mik tubumintaan metam yehiulitawawene fogut. ³⁵ Unduŋ doktiŋa me yabet adi kikakwihita tidemeek, eŋ waabi yamit adi maan kikakwihita tidemeek, eŋ yanabunjit adi maan kikakwihita tidemeek. ³⁶ Eŋ me niŋ adi ne'walaŋ wapmihi-tamdigoŋ mik timineen.

³⁷ “Nebek niŋ welen wapum mimbeudok kameen nutok welen di hinek mu nabukahilewaak adi yadi nutok gigit mu tibaak. Be nebek niŋ welen wapum wapmihiŋiyedok kameen nutok welen di hinek mu nabukahilewaak adi undugoŋ nutok gigit mu tibaak. ³⁸ Be nebek niŋ kolon dabe kŋiŋ mu bemŋa nehikelewaak adi maan undugoŋ nutok gigit moŋ. ³⁹ Nebek niŋdi hatihatiŋiŋ netok kahilewaak adi fiit timimbaak.

En nebek ninđi nutok nadiņa kwanaine tihatibaak adi Hatihati Kobuli tubumintawaak.”

*Kilisto’walaņ metamņiye yehitubu-lodawaak
adi yadi tuwaņiņ bewaak*

(Mak 9:41)

⁴⁰ “Nebek ninđi yolineņ hanihamaneune loneņ, adi nutok tinamiņ tibaak. Be nutok tinamneņ u Me napmeune fogutdok timiņ unduņ tibaak. ⁴¹ Kaņ nebek ninđi polofet u polofet hatilak yoņa yolineņ nihamaneune lowaak adi tuwaņiņ polofet’walaņ wendok tuwolit moņgolaak. Be nebek ninđi me niņ me didimeņ hatilak doktiņa nihamaneune yolineņ lowaak adi tuwaņiņ me didimeņiņ’walaņ wendok tuwolit moņgolaak. ⁴² Tiņa indin nadineņ. Nebek ninđi fofonit niņ nu’niņ mihine yoņa ime subumuņ hogok gilimimbune nawaak, adi yadi biyagoņ hinek tuwaņiņ bewaak.”

11

*Jon Imeyout Tububihitdi mede kameune mi-
hiņiyedi tiņa Jesu’walaņ ugiņ*

(Luk 7:18-35)

¹ Jesu adi mihiniye 12 mede unduņ yenin-didimedapmaan yokwet noli Galili kwetneņ ila ugiņ uņoņ yenindidime kwanai tiņa Mede Mo-moon yoyo tibene uguk. ² Kaņ Jon adi yot fafaņeniņneņ hali Jesudi kwanai tubune gigitniņ nadiņa mihiniye yeninkulune ugiņ. ³ Woon indin ninadigiņ, “Du Jondi me niņ bubuņdok yoguk u du-kube? Be nolidok woomuneem?”

⁴ Undun yobune Jesudi indin yeninguk, “Hidi udaneen unen. Woon nemenemek mintaune kanadi tiin u Jon nimbune nadiwek. ⁵ Me dauhik sipmakahidi diwetom tiin, kayohik kadakahidi talik yawiin, wede hakihinitdi walandain, be magihik kaulehidi mede nadiin, en kumuhidi koti kaikain, agan fiyewakahidi Mede Momoon nadiin. ⁶ Me nediyeen nu’walaen titiñe kan nadikadaka mu tilak adi Bepan di kaune utumba tilak.”

⁷ Jon mihiniye udaneen ulune Jesudi metam Jondok indin yeninguk, “Hidi kwet fiilen ugin u mangon kanene ugin? Hidi baningip sububadi fedilu unambunat tilak ube kane ugin? ⁸ Be me tinahukut kinonom tilak undininbe kane ugin? Me tinahukut unduhi tinahukukiin adi me mapme yohinen hogok hatiin. ⁹ Be polofet nin kane ugin? Indin hanimbe nadinen. Hidi me woon kagin adi yadi polofet noli yalakapme tilak, tiña adi yadi me ungonin hinek. ¹⁰ Aditegon Yokudip Mededi indin yolak, ‘Nu kwanai-mene kamewene timen woon talik dobui tigambaak.’ ”

¹¹ Undun yonja tomboyoula indin yeninguk, “Indin hanilat. Metam hogohogok kwetfolon mintagin nebek nin di Jon Imeyout Tububihit mu kalakapmelak, ingon nebek nin Bepan’walaen heben folon Hatihati Kobuli ginen fofonit-kabe hatilakdi Jon kalakapmeen lolonit tilak. ¹² Jon Imeyout Tububihitdi tububihila kwanai tuguk nai unanin Bepan’walaen Hatihati Kobuli dinin Mede Momoon u saniniñnit tububihila mintagukdi mintati bulak. Kan me

nediyen gigine kwanai tiin hekidi Hatihati u kahilein. ¹³ Polofet heki tin Moses adi wanakan kigili mede youkudip folon en yohauta ginen titabubuyeen Jon'wala nai ginen tubudapmagin. ¹⁴ Undun doktina hidi mede i nadine kan kedom nadinen. Ilaija bubundok yogin u Jon buguk unakon. ¹⁵ Nebek nin adi nadidakalewe kan magi baigon kametnadin nadiwek."

¹⁶ "Metam kobuhi i mangondok tuwolit kamekaan yenimbit? Adi yadi wapmihidok tuwolit. Wapmihi adi yowawaliwen bopneen halina nohiyedok indin yeniin, ¹⁷ 'Indi kap momoon togumun ingon nadifo mu tigin, be kap bulaningon togumun ingon makat mu kokin!' ¹⁸ Jon Imeyout Tububihit adi buna nanane kamehep tin ime fafajenin maan mu naguk kan 'Me yabapnit' ningin. ¹⁹ Kan Me Kobumun adi buna nanane ime naune kan indin yoin, 'Me i nanane molo tin ime fafajenin nanan tilak doktina adi yadi me takis muneen mongomongot en me kadakahi'wala nohik.'

"Metam kobuhidi undun yoin ingon Bepan'wala nadisuhebet adi negon foloonit tubune mebinin mintadakalelak."

*Jesudi Galilihi metam mute mede yeninguk
(Luk 10:13-15)*

²⁰ Jesu adi yokwet indigon yauna kunumnenin kudi tiyaguk ingon metamdi kudi u yabuna welehek mu tubutakalegin, doktina nai unanin kisan yabuton indin yeninguk. ²¹ "Hidige! Kolas-inhi tin Besaidahi, hidi'wala unon kudi tugut u

Saidon dut Taiya unon binek tibe tugut adi metam unjahidi kobulabulaye tinja kadakaninhik sigilulum tiyemne tigin. ²² Undun doktinja kougon nai wapum mintawaakneñ hidi'walañ malabumundi adi'walañ kalakapme tibaak.

²³ “Tinja Kafanaumhi, hidi hidetok nadiune lolon tilak, ingon on, hidi yadi hamdok gigit. Hidi'walañ kwetneñ inon kudi mintaguk u Sodom kwetneñ unon mintawe tuguk binek yokwet u mu kadakawe tuguk. Nai indidegon momoon hatuwek. ²⁴ Undun doktinja indin nadineñ, kougon nai wapum mintawaakneñ hidi'walañ malabumun mintawaak adi Sodomhi'walañ kalakapmeen mintahambaak.”

Jesudi ne'walañkade woon kulema tubumintadok kutininilak
(Luk 10:21-22)

²⁵ Nai unanin Jesudi mede indin yoguk, “O Me Bañ, kunumkwet dinin Wapum, du nemenemek i me nadinadihinit be nadidakalehinit'walañkade kamehebi tugun. Tinja me nadinadihikdok nadiune wapmihidok tuwolit tilak aditok adi mingon tanakiyeyembu kain. ²⁶ O Me Bañ, da undun mintadok yokwambundaan nadifo tugun won-dok tuwot mintalak doktinja nadifo tinja ganiu-tumbalat.

²⁷ “Nu Batnedi nemenemek agan namdapmaguk tinja adi kubugon di nadinamulak. Nebek noli nemon. Kan nebek nin di Me Bañ mu nadimilak, Mihidi hogok nadimilak. Tinja meen in Mihidi yehidanelak adi-hogok yenindakaleune nadidakalein.

28 “Me malabumun tinatagibemna nadimal-abudaan gweheye tiin, hidi nu’walaŋkade buune hehitubu-lodaan kulema hambit. 29 Nu adi me kuleman en welene maan kuleman ale nu’walaŋ kwanai tiŋa mebine nadidakaleune welehi kulemawek. 30 Nu’walaŋ isene u kuleman en nemek beemdok hamulat uyadi lonŋon.”

12

Sabat gulet dinin mede (Mak 2:23-28; Luk 6:1-5)

1 Tiŋa mindaŋkade Sabat folon Jesu adi mihiŋiye dut wit fiye ginen talik ugin. Unila mihiŋiye adi map nadiŋa wit foloon wootitiila kaipmun nagin. 2 Kaŋ Falisi hekidi yabuŋa nadiune tuwot mu tubune Jesu indin ninŋin, “Yodoko Medenikdi Sabat folon kwanai mu titindok yolak kaŋ mihigeŋe adi maŋonŋe undun tiin?”

3 Undun yobu Jesudibo yeninguk, “Hidi Dewit tiŋa meniŋedi map nadiŋa tigin u mube kunali nadiin? 4 Dewit adi woon Bepaŋ’walaŋ Silonyotnen fon Bepandok belet unŋonin yonka kamegin u tiŋa naan meniŋe yembune nagin. Kaŋ Yodoko Medenikdi undun mu titindok yonit, adi Silonyot dinin talitimenŋi hogok nanandok yonit.

5 “Be Silonyot dinin talitimen heki’walaŋ Yodoko Mede hatak u mube kunatnadiin? Talitimen heki Sabat folon kwanai mu titindok yonit adi u lahula Silonyotnen kwanai tubune wendi yom mu tilak.

⁶ “Nu indin hanimbene nadinen. Me nin namandahik folon yatak adiyen Silonyot kalakap-melak. ⁷ Bepan’wala Youkudip Mede ginen mede nin indin yolak, ‘Bepan adi kale hemundumundune timindok adi mon nadilak, adi yadi me noli silon tiyemdok nadilak.’ Hidi mede u nadiyanen binemek adi me yomhinit mokit yeningtofit mu tanen. ⁸ Me Kobumun adi Sabat maan kadokolak.”

Sabat gulet nai folon Jesudi me nin kohon hogoli tutumbaguk

(Mak 3:1-6; Luk 6:6-11)

⁹ Undun yodapmaan nai unaningon woon Judahi’wala bopyotnen foguk ¹⁰ kan me nin kohon kumun tuguk adi ungon ikuk. Kan mehekidi Jesu mede ginen deti kamenim yona indin nin kamandagin, “Yodoko Medenikdi dedin yolak. Sabat folon meenin kedom be yehitubukedebadok, be dedin?”

¹¹ Kan Jesudibo indin tubu-udaneyemguk, “Hidi’walaanin nebek nin dompanin Sabat folon kon ginen binek fowek, kan Sabat folon doktina kedembe bikabune ungon halek? ¹² Dompadi nemek foloon mu tilak, meenin adi nemek ungonin hinek, undun doktina Yodoko Mededi Sabat folon me yehitubu-loda kedom titindok yolak.”

¹³ Undun yona me kohon kumun u ninguk, “Kohoge kihiwalen.” Nimbune kohon kihiwali utumbahinakaune fukunin dabugon tuguk. ¹⁴ Undun tubune Falisi heki adi u kan woon Jesu uutdok yohebet tigin.

Polofetdi Jesudok kigili mede yoguk u agan foloon mintaguk

¹⁵ Kan Jesu adi mede u nadiņa yokwet u bik-abuņa kwet niņkade uguk. Kan metam feedi keletaune yagithinit yehitubu-kedebaguk. ¹⁶ Tiņa Jesudi kwanai u tuguk, u metam noli mebiņiņ mu yenindok yonņa yenihep tuguk. ¹⁷ Kan Bepandi polofet Aisaiya maņiņ ginen mede indin yoguk u foloon mintaguk,

¹⁸ “I na’walaņ tipilapilaye-me, adi nagon tubudakalegut. Adi kanadigalika tilat, tiņa welenedi hinek kahile tilat. Unduņ doktiņa Uņgoniņ Munabuline ugomimbene metam fekhinit mokit titiņ didimeniņdok Mede Momoon yenihautawaak. ¹⁹ Adi tosiwe tiņa kutifiye mu tibaak, be mede yowawaliwen miņgon mu yohautawaak. ²⁰ Adi yadi yat koliknit filodokokut mu tibaak. Be kudupdelet datumutumule tilak u bikabune mu kumumbaak. Adi unduņ titaulune titiņ didimeniņdi fafaņedapmawaak. ²¹ Kan metam fekhinit mokit hogohogok, adi wou ginen welehiķdi nadisukilitiņa nemek kadem mintayembaak wendok nadisuņa gigne tiņa woomiyaneņ.”

*Jesu Sadan gut kwanai tilak niņgiņ
(Mak 3:20-30; Luk 11:14-23; 12:10)*

²² Nai uņaniņ me niņ yabapdi tubukadakaune dawī sipmaka tuguk, tiņa undugon mede maan mu yoluguk u nagila Jesu’walaņ ugiņ. Uune Jesudi tubukedebaune mede yonņa dau diwe tuguk.

²³ Kan mebop kakan yakin adi u kan boho tinja yogin, “Dewit mihinin inakon bidak?”

²⁴ Undun yogin kan Falisi hekidibo u nadin yeningin, “Yalan mu yonen ale wabiut. Me i yabap heki’wala wapumhik Belisibudi tubulodaune yabap yeningkuyaulak.”

²⁵ Ingon Jesu adi nadinadihik u kanadin indin yeninguk, “Kwet wapum nin adi utawaan bop molomolom tinja mindobunen kan kwet u pilap kadakawek. Be hekinolit nin adi daneen molomolom hatina mindobu tubune lekingonhik folon utawa utawa hali kadakawek. ²⁶ Sada’wala mebopdi utawaan bop lufom tinja mindobu tubune adi’wala kwanai deti saninin nit halek?”

²⁷ “Hidi nu Sada’wala saninin nambune yabap yehikelelat yoin, ale nu undugon nobu tilit kan me hide’wala adi mangon saninindi yehitubulodaune yabap yehikelein? Hidi yalan yoin doktin hide’wala me nohiyedi mebihik tubudakalein. ²⁸ Nu adi Bepa’wala Munabulidi nobu nehitubu-lodaune yabap heki yehikelelit kan hidi Bepa’wala heben folon Hatihati Kobulidi agan hehitubu-dulalak u agan mintadakalak.

²⁹ “Nebek nin me fafajenin’wala yoli ubulagineen bombon kubo tibe nadin timen me u tawa tinja ibikilitiune halune yoli kedem ubulaginewek. ³⁰ Nebek nin menot mu tinamulak adi mik tinamulak, be nebek nin mu nehitubulodan kwanaine kadokolak adi metamneye yehitubu-pupuhene tilak. ³¹ Tinja indin hani-lat. Nebek nin kadakanin tibaak, be me noli

ninkadaka tibaak, adi Bepandi kadakaninjin kedem bimimbaak. Ingon nebek ninji Ugonin Munabuli ninkadaka tibaak adi kadakaninjin mu bimimbaak. ³² Tina nebek ninji Me Kobumun ninkadaka tibaak adi kadakaninjin kedem tumolokulimimbaak. Ingon nebek ninji Ugonin Munabuli ninkadaka tibaak adi kadakaninjin hogok kameune haliwoon halaak fafanejin.”

Bem hogohi adi foloon maan hogohi ingon mintain

(Luk 6:43-45)

³³ Jesudi tomboyoula indin yoguk, “Bem nindok miminin yokaan mindipmundok maan momoon yoyaneen. Be bem nindok moinin yokaan mindipmundok maan hogoli yoyaneen. Bem dinin mebi kilikidi tubudakalelak. ³⁴ Hidi adi mingembet dinin yalaki doktina mede momoon detina yonen? Welehik maanen dedinin hatak wendok tuwot mahikdi yobihitak. ³⁵ Me momoon adi welen ginen nemek momoon hatak u mingon yobihitak, en me hogoli adi welen maanen nemek hogoli hatak u mingon yobihiletik.

³⁶ “Indin hanimbe nadinen. Mede hogohi u mu nadidakaleen hogok yofit tiin wendok kibikon kougou nai wapum folon Bepandi hanindapmawaak. ³⁷ Medege yolan wendigon mebiga yobihilune ganagitdok, be medege yolan wendigon mebiga yobihilune bigabudok.”

Me nolidi Jesu kunumnenin kudi tubune kakan dok ninadigin

(Mak 8:12; Luk 11:29-32)

³⁸ Unduŋ yenimbu Yodoko Mede henale noli tiŋa Falisi hekidibo indin niŋgin, “Henale, du Bepaŋ’walaanin biyagon nobu fowen kaŋ kudi neen tubune sanininge kanim.”

³⁹ Unduŋ yogin kaŋ yeninguk, “Metam kobuhi hidi kadakanin titindigon kunum ginenin kudi titindok naniin. Ingon kudi gitipmun nemon. Kudi adi koom polofet Jona’walaŋ mintaguk undugon mintaune kaneen. ⁴⁰ Koom Jonadi helebufa lufomkulitnin pisi wapum welen maanen hakuk undugon Me Kobumun adi maan kon maanen helebufa lufomkulitnin halaak. ⁴¹ Nai wapum mintaune mede nadinadi halaakneŋ Niniwehidi mintaan hidi’walaŋ mebihik yobihilune tuwaŋin beneen. Maŋgonde, adi koom Jonadi Bepaŋ’walaŋ mede yohautaune metam adi u nadinŋa welehik tubutakalegin. Ingon Me nin hebehik folon yatak adi Jona kalakapme tilak.

⁴² “Tiŋa Sebahi’walaŋ Tam Wapme lolonrit adi yolikweli binŋa pilali Mapme Solomondi mede nadisu-fulingon tiŋa yoguk u nadiwene uguk. Ale indin hanimbe nadineŋ. Kobuk hebehik folon yatak adi Solomon kalakapme tilak dok-tiŋa Bepaŋ’walaŋ nai wapum folon Sebahi’walaŋ Tam Wapme adi pilali metam kobuhi hidi’walaŋ mebihik yobihilune kadakaninŋhik dinin kibikon beneen.”

*Munabuli hogolidi kotigon udaneguk
(Luk 11:24-26)*

⁴³ Unduŋ yona tomboyoula indin yeninguk, “Yabap adi me nin welen ginenin labuŋa woon kwet ime mon ginen, kwet fiilen hakule titindok

kwet lohitaualak. ⁴⁴ Lohitawoon mon lohikaan indin yobetik, 'Kotigon woon yotnenen fowit.' Undun yonja udaneen woon kalune yot u molomnit mokit yohumun tina tutumbaen binjit ⁴⁵ undun kan kotigon woon yabap kadakahi hinek 7 yanagila buja ungon nongon foon itounetinjit. Undun tubune me u koom yabap kubugondi fomimbu hatiguk undinin u wabina agan kisan hinek kadakawetik. Undugon hinek, metam kobuhi kadakanin titin hidi'wala mintawaak."

Jesu min kwayanyiye

(Mak 3:31-35; Luk 8:19-21)

⁴⁶ Jesu adi mede undun hayenilune min kwayanyiye adi mede ninene bugin, buja fakan yakin. ⁴⁷ Kan me nindi ninguk, "Mange kwayageye mede ganine fakan woomgamiin."

⁴⁸ Undun yobune Jesudibo indin ninguk, "Maane kwayaneye nedigon?" ⁴⁹ Undun yonja mihiniye yakinnekkade kohodidim youla indin yoguk, "Nu maane kwayaneye adi inak. ⁵⁰ Metam nediye Batne kunum ginen hatilak'wala manin mede nadin takalin adi yadi nu'wala maaneye, kwayaneye en witneye."

13

Jesudi yoyout diniyeti ginen kamekaan yoguk

(Mak 4:1-12; Luk 8:4-10)

¹ Mele nai wendegon Jesu adi yopmanin foon buja woon imengwan maginen ikuk. ² Kan metam feedi woon bopneune yabuna muwage nin folon loon ikuk. Kan metam bop wapum

adi kin folon bopneen yakin. ³ Kan yoyout mede folon mede mebimebi fee yeninguk.

Tububihila indin yoguk, “I nadinej, me dinina molo nin adi nemek yeuli yetibe mongola uguk. ⁴ Monggo woon sayoli kilik kukam undun kukuk. Kulune noli talipmen magin kan bagi hekidi kunatnagin. ⁵ Noli kwet kawadenit folon maan kwet wahingon doktina pilap kadogin. ⁶ Ingon kokoi fulungon mu fogin doktina mele diween kawade dafafaneune kumun tigin. ⁷ Kan noli hanginep maanen maan labugin ingon hanginepdi hefulagin. ⁸ Noli kwet galikit folon magin adi kadem labuna foloon fee duhugin. Tina kwedei nin dinin foloon 100, kwedei nin dinin 60, kwedei nin dinin 30. Undun mintagin.

⁹ “Nebek nin adi nadidakalewe kan magi baigon kametnadin nadiwek.”

*Jesu adi mangon mebi doktina yoyout ginen
Mede Momoon yoluguk wendok yodakaleguk
(Mak 4:10-12; Luk 8:9-10)*

¹⁰ Mede undun yobune Jesu ne'nin mihinijedi heben ginen buna indin ninadigin, “Du mangonde mede yoyout hogok tina yenilan?”

¹¹ Kan Jesudibo indin yeninguk, “Bepan'walan heben folon Hatihati Kobuli dinin mede hebinin hatak u Bepandi agan hanimbihitak, en me noli adi mokon. ¹² Ingon nebek nin adi nemek mingin u boina hatibune kan tomboyoulimbune duhuduhunit tibaak, en nebek nin adi nemek mingin u mu kame hatibune kan lomtubune hogok hatiluwaak.

¹³ “Nu indin nadin nadi yoyout mede hogok yenilat. Adi kanim yo kain ingon tuwot mu kadakalein, en nadinim yon nadin ingon tuwot mu nadidakalein. ¹⁴ Kan Aisaiyadi mede indin yoguk u foloon mintalak:

‘Magihikdi nadinadi hogok u nadineen, en welehihikdi hinek nadidakale adi mu tineen. Dauhikdi diwediwe u diweneen, ingon kadakale adi tuwot mu tineen. ¹⁵ Metam yon adi welehihik kwambumun en magihik adi agan youkaulegin, en dauhihik agan tubusupmakagin. Undun doktin nadin dauhihikdi nemek tuwot mu kadakalein, en magihikdi mede tuwot mu nadidakalein, en welehihikdi nemek nemu nadidakalehinakain. Undun doktin welehihik mu tubutakaleune nu detin yehitubukedebawit.’

¹⁶ “Bepandi habunadiune utumba tilak doktin hehitubu-lodaune dauhihikdi kadakalein en magihikdi nadidakalein. ¹⁷ Nu biyagon hanilat. Koom won, polofet heki tin metam didimehi adi nemek hidi kobuk kain i kanim yon gigin tigin ingon mu kagin. Tin nemek hidi kobuk nadin u nadinim yon gigin tigin ingon mu nadigin.”

Jesudi yoyout diniyeti ginen kamekaan yoguk wendin mebi yenimbihikuk

(Mak 4:13-20; Luk 8:11-15)

¹⁸ Undun yon tomboyoula indin yeninguk, “Dinina molo dinin yoyout mede yonat wendin mebi indin. ¹⁹ Me nediye Mede Momoon nadilak ingon welen ginen mu kamehatilak, adi yadi me kadakanin di bun welen ginen mede yeuli u

kuboneen beña ulak. Me won adi yeuli monggola woon kulune talipmen magin kan bagi hekidi nagin wendok tuwolit. ²⁰ Kan kiliki kawade folon magin won adi me nediye Mede Momoon kedem nadigalikaan kamehatilak ²¹ ingon kokoi fulungon hinek mu foguk doktiña Mede Momoon folon yayat dinin mede be mik-kwadi mintaune munta tiña Mede Momoon sigilulum timilak. ²² Kan hanginep ginen magin won adi me nediye Mede Momoon nadinadi u kedem tilak ingon nadinadinin wapum adi nemek kwetfolon inon liwewaak wendok hatak. Tiña me muneen bombonit mintadok nadilak doktiña nadinadinin wendigon Mede Momoon dinin galikitnin u ulat-ifoone nadiune foloon mokit tilak. ²³ Kan me nediye kwet galikit ginen magin undinin hatiin adi yadi Mede Momoon welehi ginen hinek nadidahina foloon tubumintain. Adi yadi kitili nin folon 100, nin folon 60, nin folon 30, undun mintataulak.”

Jesu adi yoyout nanane mimihi dut nanane moihidok yoguk

²⁴ Jesudi yoyout mede kotigon nimaan indin tomboyoula yeninguk, “Bepan’wala heben ginen Hatihati Ungonin adi me nin di dininanin ginen nanane mimihi diniyetilak wendok tuwot kamekaan yobit. ²⁵ Adi nanane youli mimihi yetiguk ala bufaune metam hogohogok damo deihatune memiknin di buña nanane youli moihi u mimihi banamnen ungon yetititauguk. ²⁶ Kan nanane mimihi u labuña wapuhi tiña foloon titindok titaулune youli moihi yetiguk u maan

agan labuṇa mintadakalegiṇ. ²⁷ Kaṇ kwanai-meniyedi u kaṇ buṇa indinṇ ninadigiṇ, ‘Bombongi, du fiyege ginenṇ nanane mimihi hogok yetigun, ingonṇ nanane moihi u denandinṇ buṇa yakiin?’

²⁸ “Unduṇ ninadiune adibo yoguk, ‘Wonṇ adi nebek memiknedi yetiguk.’

“Unduṇ yobune adibo kotigonṇ indinṇ ninadigiṇ, ‘Unda kedembe woonṇ tamali monḡoyakutnim?’

²⁹ “Unduṇ yoginṇ kaṇ bombongiḡihikdi indinṇ yeninguk, ‘Nanane moihi tamakam yonṇa mimihi tamatnenenṇ doktiṇa biyabune unḡonṇ yatnenṇ. ³⁰ Ala kougonṇ foloonṇ mintaune yabudidimeenṇ nanane monḡotnadok nai folonṇ me nanane monḡomonḡot heki yenimbene woonṇ moihi u tamali ibidokoonṇ beyakulune kudup ginenṇ daneenṇ. Kaṇ mimihi nanaṇdok u monḡola buṇa yopmanṇ bopneneenṇ.’ ”

Jesudi yoyout mastat kilik gut belet tububedi haguwo folonṇ kamekaanṇ yoguk

(Mak 4:30-32; Luk 13:18-21)

³¹ Unduṇ yonṇa yoyout mede nimaanṇ indinṇ tomboyoula yeninguk, “Bepaṇ’walaṇ Hatihati Kobuli adi mastat kilik* undininṇ. Ala me ninḡi tiṇa woonṇ fiyenṇinṇ ginenṇ yetilak. ³² Kiliki wonṇ adi kuyaninṇ kabe, kiliki noli yetiyam wendok tuwolit monṇ. Inḡonṇ mindanṇ mastatdi loonṇ wapum tiṇa nemenemek noli yetiyam u yalakapme tiṇa yalune bagi heki adi buṇa taṇeninṇ folonṇ unḡonṇ deipilat tiinṇ.”

* **13:31:** Mastat dininṇ mebi kanadiwe nadinṇa pepa yendininṇ dikiinenṇ Diksineli ginenṇ unḡonṇ kawenṇ.

³³ Koti tomboyoula yoyout mede nimaan indin yeninguk, “Bepañ’walañ Hatihati Kobuli adi tam niñdi belet tububedidok haguwo u palawa dut minobuññ bikabune hali bedi tilak undiniñ.”

Jesu adi yoyout gineñ hogok mede yohautaluguk

(Mak 4:33-34)

³⁴ Jesu adi metam mede didimenñon be mingilañon hogok mu yeniluguk. Adi yoyout mede folon kameen yeniluguk. ³⁵ Unduñ tubune polofetdi indin yoguk u foloon mintaguk, “Mane gineñ adi yoyout mede hogok mintaune yobaan. Mede hebinin kwet tububihila mintaguknenin halilabu hatak u yohautawaan.”

Jesudi yoyout nanane mimihi en moihi wendiniñ mebi yeninguk

³⁶ Jesu adi unduñ yodapmaan metam yapmeune ulune yolineñ loguk. Kañ mihiniye adi loon indin ninadigin, “Du dinina gineñ nanane mimihi yetibune nanane moihi maan labugin, yoyout mede unduñ yonañ wendiniñ mebi kedembe ninimben?”

³⁷ Unduñ ninadiune yeninguk, “Me nanane momohi yetilak won adi Me Kobumuñ. ³⁸ En dinina won adi kwet wapum hali ulak wanakan. Kañ nanane youli mimihi won adi metam kunumdok gigit hatiin. En nanane youli moihi won adi me hogoli’walañ metamniye. ³⁹ Mikme nanane moihi yetiguk won adi Sadan. En mongotnadok nai won adi nai wapum, kañ kwanai-me adi anjelo heki. ⁴⁰ Nanane moihi tamali ibidokoon

bekulune kudup ginen daneen u nai wapum folonj mintawaak. ⁴¹ Nai unjaninj Me Kobumunji anelonjiye yeninkulune kwetkwet woonj nemenemek metam yalamut tubune kadakaninj tiinj be metam kadakaninj titinj heki u wanakanj hogohogok yanagi bopneen ⁴² kudup wapum ginen beyakulune foneen. Unjonj foonj folofigita nadija mahik sikilitinja makat kobulabulaye tineen. ⁴³ Kanj metam didimehi adi yadi Behik'walanj kwet kulemanj ginenj woonj meledi diwehautalak nabugonj diwehautayaneen.

“Nebek ninj adi nadidakalewe kanj magi baigonj kametnadija nadiwek.”

Jesudi yoyout muneen bogit enj fukut ginen kamekaanj yoguk

⁴⁴ Undunj yonja indinj tomboyoula yoguk, “Bepanj'walanj hebenj ginenj Hatihati Unjoninj adi muneenj bogit ninj dinina ginenj wenefulaginj undininj. Kanj me ninji u katubumintaanj nadifo tinja kotigonj unjonj kufulanja woonj nemenemekninj hogohogok tuwadok boiune tuwaune muneen u benja woonj dinina u tuwaguk.

⁴⁵ “Bepanj'walanj hebenj ginenj Hatihati Unjoninj adi me ninji fukut tuwawene kiyauguk undininj. ⁴⁶ Ala woonj fukut momoonj hinek ninj tubumintaanj woonj nemenemekninj hogohogok tuwadok boiune tuwaune muneen benja woonj fukut u tuwaguk.”

Jesudi yoyout umben ginenj kamekaanj yoguk

⁴⁷ Undunj yonja indinj tomboyoula yoguk, “Bepanj'walanj hebenj ginenj Hatihati Unjoninj adi umben ime ginenj kameune halune ime dininj

kale ungonin ungonin bufolak undinin. ⁴⁸ Ala umben u ime dinin kale mebimebidi fotokoune tinja woon giinen wenekula kale nanandok heki u bena kabot wapum ginen kadahigin. En kale mu nanandok heki u beyakulune ime ginen fogin. ⁴⁹ Kwet i dapmawaaknen nemek unduku mintawaak on. Anjelo hekidi kwetkwet udapmaan metam nadisukilitihinit lekingonhik ginen metam hogohi hogohogok u yanagila ⁵⁰ kudumebem wapum ginen yakulune foneen. Unon foon folofigita nadin mahik sikilitinja masinkilip tinja kobulabulaye tihatiyaneen.”

⁵¹ Undun yodapmaan yeninadiguk, “Hidi u hanilat hogohogok u abe nadidakalein?”

Undun yeninadiune yogin, “Een, agan nadidakaleyam.”

⁵² Undun yobune yeninguk, “Yodoko Mede henale nin di Bepan’wala Hatihati Ungonin dinin mebi nadidakalelak, adi yadi me yot molom dabugon. Yot molom adi metamdi kanen yona tinaulibi yotnin maanen foon bombon komi be kobuli mongo foon boilak undinin.”

Nasalethidi Jesu sigilulum timingin
(Mak 6:1-6; Luk 4:16-30)

⁵³ Jesu adi yoyout mede undun yodapmaan kwet u bikabuna yolikwelide uguk. ⁵⁴ Unon woon Judahi’wala bopyotnen foon Mede Mo-moon yenindidimeune metam adi u nadin boho tinja indin yogin. “Nadinadi wapum tinja kudi titin ungonin hinek i dan benak? ⁵⁵ Indi me i agan nadimiyam, adi yadi kamunda mihinin en min adi Maliya, kan kwayanyiye wohiye adi Jems,

Josep, Saimon en Judas. ⁵⁶ Tina wiwiye indegut nonjon hatiyam. Injon adi nemenemek hogohogok i dan beguk?" ⁵⁷ Undun yonja kahanjinda tina nadilakata timingij.

Undun tigin kan Jesudi indin yeninguk, "Polofet adi metam kwet ninjadehi kahanjinda mu tiin injon yolikwelinen menjimeniye nehi adi kahanjinda tiin."

⁵⁸ Metam unahi adi mu nadisukilitimingij doktina adi'wala unon kudi fee mu tuguk.

14

*Helot adi Jesu gigitij nadin nadifile tuguk
(Mak 6:14-29; Luk 9:7-9)*

¹ Nai unanij Galilihi'wala me mapme Helot adi Jesu'wala gigitij nadiguk. ² U nadin talitimen nolinije indin yeninguk, "Won adi Jon Imeyout Tububihit. Adi kotigon kumun ginenij kaikaan pilakuk doktina kudi saninij nit hinek tilak."

³⁻⁴ Mede u hogok yofit mu tuguk. Adi koom dali Filip'wala tamnij Helodiya lom nagikuk. Kan Jondi ninguk, "Du tam u nagikun won adi yom tugun." Undun hogok nilu nilu Helotdi kwihitaan mikmeniye yenimbune won Jon nagila buja tawa fafajenindi ibidokoon yot fafajenijnen kamegij. ⁵ Kan Helotdi Jon ulukumundok nadisuguk, injon metandi polofet niyagin dokti metamdok muntaan wabiguk. ⁶ Ala Helot'wala mintaminta nai folon metam buja bopneen itune Helodiya waabinij adi buja namandahik folon kap momoon hinek miyeune Helotdi kanadiune

utumbaune indin ninguk, ⁷ “Nu Bepan dawinen biyagon hinek yofafanelat, du nemek nindok nadinan nanimbune kedem gambit.”

⁸ Kan min di nadinadi minan ningigineune bunan indin yoguk, “Jon Imeyout Tububihit’walan mebi malin folon kobuk yuku kameen tibu namulihen!”

⁹ Undun yobune bulaningon wapum nadinan welemulap tuguk, ingon mon deti nimbek, agan Bepan be metam namandahik folon mede yofafane tuguk doktina fiit nadimingung. ¹⁰ Tina yobune mikmeniyedi woon Jon yot fafajeninen hakuk u kodi udokoon ¹¹ mebi malin folon kameen tina bu waabi u mingin. Kan adibo tina woon mindok mimbune kan nadihakale tuguk. ¹² Kan Jon mihiniyedi woon sigin gitnem u bemnan woon wenefulagin. Undun tina woon Jesu mede kahat timingin.

Jesudi metam 5 tausen nanane en kale yemtoi tuguk

(Mak 6:30-44; Luk 9:10-17; Jon 6:1-14)

¹³ Jesu adi Jon’walan mede kahat undun nadinan kwet u bikabunan muwage nin folon loon imengwan fokolok losuwaan kwet fiilen nehogok hatibe uguk. Kan metam adi u nadinan yohikwehik biyabunan imengwan gaga tabe keleen woon wosuwagin. ¹⁴ Kan muwage ginenin tatakula foon metam bop wapum u yabunan welen goloune bulaningon nadiyeminan metam yagithinit u yehitubu-kedebaguk. ¹⁵ Undun hati tulune mele udaneune tebeledaguk, kan mihiniyedi woon ningin, “I kwet fiilen hatnene agan

tebele tilak, ale metam yeninkulune yokwet ginen woon nanane tuwanan tinen.”

¹⁶ Undun yogin kan yeninguk, “Mangonde unen yona yeninkukii? Hidi hide nemek nanandok neen yembu nanen.”

¹⁷ Undun yenimbune yogin, “Indi adi belet yawe kohofukun en pisi lufom hogok boihakam.”

¹⁸ Undun yogin kan yeninguk, “Unda u mongola nu’wala ingon bunen.” ¹⁹ Undun yona metam yenimbune kilihikit momoon folon foon ilaugin. Kan belet yawe kohofukun en pisi lufomuk u mongola dadiyeen kunum folon diween Bepan niutumbaan metam daneyemdok yona wobuna mihiniye yembune daneen metam yemtaune nagin. ²⁰ Kan metam hogohogok naan tuwot tubune mihiniyedi nadikidiki u bondibondi 12 kadahitokogin. ²¹ Me kale nanane u nagin adi yokunathik 5 tausen, en tamwoi tina wapmihi adi mu yehikunakin.

*Jesu imengwan tabe yalitauguk
(Mak 6:45-52; Jon 6:16-21)*

²² Undun tina nai unaningon Jesudi mihiniye yeninkulune nehi hogok imengwan fukunin lone muwage folon loon timen ila ugin. ²³ Kan adi metam yeninkulune udapmaune nehogok tuwai folon loon Bepan ninadi hatuguk. Undun hati tulune bufaune nehogok ungon hatiguk. ²⁴ Kan nai unanin muwage adi imengwan lekingon hinek uguk. Kan fifingobutdi adi uginnejkade fedila buna ime tubugiyondaan muwagehik u tilonafonjat kisan tiyemguk.

²⁵ Undun tubune ila ulune helehelede Jesu adi ime tabe foloningon yalitawoon yehitubudulaguk. ²⁶ Kan mihiniye adi u kan munta kisan tina sanininhik gweheyeune yogin, “Ya momolokdi bulak.” Yon yakawe kisan togin.

²⁷ Yakawe totigin kan Jesudi yeningkulemaan yeninguk, “Fafane tina itnen. Nagon bulat ale munta mu tinen.”

²⁸ Undun yobune Pitadi yoguk, “Wapum, biyagon hinek dagon nobu buluwen kan yobune ime tabe foloningon yalitawoon gabit.”

²⁹ Undun yobune Jesudi yoguk, “Kedem ale ben.”

Undun yobune Pita adi muwage ginenin foon imengwan tabe Jesu yakuknenkade uguk. ³⁰ Kedem uguk ingon sububa wapum fedila ime tubugiyondaune u kan muntaan ime maanen fowe tina mon kan katin yoguk, “Wapum, nehitubu-lodaluwen!”

³¹ Undun katibune Jesudi pilap hinek woon kohon folon honeen ninguk, “Nadisukilitige gilangilan, du mangonde welelufom tilan?”

³² Undun nina muwage folon logumuk kan sububa wapum buguk u wabin kulemaguk.

³³ Undun tubune Jesu mihiniye noli muwage folon ikin adi Jesu heben folon mulelem timina nintiloon indin ningin, “Du biyagon hinek Bepan mihin.”

*Jesudi Genesalet kwetnen metam yagithinit fee
yehitubu-kedebaguk
(Mak 6:53-56)*

³⁴ Undun tiŋa imenŋwan u menenja ime fokolok Genesalet kwetnen kin folon losuwagin, ³⁵ kan metam adi Jesu kakiyondaan mede kameu yokwet magimagi ila ugin indigon tuwot udapmaune metam yagithinit yahaŋeen bugin. ³⁶ Buŋa Jesu dahidahinjin diki hogok honeen kedebadok ninadigin. Kan metam nediyen dahidahinjin diki honegin adi kedeba-utumba tigin.

15

*Bepaŋ'walaŋ Yodoko Mededi mamaŋ-
papaŋ'walaŋ mede kalakapme tilak
(Mak 7:1-13)*

¹ Nai unanin Falisi tiŋa Yodoko Mede henale Jelusalemhi noli adi Jesu'walaŋ buŋa indin ninadigin, ² “Dedin doktiŋa mihigeye adi wapuhiniye'walaŋ titinŋik dinin yodoko u lahukiin? Tiŋa nanaŋe nanaŋdok kohohik mu youtewalandaan hogok nain.”

³ Undun ninadiune Jesudi indin yeninguk, “Kan hidi maŋgonde hide'walaŋ mahik mede tagimneen Bepaŋ'walaŋ maŋin mede lahukiin?

⁴ Bepaŋ'walaŋ mede indin hatak, ‘Du manŋe baha'walaŋ mahik mede tagimneluwaan.’ Tiŋa noli maan indin, ‘Nebek ninŋi mimbeu medehaki yenimbune kan ulukumun titinŋdok.’ ⁵ Undun

hatak ingon hidi adi indin yoin, ‘Nebek ninŋi min be beu indin nimbetik: Nemek du gamuŋa gehiulihidok u agaŋ Bepaŋdok silon timilat, ⁶ adi undun kedem yonŋa mimbeu mu yehitubulodalawaak.’ Hidi undun tiŋa Bepaŋ'walaŋ mede yotubufit tiin. ⁷ Yalaŋ-me hidi! Koom polofet

Aisaiyadi hiditok-ku mede biyagon hinek indin yoguk,

⁸ ‘Mebop heki yen-adi mahikdi hogok nani-utumbaan welehikdi mu nabukahilein.

⁹ Tina Bepan’wala mede yona kwetfolon me’wala mede kelenila nu naniutumbain wondi foloonit mokit tilak.’ ”

Nemek noli manik ginen labiindi kadakanin tilak

(Mak 7:14-23)

¹⁰ Undun tina Jesudi metambop wapum noli maan kutiyenimbune buna bopneune indin yeninguk, “Nu mede i hanimbene nadin nadidakale hinek tinen. ¹¹ Nemek mahik ginen folak wendi kadakanin mu tilak, nemek tobonin mahik ginenkade labulak wendi kadakanin tilak.”

¹² Undun yoguk kan mihiniyedi woon ningin, “Falisi heki adi du mede yonan u nadin nadikadaka tigamnit, u maanbe nadilan?”

¹³ Undun yobune yeninguk, “Bem hogohogok batne kunum folon hatilakdi mu yetiguk u tamali bea yakut titindok. ¹⁴ Hidi me undihidok nadibedi mu tinen, adi dauhik sipmakahi doktina dausipmik heki’wala talitimenhiye. Me nin dawi sipmakan adi nolinin nin dawi sipmakan tuwot mu nagila talik nindidimeen udemek. Undun tina woon adi ham ginen nongon mademek.”

¹⁵ Kan Pitadi indin ninguk, “Yoyout mede nininan wendinin mebi maan ninimbune nadinim.”

¹⁶ Yobune Jesudi yoguk, “Kei! Be hidi maan undugon nadisuhinit mokit hatiin! ¹⁷ Mede i

deti mu nadidakalein? Mahikdi nemek naune maanen foune kabahikdi daneune taliinen foon dapmaan ulak. ¹⁸ En nemek welehik maanen nin mahik ginen labulak wendi kadakanin tilak. ¹⁹ Kadakanin indih: Nadisu hogohi, mehinek widihikumun, hekimalam kikabi, metam keffile, siloda, kubo, yalan mede, mede hogohi yonja Bepan nimpekit titin. ²⁰ Nemenemek wendi hehitubu-kadakalak. En kohohik mu youtela nanane benain wendi mu hehitubu-kadakalak.”

Kanahan tam nin di Jesu nadisukiliti hinek timinguk

(Mak 7:24-30)

²¹ Kan Jesu adi kwet u bikabunja kwet wapum Taiya dut Saidon yokwet ikumuknen uguk. ²² Unon woon hatilune me Kanahanhi Judahi'wala feknit mokit hatiyagininen tam nin di bunja kutnimbubulayeen yoguk, “Wapum, du Dewit'wala yalakidi nutok tinja bulaninon nadiwen. Nu waabine yabapdi fominja helemahelman kisan hinek tubukadakalak.”

²³ Undun yobune Jesudi u nadinja mede to-bonin nemu tubu-udaneminguk. Undun tubune mihinjyedibo ninin, “Tam sigininen i katinja nihikelelak i nin kulune wek.”

²⁴ Undun ninin kan yeninguk, “Nu adi Isi-laehi ompa fiit tigin hekidok hogok napmeune bugut.”

²⁵ Undun yolune tam u bunja heben ginen mulelem timinja ninadiguk, “Wapum, du fiit nehitubu-lodawen.”

²⁶ Undun yobune Jesudi indin ninguk, “Wap-mihi’walaŋ nanane yolom beŋa kamo yehitoine tuwot mu tibek.”

²⁷ Undun yobune mede tobonin indin tubu-udaneminguk, “Wapum, u biyagon yolan, ingon kamo heki adi molohiyedi falikhik folon nanane natubuman tubune munamunam unakon fiit nain.”

²⁸ Undun yobune ninguk, “O tam, nadisukilitige wapum hinek! Ale nemek mintagamdok nadi yolan undugon hinek mintagambek.” Undun yolune nai unaningon waabinin kedebaguk.

Jesudi metam fee hinek yehitubu-kedebaguk

²⁹ Kan Jesu adi kwet u bikabuna kotigon udaneen buna Galili imengwanen busuwaguk. Busuwaan loon tuwai folon itune metam bop wapumdi adi’walaŋkade bumingin. ³⁰ Adi me kayohik hogohi en me kohohik gweheyehi tina bubuyehi en metam yagit folofigitahinit en dauhik sipmakahi yanagila buna Jesu heben folon bopneune yehitubu-kedebadapmaguk.

³¹ Kan bubuyehidi mede yogin en kayohik kadakahidi talik yaugin en kohohik gweheyehidi fafanegin en dauhik sipmakahidi diwedakale tigin. Kan metam adi u yabuna boho tina Isi-lae’hi’walaŋ Bepan niutumbagin.

Jesudi metam 4 tausen nanane en kale yemtoi tuguk

(Mak 8:1-10)

³² Jesudi mihinnye yehibopneen yeninguk, “Metam i nukut buna hatibune helebufa lufomkulitnin tilak, kan nananehik agan

dapmaune map tubu yabuŋa bulaningon nadiyemilat. Nu hogok hinek yeningkulene woon talipmen nananedok map tiŋa daukukut tineenen yonŋa nadibedi tilat.”

³³ Unduŋ yeninguk kaŋ mihiniyedi indinŋ yogin, “Kwet fileŋ indinenŋ nanane denŋon tubu-mintaanŋ metam bop wapum indininŋ yemnene natoki tinenŋ?”

³⁴ Unduŋ nimbune adibo yeninadiguk, “Hide’walaŋ belet dedigon boihakiŋ?”

Kaŋ adibo yogin, “7 hogok tiŋa pisi-kabe lufomgon.”

³⁵ U nadiŋa metam yenimbune kwetfolonŋ foon ila ugin. ³⁶ Kaŋ adi belet 7 tiŋa pisi u monŋola Bepaŋ niutumbaanŋ wobuŋa mihiniye yembune adibo beŋa metam yembune nagin. ³⁷ Metam hogohogok wanakaŋ naanŋ tuwot tigin. Kaŋ nanane nadikidiki tigin u Jesu mihiniyedi beŋa bondibondi 7 kadahitokogin. ³⁸ Nanane u nagin me yokunathik 4 tausen, eŋ tam tiŋa wapmihi adi mu yehikunakiŋ. ³⁹ Unduŋ tiŋa metam yeningkulune uune Jesu adi mihiniye dut muwage ginenŋ loonŋ woonŋ Magadan kwetnenŋ ugin.

16

Jesu talamut tiŋa kunumneninŋ kudi titinŋdok ninadigin

(Mak 8:11-13; Luk 12:54-56)

¹ Kaŋ Falisi tiŋa Sadusi heki adi Jesu’walaŋ buŋa talamula indinŋ yogin, “Du Bepaŋ’walaaninŋ biyagonŋ nobu fowenŋ kaŋ kudi neenŋ tubune sanininge kanim.”

² Undun yogin kan yeninguk, “Hidi tebele mele fohebiwene tinila gimini diwelak kan yoin, ‘Halon meleyan yalek.’ ³ Be hani foon kaune kunum gouyen kwet mambimambip hatubune yoin, ‘Gwi ulek.’ Hidi kunum folon nai dedinin helewek be helelak u kedom kakiyondaan yoin, ingon nai yendok mebi mu kanadiin? ⁴ Metam kobuhi hidi kadakanin titindigon kunum ginenin kudi tibe kakan dok naniin. Ingon kudi gitipmun nemon. Kudi adi koom Jona’wala mintaguk undugon mintaune kaneen.” Jesu adi undun yeninga biyabuna uguk.

*Falisi en Sadusi heki fiyen doktina Jesudi mihiniye mute mede yeninguk
(Mak 8:14-21)*

⁵ Mihiniye adi belet nemu mongola Jesu dut ime fokolok losuwaan kougon naditomin. Kan Jesudi indin yeninguk, ⁶ “Hidi Falisi tina Sadusi heki’wala belet tububedidok haguwo ginen ala nadinadinale hatiyaneen.”

⁷ Undun yenimbu nehi ungon kiyonadi tina indin yogin, “Indi belet nemu monggo bumun doktina undun ninilak.”

⁸ Kan Jesudi mangon dok kiyonadigin u agan nadin yeninguk, “Nadisukilitihik kuyani-kabe hidi! Hidi mangonde belet kauleen biyabuna bunjit wendok yonadiin? ⁹ Mede i mube nadinakalein? Nu kudi tugut u agan kaulebe tiin? Nu belet 5-di me 5 tausen yemtoi tibe naan tuwot tubune nadikidiki bondibondi dedigon yehitubutokogin? ¹⁰ Nu belet yawe 7-di me 4 tausen yemtoi tibe naan tuwot tubune nadikidiki bondibondi

dedigon yehitubu-tokogin? ¹¹ Nu adi beletdok mu hanijat, kan hidi detinɔ mu nadidakalenit? Nu adi Falisi tinɔ Sadusi heki'walaŋ belet tububedidok haguwo ginenɔ ala nadinadinɔle hatidok wendok hanilat.”

¹² Unduŋ yenimbu mihinɔye adi kougon naditomunɔ yogin, “O, adi yadi belet tububedidok haguwo wendok mu yonɔk, adi Falisi tinɔ Sadusi heki dinin mede yoyo tinɔ titinhik wendok nadinɔ yonɔk.”

*Pitadi Jesu'walaŋ mebinin mingon yodakaleguk
(Mak 8:27-30; Luk 9:18-21)*

¹³ Jesu tinɔ mihinɔye adi Sisaliya Filipai yokwet u tubudulanɔla mihinɔye indin yeninadiguk, “Metamdi Me Kobumuŋ, nutok dedin naniin?”

¹⁴ Kan adibo ninin, “Nolidi Jon Imeyout Tububihit yoin en nolidi Ilaija yoin, en nolidi Jelemaiya yoin, kan nolidi polofet nin unduŋ yoin.”

¹⁵ Unduŋ yobune nehibo yeninadiguk, “Kan hidi hide nutok dedin naniin?”

¹⁶ Unduŋ yeninadiune Pitadi yoguk, “Du adi Kilisto, Bepaŋ Hatihatinit'walaŋ Mihinin.”

¹⁷ Unduŋ yobune Jesudi ninguk, “Saimon Jon mihinin, Bepaŋdi gabunadiune utumba tilak, nadinadi yon adi kwetfolon me'walanin mu tinɔ yolan, yon adi kunum batnedi ganindakaleguk.

¹⁸ Unduŋ doktinɔ ganimbe nadiwen. Du wohoge Pita,* doktinɔ nu kawade hakat wondok folon kayonbopneye yapmewene kumuŋ fafaŋen dinin

* **16:18:** Pita wou adi mebinit. Mebi adi kawade hakat.

saŋiniŋdi mu yehitubu-kadakawaak. ¹⁹ Tiŋa unduŋon nu Bepaŋ'walaŋ heben ginen Hatihati Unŋonin dinin yeme youdilitom hogohogok u gambit, doktiŋa du kwetfolon inon yokamehep kwanai tuluwaan u kunum folon maan unduŋon hinek mintaluwaak, be kwetfolon inon yodapmandapman kwanai tuluwaan kaŋ kunum folon maan unduŋon hinek mintaluwaak.”

²⁰ Unduŋ tiŋa mihinjiye u adi Kilisto hatilak u nebek nemu yenimbihilune nadidok yonŋa yeninŋkamehep tuguk.

Jesudi kumuŋ ginenin kaikaan pilalaakdok yeninguk

(Mak 8:31–9:1; Luk 9:22-27)

²¹ Nai unanin tububihila mihinjiye nemek mintamimbaak wendok indin yenimbihikuk. Jelusalem unon uune Silonyot dinin talitimen wapum heki en Yodoko Mede henale heki tiŋa Judahi'walaŋ me wapuhi noli adi medenin mu nadiŋa folofigita wapum miŋa ulukumuneen, inon helebufa lufomkulitnin dapmaune kotigon kumuŋ ginenin kaikaan pilalaak.

²² Kaŋ Pitadi Jesu ne hogok nagila wooŋ indin niheguk, “Wapum, Bepaŋdi gehitubu-lodaune nemek undinin mu hinek mintagambaak.”

²³ Unduŋ nimbune udaneen ninguk, “Sadaŋ, du tabawen! Du talik kamehep tinamulaŋ. Du mede yolaŋ won adi Bepaŋ'walaŋ mede mon, won adi kwetfolon me'walaŋ hogok.”

Jesu takaliyaudok mede

²⁴ Unduŋ yonŋa Jesudi tomboyoola mihinjiye indin yeninguk, “Nebek ninŋi nu nehikelewene

nadiŋa ne'walaŋ welenj dinin be siginj dinin nadinadi wabidapmaan helemahelman kolondabekninj bemŋa nu nehikeleluwaak. ²⁵ Nebek ninđi hatihatinin netok kahilewaak, adi hatihatinin filimimbaak. En nebek ninđi nutok tinj hatihatinin bikabaak, adi hatihati tubumintawaak. ²⁶ Me nin adi Bepaŋ sigilulum timiŋa kwetfolonj dinin bombondok nadigalika kisaŋ tubune munabulinin kumumbune undiningon kotigon deti tubumintawaak? ²⁷ Nadiin be! Me Kobumun adi Beu'walaŋ hauta wapumnit tinj aŋelonjiye dut wanakanj buneen. Nai unaningon titinhik dinin tuwolit indigon kibikon tubu-udaneyembaak. ²⁸ Nu biyagon hinek hanilat. Metam i ikiin noli adi kumun mu tinj hogok hatilune Me Kobumun adi mapme lolonjit mingilanjon mintaune kaneen.”

17

Jesu folonamandap ungonin tuguk (Mak 9:2-13; Luk 9:28-36)

¹ Jesu adi melenai 6 hatiŋa Pita, Jems agan kwayaŋ Jon adi hogok yanagila kweboboe kweheyenin nin folonj loginj. ² Loonj hali kalune Jesu namanda ungonin tuguk. Tinj namanda adi meledi diwehantalak wendok tuwot hau-taguk, tinj tinahukutninj adi hauta nabugon fafau niyaniyaŋ hinek diweguk. ³ Undun tubune yakalune nai unaningon Moses tinj ilaijadi maan ungon mintaŋ Jesu dut mede yonadi ya tiginj.

⁴ Kaŋ Pitadi Jesu indin ninguk, “Wapum, kedem hinek indi maan ingon hakam. Ale nadiune

yoholan lufomkulitnin mawit, noli dutok, noli Mosesdok en noli Ilaijadok.”

⁵ Undun yayolune nai unaningon mulukwan fafau niyaniyan hinek ninđi foon yehitumukuk. Kan mulukwan ginen mede nin indin mintaune nadigin, “Yadi na’wala Mihine hinek, welenedi kahilelat. Tina aditok nadiwe utumba tilak. Ale hidi adi’wala medenin nadimiyaneen.”

⁶ Mihiniye adi mede u nadiņa muntaan maan foon namandahik kwetfolon tubuwopmobula hehele ha-tigin. ⁷ Kan Jesudi yamaingon buņa yohoneen yeninguk, “Hehele wabiņa pilatnen.”

⁸ Undun yenimbune pilali dadiyeen nebek noli unon nemu kagin. Jesu ne hogok yalune kagin.

⁹ Undun tina kweboboe bikabuņa foņila Jesudi indin yenihenja yeninguk, “Hidi nemek ungonin hinek kanit i nebek nemu nimbihila hatibune Me Kobumun adi kumun ginenin kotigon kaikaan pilalaak.”

¹⁰ Undun yenimbune mihinijedibo ninadigin, “Maņgonde Yodoko Mede henale hekidi Ilaija timen baak yoin?”

¹¹ Yonadiune yeninguk, “Ilaija adi biyagon timen buņa nemenemek tiulidokowaak. ¹² Ingon indin hanimbe nadinen. Ilaija adi agan buņa ha-tiguk ingon metamdi mu kadakalenja nemek nehi nadinadi hogok takaliņa kaka timingin. Undugon hinek Me Kobumun maan timineen.” ¹³ Kan mihinijedi Jon Imeyout Tububihitdok yolak undun nadigin.

*Jesudi mihi nin yabapnit tubulodaguk
(Mak 9:14-29; Luk 9:37-43)*

14 Kweboboe bikabuŋa metam bop wapum hakiŋneŋ fosuwaune me niŋdi buŋa Jesu heben gineŋ mulelem timiŋa yoguk, ¹⁵ “Wapum, du mihinedok bulaniŋgoŋ nadiweŋ. Adi helema-heleman kumuŋkaika kisaŋ tiŋa kudup foloŋ eŋ ime gineŋ maan folak. ¹⁶ Unduŋ doktiŋa mihig-eye’walaŋ nagila bene tubukedebanim yo tiŋit iŋgoŋ mu tubukedebanit.”

17 Unduŋ yobune Jesudi indiŋ yenintoguk, “Gweheye bilakenehi hidi, detiŋa nadisukilitihik kuyaniŋ-kabe! Nai dedigoŋ hidut hatiŋa han-imbe nadisukilitineŋ? Mihi u nagila iŋgoŋ but!”

18 Unduŋ yenimbune nagila bugiŋ kaŋ Jesudi yabap hogoli u niŋkulune mihi u bikabuŋa labuŋa uguk, kaŋ nai uŋaniŋgoŋ mihi u utumbaguk.

19 Kaŋ mihiniye adi nehi hogok hinek woon Jesu indiŋ ninadigiŋ, “Indi dediŋ doktiŋa yabap hogoli u niŋkelektudok kwanaimiŋ tumun?”

20 Unduŋ ninadigiŋ kaŋ yeninguk, “Hidi nadisukilitihik gilaŋgilaŋ. Nu biyagoŋ hinek hanilat. Nadisukilitihik-kabe mastat kilik* undiniŋ halune kweboboe i kedom ninen, ‘Du kwet i tabaan woon gwan yat.’ Unduŋ nimbune kedom wek. Hidi nemek niŋ titiŋdok tuwot mu tubumalabudaneŋ. ²¹ Yabap undihi yehikelektudok talik noli nemon. Talik kubugoŋ adi nanaŋe kameheŋa ninadi kwanai tiŋa kedom yehikelektudok.”

* **17:20:** Mastat diniŋ mebi kanadiwe nadiŋa pepa yendiniŋ dikiineŋ Diksineli gineŋ uŋoŋ kawen.

*Jesudi kumun ginenin kaikaan pilalaakdok
kotigon yobune lufom tuguk
(Mak 9:30-32; Luk 9:43-45)*

²² Hatigene Galili kwetnen unon Jesu mihiniye buja bopnegin kan indin yeninguk, “Me Kobumun adi kwetfolon me’walañ kohohik folon kameune ²³ ulukumuneen kan helebufa lufomkulitnin dapmaune kotigon pilalaak.” Undun yobune mihiniye adi welebulaningon tigin.

Jesu Silonyot dinin takis maanbe kamelak yonayonadi tigin

²⁴ Hatigene Jesu tina mihiniye kotigon udaneen Kafanaum yokwetnen bulune me Silonyot dinin takis muneen mongomongot tagin hekidi buja Pita indin ninadigin, “Du henalege Silonyotdok takis muneen maanbe kamelak?”

²⁵ Kan Pitadibo yeninguk, “Een, ungon kamelak.”

Undun yenina Pita yot maanen foon mede nemu nilune Jesudigon tububihila ninguk, “Saimon, du dedin nadilañ? Kwetfolon dinin mapme heki adi takis muneen nedi’walañ mongokiin? Nehi’walañ mehimehiye’walañ be metam ninjadehi’walañ?”

²⁶ Undun ninadiguk kan Pitadi ninguk, “Ninjadehi’walañ.”

Kan Jesudibo ninguk, “U biyagon yolan, doktina nehi mehimehiye adi takis muneen mu kukiin. ²⁷ Ingon tiyagene inditok tina nadikadakanimeeneen doktina du wen woon imengwan maginen yali tawa kupmakupma tiben, tina pisi timen hamanewen u tina manin

tanjakiyeen maanen muneen nin halek kan unjakoŋ tinja woon inditok takis kamewen.”

18

Indetok nadine founé wapmihidok tuwolit hatiyanéem

(Mak 9:33-37; Luk 9:46-48)

¹ Nai unjanin Jesu mihiniye adi Jesu’walaŋ woon indin ninadigin: “Nediyen Bepaŋ’walaŋ Hatihati Kobuli ginen me lolonit hinek hatilak?”

² Unduŋ yogin kan Jesudi wapmihi-kabe nin nimbune buguk kan nagila lekingonhik folon kameune yalune yeninguk, ³ “Nu biyagoŋ hinek hanilat. Hidi hidetok nadiune founé wapmihi-kabedok tuwolit mu tinja hatineen adi Bepaŋ heben folon Hatihati Unjonin ginen unon mu foneen. ⁴ En nebek ninŋi mihi-kabe yendok tuwolit tinja netok nadiune fofonit tubune noliye’walaŋ hebehik ginen hatibaak adiyen kunum folon Bepaŋ’walaŋ heben ginen Hatihati Unjonin hataknen unon me lolonit hatibaak. ⁵ Tinja nebek ninŋi nutok nadiŋa wapmihi-kabe indinin momoon timiluwaak adi nu tinamuluwaak.”

Metam nediyen timen tinja kadakanin tiin aditok bulaningon nadiyemdok

(Mak 9:42-48; Luk 17:1-2)

⁶ “Nebek ninŋi wapmihi kuyahi-kabe nu nadisukilitinamiin u yehitubu-gweheyeune kadakanin tineen me uyadi kawade bigim, malabumuŋdi kodi folon tehikapmaan imengwan ginen tapmetukulune foon ime silotnaan kumuŋ tubune adi tuwot tibek. ⁷ Yakain! Metam

wanakan hogohogok kadakanin mebimebi mintayemulak. Ingon me nediyen kadakanin titindok weleyouyout tiyemulak adi monin. Adi yadi kibikon dediningon hinek timineen!

⁸ “Undun doktina kohogedi be kayogedi kadakanin tubune kan u udokokut tuluwaan, undun tina kohotungum be kayotungum hatigene Hatihati Kobuli kedom kahilewaan. En undun mu tina kayoge kohoge lufomnikon kunilit boi hatibaan adi kwet kadakanin ginen foon kudupdok gigit tiban. ⁹ Be daugedi kadakanin tubune kan fukunin kidikut tuluwaan, undun tina dausipmik hatigene Hatihati Kobuli kedom kahilewaan. En undun mu tina dauge lufomnikon kedehi diwe hatibaan adi kwet kadakanin ginen foon kudupdok gigit tiban.”

*Wapmihi kuyahi momoongon tiyemdok
(Luk 15:3-7)*

¹⁰ “Hidi wapmihineye kuyahi-kabe i momoon tiyemaneen, tina nadiyembune fofonhinit mu tuluwaak. Nu wendok indin hanimbe nadinen: Anelohiye kunum folon hatiin adi wapmihineye kuyahi-kabe yendok Batne kunum ginen hatilak adi namanda folon helemahelman mintamiin.
¹¹ [Me Kobumun adi me fiit tigin yolohina yehitubu-mintaan yanagile buguk.]

¹² “Kan hidi dedin nadiin? Me nin dompanin 100 ala kubugon nin filune bikabu be tibek? Be dompanin 99 u ungon biyabuna kubugon nin fiilek ube lohiyawek? Nu biyagon hinek hanimbit, adi u lohina lohihinakawek. ¹³ Tina lohiaugeyauge tubumintaan nagila 99 wendok

nadifo nin mebit tiyembek, ingon kubugon fikuk-nenin kan nagilek aditok adi gibitan nadifowek. ¹⁴ Undugon hinek Behik kunum ginen hatilakdi maan wapmihiniye'walaanin lekingonhik folon kubugon-kabe nemu fitdok nadilak."

Metam yehitubu-didime kwanai en ninadi kwanai kitubuloda folon titindok
(Luk 17:3)

¹⁵ "Me noke ninji binek kadakanin tigambune du woon kan hide hogok hinek hali nintubu-didimeluwaan. Undun tubune adi medege nobu nadija kulemaune kan kedom nadimimbune dapmaune menot tigamuluwaak. ¹⁶ En medege mu nadiune kan me kubugon be lufomuk undun yanagilune woon ngon mebinin kanadija nintubudidime taneen. ¹⁷ Unon maan medehik mu nobu nadiune kan kayonbop heki'wala ko-hohik folon kameyaneen. Kan kayonbop'wala mede maan mu nadiune nadimimbune me u nadisukilitinit mokit, me takis mongomongot tiin heki wendok tuwolit tuluwaak.

¹⁸ "Indin hanimbe nadinen: Hidi kwetfolon inon yokamehep kwanai tubune kunum ginen maan undugon hinek mintaluwaak, be kwetfolon inon yodapmandapman kwanai tubune kunum ginen maan undugon hinek mintaluwaak. ¹⁹ Tina nimaan indin tomboyoula yobe nadinen: Hidi'walaanin nebek lufomdi nemek nindok welekubugon tina ninadiune Batne kunum ginen hatilakdi kedom nadiyemiluwaak. ²⁰ En me lufomuk be lufomkultinindi nutok tina bopneune nu adi'wala lekingonhik ginen hatiluwaat."

Yom bibiŋ diniŋ mede

²¹ Jesudi mede unduŋ yobune Pitadibo Jesu'walaŋ buŋa niŋguk. “Wapum, nu me notne niŋdi kadakaninŋ tinambune yomniŋ u nai dedigonŋ bimiluwaat? Nai 7 unduŋ bimimbene tuwot be tibek?”

²² Ninadiune Jesudibo niŋguk, “7 hogok adi moŋ, adi 70 bop 7 wendok tuwot bimiluwaanŋ.

²³ Unduŋ doktiŋa, Bepaŋ'walaŋ hebenŋ foloŋ Hati-hati Unŋoniŋ adi yendok tuwot kamekaanŋ hanim-bit.

“Me mapme niŋdi tipilapilayeŋiye muneen kibikoŋ tubu-udanemindok kutiyenimbune bugiŋ. ²⁴ Kaŋ me niŋ nagila bugiŋ adi muneen kibikoŋ tubu-udanedok halimiŋguk adi kunakunatniŋ 20 miliyen kina. ²⁵ Kaŋ adi muneen wapum u tubu-udanemindok baniŋ tubune me mapme wendi me wenŋ ne tiŋa wapmihiniŋ tam be yoli tiŋa nemenemekniŋ hogohogok u me niŋdi yehituwadapmaune muneen kibikoŋ unŋaniŋ bedok yoguk.

²⁶ “Unduŋ yobune tipilapilaye-me adi mapme hebenŋ gineŋ mulelem tiŋa hali indinŋ nimbulabulayeguk, ‘Me bombongine, du binabune kedembe muneen u baigonŋbaigonŋ wobuŋa uuyenŋ wobudapmawaat.’ ²⁷ Unduŋ nimbulabulayeune mapme u welenŋ goloune fiit nadimiŋa me u kibikoŋniŋ bimiŋa bikabune fo uguk.

²⁸ “Unduŋ timimbune yopmaŋneniŋ fooŋ buŋa wooŋ tipilapilaye-me noliŋniŋ niŋ tubumintaanŋ kodi foloŋ gibitanŋ bem kahila niŋguk, ‘Muneenŋne mu tubu-udanenamulaŋ!’ Me u koom adi'walaŋ

10 kinaŋiŋ miŋguk iŋgoŋ toboniŋ mu tubu-
udanemiŋguk doktiŋa unduŋ timiŋguk.

²⁹ “Unduŋ nimbune me noliŋiŋ heben ginen
mulelem timiŋa indiŋ nimbulabulayeguk, ‘Notne,
du binabune nu’walaŋ kibikoŋ hatak u baigoŋ
wobugambit.’

³⁰ “Unduŋ nimbulabulayeguk iŋgoŋ me u
medeŋiŋ mu nadimiŋa yobune indiŋ niŋa nagi
woon yot fafaŋeniŋnen dahigiŋ. ‘Kibikoŋge
wobudapmaan kedem foon baan.’

³¹ “Kaŋ tipilapilaye nolidi nemek mintaguk u
kaŋ nadiune welehik ginen tuwot mu tubune
woon mapme mede kahat timiŋiŋ. ³² Kaŋ adi
u nadiŋa tipilapilaye-me u kotigoŋ kutinimbune
buune niŋguk, ‘Du tipilapilaye-me hogoli, du nan-
imbulabulayeŋaŋ kaŋ nadibulagitaŋ kibikoŋ
wobunamdok wapum u bigamuŋat. ³³ Kaŋ du
maŋgoŋde nokedok bulanigoŋ mu nadimiŋa
bikabuŋaŋ?’

³⁴ “Unduŋ yoŋa welen gouyeune kumondulum
heki’walaŋ kohohik foloŋ kameen yeniŋguk,
‘Kisaŋ utubufigitaŋ kwanaimiŋ mimbune
hatitaloon kibikoŋiŋiŋ wobudapmaune kaŋ
bikabuneen.’

³⁵ “Hidi nohiyedok kadakaniŋ bibiŋ wele-
hikdi hinek mu tubune kaŋ Batne kunum ginen
hatilakdi undugoŋ kadakanihik mu bihamu-
luwaak.”

19

Kikabi diniŋ mede
(Mak 10:1-12; Luk 16:18)

¹ Jesu adi mede undun yodapmaan Galili kwet bikabuŋa Judiya kwetneŋ, Jordan ime fukuniŋ guŋandiŋ loguk. ² Loune metambop wapum hinekdi kelegiŋ. Kaŋ kwet unon hatinila metam yagithinit yehitubu-kedebaguk. ³ Kaŋ Falisi noli adi tikamanda timine buŋa indiŋ ninadigiŋ, “Yodoko Medenikdi me niŋ adi ne nadinadiŋinde tamniŋ kelekutdok kedembe yolak be dediŋ? U ninimbu nadinim.”

⁴ Undun yogiŋ kaŋ yeninguk, “Hidi Yodoko Mede indiŋ hatak u mube kunali nadiŋ? Bepaŋ adi nemenemek yehitubu-mintaŋila me tiŋa tam maan yehitubu-mintaguk. ⁵ Yehitubu-mintaan indiŋ yoguk, ‘Wendoktiŋa me niŋ adi mimbeu biyabuŋa tamniŋ’walaŋkade woon galiŋa adi welehiŋ be sigihikdi kubugon mintaan hatide-meek.’ ⁶ Undun doktiŋa adi molomolom mon, adi agaŋ kubugon mintaan hatiyamuk. Bepaŋdi yehikiukuk doktiŋa meeniŋdi tuwot mu yehidanedok.”

⁷ Undun yeninguk kaŋ adibo yogiŋ, “Kaŋ maŋgonde Mosesdi tam bikabudok nadiŋa mede pepa folon youla miŋa niŋkelekutdok yoguk?”

⁸ Undun yonadigiŋ kaŋ Jesudi yeninguk, “Hidi welehiŋ fafaŋehi tiŋa mede nadinadi mu tiŋ doktiŋa Mosesdi mebihiŋ u nadihamuŋa yoguk. Koom tububihit gineŋ adi talik undun nemu hakuk. ⁹ Undun doktiŋa indiŋ hanimbe nadineŋ. Nebek niŋdi tamniŋ hogok bikabufit tiŋa tam gitipmun nagilaak adi yofolokhiŋ fafaŋeŋ u ulopmadiwaak doktiŋa kefiŋfile diniŋ malabumuŋ hekiwaak. Be tamdi kefiŋfile tubune yohoidi bikabaak uyadi tam diniŋ yom tibaak.”

¹⁰ Undun yobu mihinjiyedibo ningin, “Memalam kedem titindok ingon titin undinin maan hatakneŋ doktiŋa tam mu tiŋa hogok kedem hatidok.”

¹¹ Yobune Jesudi yeninguk, “Mede yon adi wanakan hogohogokdok mu tilak. Bepandi wendok saninin yemguk adi hogokdi nadidahi tineŋ. ¹² Me noli adi ulihaka mu titindok fiye-wakahi undihigon mintain, en noli adi meeninŋdi yehitubu-fiyewakain, kan noli adi Bepan’walaŋ heben gineŋ Hatihati Ungonin hatak wendok nadiŋa tam mu tiŋa hatiin. Me nediyeŋ wendok saninin halimilakdi mede i nadidahi tibek.”

Jesudi wapmihi kuyahi yehikahaneguk

(Mak 10:13-16; Luk 18:15-17)

¹³ Metam noli adi wapmihiye Jesudi kohon kihik folon kameen ninadi tibek yonŋa yanagila bugin. Kan mihinjiyedi yenihep tigin, ¹⁴ kan Jesudi yeninguk, “Wapmihi biyabune nu’walaŋkade buneŋ. Kamehep mu tiyemineŋ. Bepan’walaŋ heben folon Hatihati Ungonin hatak uyadi wapmihi undihidegon.”

¹⁵ Undun yonŋa kohon kihik folon kameguk. Undun tiŋa kwet u bikabuŋa kwet nin uguk.

Mekuya muneen bombonnitdi Jesu gut mede yonadi tuguk

(Mak 10:17-31; Luk 18:18-30)

¹⁶ Kan mekuya ninŋdi buŋa Jesu indin ni-nadiguk. “Henale, nu titin momoon dedin tiŋa hatihati dapmandapmanŋit mokit u kahilewaat?”

¹⁷ Yobune indin ninguk, “Du manŋonde ne-mek momoonŋdok naninadilaŋ? Momoon dinin

molom adi kubugon hatilak. Ale du hatihati dapmandapmanit mokit kahilewe nadiŋa kan Yodoko Mede hogok keleluwaan.

¹⁸ Kan me wendibo yoguk, “Yodoko Mede dendok yolan?”

Undun ninadiune Jesudi yoguk, “Du me widi-hikumun mu tuluwaan, hekimalam hidi kefile mu tiyaneen, du kubo mu tuluwaan, du menolidok yalan mu yeniluwaan, ¹⁹ du maange baha’walaŋ mede tilolon tuluwaan tiŋa datok nadilaŋ undugon nokedok nadimiluwaan.”

²⁰ Undun yobune me wendi indin ninguk, “U hogohogok u agaŋ keleen titabulat, kan nemek noli nimaangon neenbe hatak?”

²¹ Undun yonadiguk kan Jesudi ninguk, “Du me didimenin hinek mintadok nadiŋa kan wen, woon bombonge tuwadok boiune tuwaune muneen u fiyewakahidok yemben. Undun tibeŋ kan nemenemek momohi kunum ginen ungon boigambu itneen. Ale undun tiŋa buŋa nu nehikelewen.”

²² Undun nimbune me u muneen bombon wapum hinek haliminguk doktiŋa mede u nadiŋa welemulap tiŋa uguk.

²³ Me u uune Jesudi mihiniye indin yeninguk. “Biyagon hinek hanimbit. Me muneen bombonhinitdi Bepaŋ’walaŋ heben ginen Hatihati Ungonin u kahiledok kwanaimin tiin.

²⁴ Nemek wendegon kotigon indin hanimbit. Kale kameldi* buŋi ginaneŋ fofondok kwanaimin mu tibek, ingon me muneen bombonhinit adi

* **19:24:** Kamel adi kale wapum, makau dabugon.

Bepañ'walañ heben ginen Hatihati Ungonñ kahiledok u kwanaimin wapumgoñ hinek tineen.”

²⁵ Kañ mihinñye adi mede u nadiña boho kisañ tiña nadigiyondaan yogin, “Kañ nediyeñ kahilewaak?”

²⁶ Unduñ yobune Jesudi yabuhohone tiña yoguk, “U meeniñdi titindok tuwot moñ, ingon Bepañ'walañkade adi nemek ube u titindok adi kwanaimin mu tilak.”

Nemenemek biyabudapmaan Jesu keleneendi kibikon wapumgoñ hinek beneen

²⁷ Unduñ yeninguk kañ Pitadibo indin yoguk, “I kawen, indi nemenemek hogohogok biyabudapmaan du gehikeleyam, kañ hatigene wendok kibikon mañgoñ beneem?”

²⁸ Unduñ yonadiune Jesudi indin yeninguk, “Nu biyagon hinek hanimbit, hatigene nemenemek kaikaan kobuli mintaminta nainñ folon Me Kobumuñ adi iitññ kwet tehindilendilenenit en filimpipitnit folon ilune nu nehikeleen yaugin heki hidi mañ mapme'walañ kumopop 12 folon unonñ ila Isilaehi metam bop 12 hatiñ hogohogok u yabudokoneen.

²⁹ “Tiña nediyeñ nutok tiña yoli be dali kwayañye, be wiwiye, be mimbeu be wapmihtam be dinaraññ biña baak, adi kibikon tuwaraññ wapum lolonñnit hinek bewaak, tiña wahinkade hatihati dapmandapmañnit mokit kahilewaak.

³⁰ Ingon nai indide timen tiña lolonñhinit hatiñ feedi kougon fofonñhinit hatineen, kañ fofonñhinit hatiñ feedi kougon lolonñhinit hatineen.”

20

Jesudi yoyout tipilapilaye-me wain fiye ginen kwanai tigin folon kamekaan yoguk

¹ “Bepañ’walañ heben ginen Hatihati Ungonin adi me kwanai molom ninđi wain kwanainindok kwanai-me yolohiwene haniñ timiñ foon uguk wendok tuwot. ² Woon me noli yehitubu-mintaan yanagila mele kubugon wendok kwanai tubune tuwañiñ 50 toya 50 toya yemdok u yenimbi-hilune nadiune tuwot tubune kwanai kwetnen yeningkulune ugiñ. ³ Kañ 9 kilok tulune kotigon woon me noli yowawaliwen hogok hatifit tubune yabuñ yeninguk, ⁴ ‘Nu wain fiyene ginen kwanai ungon hatak, ale woon kwanaineune habuñ tuwañiñ tuwolit kedem hambit.’

⁵ “Unduñ yenimbune nadiña wain fiyenin ginen ugiñ. Kañ 12 kilok tiña 3 kilok folon me noli maan yehitubu-mintaan yeningkulune ugiñ. ⁶ Kañ 5 kilok tulune woon me noli hogok hatiliweliwen tulune yehitubu-mintaan yeninguk, ‘Hidi dedin doktiña mele nai wapum i hogok hinek hatibune woon tebeledalak?’

⁷ “Yenimbu yogin, ‘Indi nebek ninđi kwanai nemu nimñak doktiña hogok hakam.’

⁸ “Unduñ yogin kañ yeningkula yoguk, ‘Wain fiyene ginen kwanai ungon hatak ale woon kwanainenen.’ Me kwanai molom unduñ hatitulune woon tebele hinek tuguk, kañ me yabudoko me u indin ninguk, ‘Me kwanai-me heki kutiyen-imbu buune yehituwawen, timen tububihila me mindan bunit yehituwatauyen me timen bunit heki mindan hinek yehituwawen.’

⁹ “Unduŋ ninguk doktiŋa tububihila me mindaŋ bugiŋ yenimbu buune melenai u kwanainegiŋ wendok 50 toya 50 toya yehituwatauguk. ¹⁰ Kaŋ me timentimeŋ bugiŋ heki adi tuwaŋiŋ adi beiŋ u kabek yalakapmeen nimbek binek yoŋa nadigiŋ, iŋgoŋ kadoko medi me noli begiŋ wendok tuwot hinek 50 toya 50 toya yemguk. ¹¹ Kaŋ u kaune tuwot mu tubune woon kwanai molom indiŋ niŋgiŋ, ¹² ‘Me mindaŋ buŋit heki yoŋ adi kwanai wapum mu tiŋit. Kaŋ indi adi haniŋ timiŋ uŋoŋdibek tububihila kwanainemundi kwanaine hatnene mele foloonik foloŋ uŋgoŋ daaŋ foŋak, kaŋ dediŋ doktiŋa tuwaŋiŋ me mindaŋ buŋit heki yemiŋaŋ wendok tuwolit hinek nimilaŋ?’

¹³ “Unduŋ yobune kwanai molomdi adi’walaaniŋ me niŋ indiŋ ninguk, ‘Me notne, nu mu gehitubu-kadakalat. Nu melenai kubugoŋ yendok tuwaŋiŋ ganimbihile nadiune tuwot tiŋak kaŋ buŋa kwanainenaŋ. Ale muneenge beŋa wabiŋa u. ¹⁴ Nu adi me mindaŋ buŋit tiŋa du hiditok tuwahik adi wanakaŋ undihi yaŋiŋgoŋ hamdok nadiwe utumbaŋak. ¹⁵ I na’walaŋ nemek doktiŋa nemek u be u tibit yoŋa tuwot mu tibit be? Be siloŋ tiyemiŋat wendoktiŋa yabunadikadaka be tilaŋ?’

¹⁶ “Undugoŋ hinek mindaŋdi timen tineen kaŋ timenŋdi mindaŋ tineen.”

*Jesudi kumuŋ gineniŋ kaikaan pilalaakdok
kotigoŋ yobune lufomkulitniŋ tuguk
(Mak 10:32-34; Luk 18:31-34)*

¹⁷ Jesu adi Jelusalemde loŋila mihiniye yanagi woon nehi hogok yehibopneen yeniŋguk

¹⁸ “Nadiinbe, ya agañ Jelusalemde loyam. Unon Me Kobumun bolik timimbune me Silonjyot dinin talitimen, tija Yodoko Mede henale heki’walañ kohohik folon lowaak. Loune kumundok nindapmaan ¹⁹ Loma me heki’walañ kohohik folon kameune adi nimpekit tija kiyegelepdi utubukadakaan kolondabek folon ukambiyalune yali kumumbaak. Kañ helebufa lufomkultin hali kotigon kaikaan pilalaak.”

*Jems dut Jondi me lolonhinit titindok yogumuk
(Mak 10:35-45)*

²⁰ Nai unaniñ Sebedi mihinjyat adi mehikdi yanagila Jesu’walañ woon mulelem tija nemek nindok ninadiguk. ²¹ Kañ Jesudibo tubu-udaneen ninadiguk, “Du manjon dok nadilañ?”

Undun ninadiune adibo yoguk, “Du nai indidegon yokilitiben ala kougon Mapme Wapum mintadakalewaan nai unaniñ mihineyat yanagila nin kohoge didimeninjenkade en nin kohoge kapmadinenkade yapmeune itemeek.”

²² Undun yobune Jesudi ninguk, “Hidi nemek u mebi mu nadidakaleen hogok yofit tiin.” Undun yonja meyat indin yeninadiguk, “Hidi nu ime buukaan nawaat u kedembe nademeek?”

Kañ adi yogumuk “Een, indi kedem nademeet.”

²³ Undun yobu Jesudi yeninguk, “Nu ime buukaan nawaat u biyagon nademeek, ingon hidi’walaanin nediyeñ nu kohone didimeninjenkade en kohone kapmadinenkade iitdok u nu tuwot mu hanindapmawit. Won adi Bepañ ne meeniñ yabukahileen gigit uyemguk adi kahileneen.”

²⁴ Kaŋ me nohiye 10 adi mede u nadiŋa meyatdok nadikadaka tiyemgiŋ. ²⁵ Kaŋ Jesudi yenimbune buŋa bopneune indiŋ yeninguk, “Me nadisukilitihiniŋ mokitdi mapme ila metam nadiyembu founne tipilapilaye kwanai titiŋdok yeningigine tiŋ. Kaŋ me lolonhiniŋ adi me fofonhiniŋ yehimonŋgofoon me bombongi tiŋ, hidi a nadiŋ. ²⁶ Inŋon hidi adi unduŋ mu tineen. Hidi’walaaniŋ nediyeŋ lolonniŋ tibe nadiŋa kaŋ noli hogohogok hidi’walaŋ lekiŋonhik folon me fofonniŋ hatiŋa tipilapilaye kwanai tuluwaak. ²⁷ En niŋdi talitimenŋ tibe nadiŋa kaŋ noliŋiye’walaŋ tipilapilaye-me hatiluwaak. ²⁸ Me Kobumuŋ adi maan unduŋon, kwetfolon inŋon tipilapilaye timindok mu foguk, adi tobo metamdok tipilapilaye tiyemiŋa hatihatiŋiŋdi yehituwawene foguk.”

*Jesudi me dausipmik lufomuk dauhik tubu-
tomguk*

(Mak 10:46-52; Luk 18:35-43)

²⁹ Jesu tiŋa mihiniye adi Jeliko bikabuŋa ulune metambop wapumdi yehikelegiŋ. ³⁰ Kaŋ meyat dauhik sipmakahiyat adi tali gagayeŋ ila nadiune yogiŋ, Jesu buŋa ulak. Yobune gibitaŋ indiŋ kutigumuk, “Wapum, du Dewit’walaŋ yalakidi inditok bulaninŋon nadiweŋ.”

³¹ Kaŋ metamdi kabup itemek yoŋa yenihep tigiŋ. Inŋon adi toboniŋ gigne tiŋa wapumgon hinek kutiŋa indiŋ yogumuk, “Wapum, du Dewit’walaŋ yalakidi inditok bulaninŋon nadiweŋ.”

³² Kan Jesu adi talipmen ungon yali yenimbu buune yeninadiguk, “Hidi mangon tihambit yona kutinaniyamuk.”

³³ Undun yeninadiune indin ningumuk, “Wapum, nihitubu-lodaune diwedakale tidim yona kutiganiyamut.”

³⁴ Undun yobune Jesudi yabuna bulaningon nadiyemina dauhik folon yeheune nai unaningon dauhik diwetomgumuk. Undun tina Jesu keletaugumuk.

21

Jesu adi donki folon ila Jelusalem yokwet maanen foguk

(Mak 11:1-11; Luk 19:28-40; Jon 12:12-19)

¹ Jesu tina metambop wapum ugin woon Jelusalem tubudulagin. Tina Oliwa Tuwai gagayen ungon yokwet nin hakuk wou Betefage. Ungon wosuwaan Jesudi mihiniye’walaanin meyat lufom yeningkula indin yeninguk, ² “Hidi udemek woon yokwet nin haleknen donki minmihinin nin yehitehinjit yalune yabuna unakon yehifiyalina yahaheen budemek. ³ Hidi undun tidemek kan nebek neen haninadiune kan indin nindemek ‘Wapumdi yendok yolak.’ Undun yobune biham-bune yanagila budemek.”

⁴ Nemek uyadi hogok mu mintaguk. Polofetdi koom mede nin indin yoguk wendinin foloon mintaguk.

⁵ “Saiyonhi metam indin yeninen, Mapmehik buhamulak u kanen. Adi welen kulemanji

donki folonj ila bulak. Donki mihininj kobu-
lidi hekinja bulak.”

⁶ Kanj meyat adi Jesu’walañ maninj mede tag-
imneen ⁷ donki minjmihininj yanagila buune dahi-
dahi wahininj kwihinja beña donki siginj folonj
iune Jesu loonj ikuk. ⁸ Kanj metam fee hinekdi
dahidahi wahininj kwihinja beña tali folonj gulup
itaugin, kanj nolidi wowongiminj en bem hapmunj
heki beña kula uginj. ⁹ Kanj metambop wapum
timen mindan tinja indinj yonja kakaliginj, “Dewit
yalakininj nintilonim! Me i Wapum wou ginenj
bulak, Bepañdi kahanj timimbek! Bepañ kunum
ginen nintilonim!”

¹⁰ Kanj Jelusalem yokwet maanen foune metam
unahi hogohogok boho tinja yoginj, “Me i nediyeñ
buune indinj toinj?”

¹¹ Undun yobune metam adut buginji
yeninginj, yon adi Polofet Jesu, Galili maanen
yokwet wapum Nasaletninj bulak.”

*Jesudi meenin Silonyotnenj kibikibi kwanai tiginj
u widihi yehikeleguk*

(Mak 11:15-19; Luk 19:45-48; Jon 2:13-22)

¹² Undun tinja Silonyot dininj hamuhe ginenj
muneen bombon kibikibi hatiginj u Jesudi foonj
yehikele-pupuheneen muneen falik en butigili
tuwadok boinja ikinj u kumopophik udakuyeminja
yeninguk, ¹³ “Youkudip ginenj Bepañ’walañ mede
indinj hatak, ‘Nu yotne u yadi ninadi yot un-
dun yoneen.’ Ingon hidi undun tubune kubome
heki’walañ hebihathik kwet dabugonj tilak!”

¹⁴ Tiña ungoñ hatune me dauhik sipmakahi en kayohik hogohi adi'walañkade uune yehitubu-kedebaguk. ¹⁵ Unduñ tubune Silonyot dinin talitimen tiña Yodoko Mede henale heki adi kudi momoon tuguk u kagin, agañ wapmihidi Silonyotnen niutumbaañ indin togin u maan nadigin, “Nintilonim. Dewit'walañ yalakidi bunimilak.”

¹⁶ Adi wendowendok tihake nadigouyeen Jesu indin ningin, “Du ganiutumbaañ mede debek yoin u maanbe nadilañ?”

Kañ Jesudi yoguk, “Agañ nadilat. Kañ hidi Yodoko Mede ginen indin hatak u mu binek kunakin.

‘Bepañdi wapmihi-kabe tiña eyañ nom nain adi'walañ welehi tubulodaune mahik ginen dutok youtumba mintalak.’ ”

¹⁷ Unduñ yonã biyabunã Jelusalem yokwetnenin foon bunã woon Betani yokwetnen loguk. Kañ bufaune ungoñ deikuk.

*Jesudi bem fik niheune sigeneen kumunguk
(Mak 11:12-14, 20-26)*

¹⁸ Ala hanin kotigon Jelusalemde unila map nadiguk. ¹⁹ Tiña talipmen unon bem fik* nin yakuk kañ mebinen woon foloon nenobu yonã diweguk e mon, adi hapmun hogok. Unduñ kañ bem u indin ninguk, “Du folon kotigon kiliki nemu mintaneen, mokon hinek ganihelat.”

Kañ nai unaningon bem fik u sigeneen foguk.

* **21:19:** Bem fik adi Judahi'walañ bem gimijn.

²⁰ Kaŋ mihinjyedi bem fik u kaŋ boho tiŋa yogin, “Bem fik i detiŋa pilap hinek sigeneen folak?”

²¹ Kaŋ Jesudi yeninguk, “Nu biyagon hinek hanimbit. Hidi welelufom mu tiŋa nadisukiliti hinek tiŋa hatineen won, kudi bem fik folon mintanak undiniŋ hogok mu tineen, hidi kwe-boboe gu maan indin nineen. ‘Du kweke u bikabuŋa tatakula imengwan ginen fo!’ Undun nimbune mahik kedom tagimnewaak. ²² Tiŋa undugon nadisukilitihini hinek hatiŋa nemek ninɗok ninadiune kedom mintahamuluwaak.”

Talitimen wapuhi eŋ Jesu adi yonadi tiŋa mede kiyokiyo tigin

(Mak 11:27-33; Luk 20:1-8)

²³ Undun tiŋa woon Silonyot dinin hamuhe ginen foon Mede Momoon yeniyenin ha-tulune Judahi’walaŋ me wapuhi eŋ Silonyot dinin talitimen wapuhi adi woon indin ninadigin, “Du nediyenɗi kwanai i titinɗok saŋiniŋ gamuŋa ganindapmaune tilan?”

²⁴ Undun ninadigin kaŋ Jesudibo indin tubu-udaneyemguk. “Nu mede-kabe kubugon hinek haninadiwit, kaŋ u tubu-udaneune habuŋa nubo nediyenɗi kwanai i titinɗok saŋiniŋ namuŋa nanindapmaune manin mede tagimneen kwanai i tilat wendok hanimbit. ²⁵ Jon Imeyout kwanai tuguk u neenɗi nindapmaguk. Bepanɗi be, be kwetfolon medi nindapmagin?”

Undun yeninadiune adi mede tobonin dedin tubu-udanenim yonɗa nehi uŋgon kiyonadi tigin: “Indi Bepan yonim adi indin ninimbek, ‘Kaŋ hidi

mangonde medenij mu nadisukilitigin?’ ²⁶ Tina undugon metam hogohogokdi Jondok polofet niin doktina kwetfolon me yonene adi dedin tinimnener.” ²⁷ Undun yonadibedina mon kan “Mu nadiyam” ningin.

Kan Jesudibo yeninguk, “Hidi mu yobihikiin doktina nu undugon neen nanindapmaune kwanai i tilat u maan mu hanimbis.”

Jesudi wele tubutakale dinin mede me hekibet folon kamekaan yoguk

²⁸ “Ale hidi dedin nadiin? Me nin adi mihinijat lufom hatigumuk. Ala timen woon tuwonin indin ninguk, ‘Du kamin woon wain fiye ginen kwanai tiben.’

²⁹ “Kan yoguk, ‘Na mu wit.’ Ingon fiit mindan nadikulemaan woon kwanaineguk.

³⁰ “Kan mindan behikdi kwanai-mede unakon kuyaniinjinbo ninguk. Kan adi ‘Kedem tibit’ youtumba-kamandaan wabi tina hakuk.

³¹ “Agan hidi dedin kanadiin. Mihi dendi beu’wala manin mede tagimneguk?”

Kan adibo yogin, “Me biyeniinjin.”

Kan Jesudi yeninguk, “Nu biyagon hinek hani-lat, me takis mongomongot heki tina talitam heki adi halakapmeen Bepan’wala Hatihati Ungonin kahilein. ³² Mangonde, Jon Imeyout Tububihit adi hidi’wala inon buna talik momoon han-intubudidimeguk, ingon hidi u kan sigilulum timinjin. Kan me takis mongomongot heki tina talitam hekidi u kanadisukilitina kelegin. Ingon undun tubune hidi mindan u yabuna

hidetok bulaningon nadiņa medenij-kabe nemu nadimingij.”

*Jesudi yoyout wain fiye kadoko me hogohi folon
kamekaan yoguk*

(Mak 12:1-12; Luk 20:9-19)

³³ “Nu yoyout mede nin yobe nadinenj. Kwet molom nin adi wain fiye tinja gimbahan ibikele-madi tuguk. Undun tinja wain foloon yalifili-filiyedok bom nin dobuņa malinj tutumbaguk. Undun tinja me loon yali fook titindok falik ibiguk. Undun tubudapmaan wain fiyeninj me noli yenimbu kadokoune ne ninjade uguk. ³⁴ Ala aganj foloon mongomongotdok nai tubune aditok nenobu boinenj yonja kwanai-menjiye yeningkulune uginj. ³⁵ Kanj me wain fiye kadoko tiginj heki adi kwanai-menjiye u yehinja me noli beem ula silonekulune uguk, enj noli ula ulukumunj tiginj, kanj noli kawadedi beem ukinj. ³⁶ Kanj fiye molom adi u nadiņa gagineenj me koom yapmeguk wendok tuwot monj, kabe-feegon yapmeune uginj.

“Kanj adi maanj yehinja benja me noli koom tiyemginj undugonj tiyemginj. ³⁷ Kanj mindanj ne’ninj mihinj hinek indinj nadiņa kameune uguk. ‘Na’ninj mihine hinek wosuwawek kanj momoonj timinenj.’

³⁸ “Ingonj onj, me fiye kadokome heki adi u kanj indinj yonadiginj. ‘Adi kuyendi hatigene wain fiye i kahilewaak! Undun doktinja ulukumunja wain fiye i indetok kahilenim.’

³⁹ “Undun yonja nagila gimbahan fatnak kameenj ulukumunjinj.”

⁴⁰ Jesu adi undun yenindapmaan indin yeni-nadiguk, “Me fiye molom adi bunja fiye kadokome heki u dedin tiyembaak?”

⁴¹ Undun yoguk kan yogin, “Nemek kadakanin hinek tigin doktiŋa kibi maan undugon tiyembaak. Tiŋa fiyenin ginen kadokome momohi yap-mewaak kan foloon mintaune tomuŋa daneen faki netok miyaneen.”

⁴² Undun yogin kan Jesudi tomboyoola indin yeninguk. “Hidi Youkudip ginen mede indin hatak u mube kunali nadiin?”

‘Yot mamaŋme hekidi taka fofoon nin mon yo tukukin, inŋon taka u mindanŋkade taka kobumun mintaguk. Wapumdi kudi u tubune kanene unŋonin hinek tilak.’

⁴³ “Undun doktiŋa hanimbene nadinen. Bepaŋ’walaŋ heben ginen Hatihati Unŋonin u holom monŋola me gitipmunŋdok yembune adi foloon yehitubu-mintaneen. ⁴⁴ Me nediyeŋ taka kobumun wendok folon maan ulaak adi umunumunuke tibaak. En taka kobumun wendi me nin foloon folon maan utubukadakaan uflifiliye hinek tibaak.”

⁴⁵ Yoyout mede undun yobune Silonyot dinin talitimenin tiŋa Falisi heki adi u nadikiyondaan yogin. “Ya inditok-ku yolak on.”

⁴⁶ Undun yonŋa honeen uutdok nadisugin inŋon on, metamdi Jesu polofet niyagin doktiŋa aditok muntaan wabigin.

22

*Jesudi yoyout hekimalam kobut dinij hinamuni
folonj kamekaanj yoguk*

(Luk 14:15-24)

¹ Jesu adi tomboyoula yoyout mede nin indin yoguk, ² “Bepanj’walañ hebenj ginenj Hati-hati Uñgonij adi mapme ninđi indin tuguk wendok tuwot. Mapme wendi mihinjndok tam minja hinamuni titindok kale nananje tiulidokoguk. ³ Tiulidokodapmaan kwanai-meniye yeningkulune me medenai koom kameyemguk u yahanene uginj. Woon yeningin ingon mon yonja wabi hakinj, ⁴ kan kwanai-meniye noli kotigon yeningkula indin yeninguk, ‘Hidi unenj woon me nai tiyemgut heki u yenenj. Nu nemenemek aganj tiulidokonjat tinja kale makaune kakahi u yenimbene dobuhenj, tinja nemenemek aganj tiulidokonjit, doktinja buune memetam u yehikulanja nanadifo tinim.’

⁵ “Undun yobune woon yeningin ingon adi u nadilakataan me nin dinina kwanainjnde mauguk, kan me noli adi muneenjin kwanai tibene mauguk, ⁶ kan noliyen medenai tinja uginj heki u yohoneen widihinja, widihikumun tiginj. ⁷ Kan me mapme adi u nadinja welen gouyeune mik-meniye yeningkulune woon me mik tiginj heki u widihikumunja yohikwehik wanakanj kula hedapmanj tiyemginj.

⁸ “Kanj me mapmedi kwanai-meniye nolibo kutiyeninja yeninguk, ‘Muni aganj tiulidokonjat, ingon me nai tiyemgut adi kudi kadakanin tubune kawu tuwot mu tilak. Undun doktinja adi

mu bunen, ⁹ ale hidi woon yokwet wapuhi dinin tali giyoki haliulak tuwot woon meenin neen yehitubu-mintaan yahanjeune budapman tinen.’

¹⁰ “Kan kwanai-meniye adi tali giyoki haliuguk indigon tuwot woon me fofohi be hogohi u hogok kaka yanagilune buna bopyot u fotokina ikin.

¹¹ “Kan mapmedi foon me nalum bugin heki u yabuna uguk, uuyen me nin hinamuni dinin tinahukut mu tina bu ikuk kan ninguk, ¹² ‘Du detina tinahukut hogoli tina labu itan?’

¹³ “Undun ninadiune me u mede tobonin mu tubu-udaneen hogok ikuk. Kan Mapmedi kwanai-meniye indin yeninguk, ‘Hidi me i kayon kohon tawadi ibikilitina tobo tukulune mam-bip ginen unon foon koyoneen masinkilip hatitoluwaak.’ ¹⁴ Nadiin be? Bepan adi meenin fee yeniyehimanelak ingon lufomgon yabukahilelak.”

Jesu talamut tina Sisadok takis kamein wendok ninadigin

(Mak 12:13-17; Luk 20:20-26)

¹⁵ Jesudi undun yenimbune Falisi heki adi woon bopneen mede tali dedin folon kameen ninkamandane debek yobu kanim yona mede tiulidokogin. ¹⁶ Undun tina mihihiye tina Helot’walaanin me noli adi yeningkulune woon indin yogin, “Henale, indi du’wala mebiga agan nadiyam. Du yalan mu yolan. Du mede biyagon hogok yolan. Be Bepan’wala mede u me lolonit be fofonit indi wanakan didimengon hinek ninindakaleen ninilan. Tina me lolonitdok nadibedi mu tina yolan ¹⁷ doktina ninimben.

Lomahi'walaŋ mapme Sisadok takis kameyam u du nadiune kedem be tilak be moŋ?”

¹⁸ Unduŋ ninadigiŋ kaŋ adi nadinadihik hogoli u agaŋ kanadiŋa yeninguk, “Yalaŋ-me heki hidi! Maŋgoŋde naninŋkamanda tiin? ¹⁹ Hidi muneen takisdok kamein u nambu kawit.”

Unduŋ yeninguk kaŋ adi muneen nin tiŋa minŋin. ²⁰ Mimbune kaŋ yeninadiguk, “Welewele tiŋa kudi i nedi'walaŋ?”

²¹ Yeninadiune yogin, “Sisa'walaŋ.”

Unduŋ yobune yeninguk, “Nemek Sisa'walaŋ u Sisadok miyaneen, eŋ Bepaŋ'walaŋ u Bepaŋdok miyaneen.”

²² Unduŋ yenimbune adi u nadiŋa boho tiŋa wabiŋa ugiŋ.

Sadusi me hekidi meeniŋ kumuŋa koti pilat-neenŋdok Jesu ninadigiŋ

(Mak 12:18-27; Luk 20:27-40)

²³ Melenai wendegoŋ Sadusi hekidibo Jesu ninadine bugin. Me heki u metam kumuŋa koti mu pilatneen yoyagiŋ ala buŋa ningin,

²⁴ “Henale, Mosesdi Yodoko Mede nin indin youtnimguk, ‘Me nin adi tam tiŋa wapmihi nemu yehitubu-mintaan kumumbune kaŋ me wendiniŋ kwayaŋdibo tam kahat uŋakoŋ nagila wapmihi me kumuŋ tugukdok yehitubu-mintaluwaak.’ ²⁵ Helenin indi'walaŋ lekingoŋnik foloŋ hekidalit 7 hatigin, ala Tuwodi tam nin nagikuk. Nagila wapmihi nemu yehitubu-mintaan kumuŋguk, kaŋ Monedibo tam uŋakoŋ nagikuk. ²⁶ Adi maan undugoŋ wapmihi nemu tubumintaan kumuŋguk, kaŋ Gikdibo

tam unakon nagikuk. Undun hogok titawoon kwayahik dikinenji nagila kumumbune ²⁷ tam u maan hogok hatiŋa woon kumunguk. ²⁸ Me hekidalit 7 adi tam kubugon unakon nagikin ala kougou nai wapum folon pilatneenen tam u neditok tibaak?”

²⁹ Undun ninadiune Jesudi indin yeninguk, “Hidi Yodoko Mede be Bepan’walaŋ sanjin mu kanadidakaleen mede yogiyondafit tiin. ³⁰ Indin nadinen. Pilapilat nai folon pilali metamdi heki-malam koti mu tineen. Adi kunum folon anelo hatiin undihi mintaŋ hogok hatineen. ³¹ Tiŋa hidi kumuŋa pilapilatkot maan yoin doktiŋa indin hanimbe. Bepandi mede indin haninguk u hidi kunatnadi mube tiin?

³² “‘Nu Abalaham en Aisak tiŋa Jekop heki’walaŋ Bepan.’ Adi yadi kumuhi’walaŋ Bepan mon. Adi yadi kaipmuhi’walaŋ Bepan.”

³³ Jesudi mede undun yobune metambop wapumdi medenin u nadiune ungonin hinek tuguk.

Jesu talamula Yodoko Mede dendi wapum lolonrit hinek tilak ninadigin

(Mak 12:28-34)

³⁴ Jesudi mede i yobune Sadusi heki adi mede yodok talii lohigin, kan Falisi hekidi u nadiŋa bopneen ³⁵ me nohik nin Yodoko Mede nadidapman hinek tuluguk ala adi nimbune Jesu’walaŋ nadinadi kameka kameka tibe indin ninadiguk, ³⁶ “Henale, Yodoko Mede denji wapum be lolonrit hinek?”

³⁷ Undun ninadiune Jesudi indin ninguk, “‘Du Wapum Bepange welegedi be munabuligedi be

nadinadigedi aditok hogok mindapmaluwaan.’
³⁸ Yodoko Mede yendi lolonjit hinek tiŋa timen tilak. ³⁹ Tiŋa noliŋiŋ nimaan hatak, u maan undiningon. Won adi indiŋ, ‘Du datok nadilaŋ undugon hinek metam nolidok nadiyemiluwaan.’
⁴⁰ Yodoko Mede lufom yendi Moses tiŋa polofet heki’walaŋ mede yehikiudapmalak.”

Jesu ne’walaŋ mebi yonen dok Falisi heki yeni-nadiguk

(Mak 12:35-37; Luk 20:41-44)

⁴¹ Falisi me heki ungon bopneen hatune Jesudi indiŋ yeninadiguk, ⁴² “Hidi Kilisto nedi’walaŋ yalaki niŋ?”

Kaŋ adibo niŋiŋ, “Dewit’walaŋ yalakiŋiŋ.”

⁴³ Unduŋ yobune Jesudi indiŋ yeninadiguk, “Kaŋ dediŋ doktiŋa Dewit adi Munabulidi nimbune Kilistodok ‘Wapumne’ niŋguk? Tiŋa indiŋ yoguk.

⁴⁴ ‘Wapumdi nu’walaŋ Wapumne indiŋ niŋguk, “Du kohone didimeniŋneŋkade itune memikgeye kayoge falipmen yapmewaat.”’

⁴⁵ Dewit adi ‘Wapumne’ niŋguk, iŋgon dediŋ tiŋa Kilisto adi Dewit yalakiŋiŋ tilak?”

⁴⁶ Unduŋ yeninadiune adi’walaaniŋ nebek niŋdi mede toboniŋ nemu tubu-udanemiŋguk.

Unduŋ tiŋa mindaŋkade kotigon ninadidok munta tiŋa wabiŋiŋ.

23

Talitimen di sigitiŋalo tiŋa siyo uut mu titiŋ dok
(Mak 12:38-39; Luk 11:43, 46; 20:45-46)

¹ Kan nai unaningon Jesudi metam noli tina mihiniye indin yeninguk, ² “Moses’walaŋ kwe-likon Yodoko Mede henale eŋ Falisi hekidi tina hatiin. ³ Undun doktina mede hanindidimeen hanindakale tubune adi’walaŋ medehik tagimneen hatiyaneen. Ingon adi’walaŋ titinhik adi mu yehikeleen taneen. Indin doktina, nemek titindok kedom hanindidimein ingon nehi adi u mu takalina tiin. ⁴ Adi yadi nemek malabumun tiulidokoon hiditok tagihamuna nehi adi hogohik hatiin. ⁵ Adi nemenemek tiin won adi metamdi yabudok hogok tiin. Tina Bepaŋ’walaŋ mede kiliki hinek bogit-kabe u wapuhi tina mongola demehik folon eŋ kohohik folon ibidokoin, tina Bepaŋ ninadi dinin tinahukut kweheyehehi kinonom tina sigitiŋalo tiin.”*

⁶ “Tina hinamuni nai folon be Judahi’walaŋ bopyotnen adi me wohiyenit’walaŋ pop folon iitdok nadiin. ⁷ Tina metamdi yowawali folon yeniutumbaan gikingon tiyemdok nadiin, tina undugon wohiye henale yenimbu nadidok yona magi kametnadi hati tiin.

⁸ “Hidi henale hanindok mu yoyaneen, hidi’walaŋ Henalehik adi kubugon hogok hatilak, eŋ hidi hogohogok hidi yadi me hekinolit. ⁹ Tina undugon, nebek kwetfolon me inon tiyaugene

* **23:5:** Judahi Yodoko Mede indin keleen tagin. Bepaŋ’walaŋ mede kiliki pepa folon youlana bogit kuyanin ginen dahiŋa demehik folon be kohohik kapmadi folon ibidokoon yonadi kwanai tagin. Ingon Falisi heki adi bogit kuyahi-kabe mu tagin. Adi metam nibuna niniutumbaneen yona bogit wapuhi tagin. Kisim Bek 13:9, 16 tina Lo 6:8 unon kedem kunatnadineen.

behik mu niyaneen, hidi'walaŋ Behik kubugon adi kunum gineŋ hatilak u hogok. ¹⁰ Tiŋa talitimen hanindok undugon mu yoyaneen, talitimenhik kubugon hogok adi Kilisto. ¹¹ Nebek niŋdi hidi'walaŋ talitimen lolonit hatibaakdi hidi'walaŋ tipilapilaye kwanai tibaak. ¹² Nebek niŋ netok nadiune lolon tibaak adi toboniŋ nadimimbune fofonit titindok. En nebek niŋ netok nadiune fofonit tubune nadimimbune lolonit tiluwaak.”

Jesudi Falisi heki mute mede yeninguk

(Mak 12:40; Luk 11:39-42, 44, 52; 20:47)

¹³ “Hidige! Yodoko Mede henale tiŋa Falisi, hida yalaŋ-me heki hidi! Metam adi Bepaŋ'walaŋ heben gineŋ Hatihati Ungoniŋ hatak u kahilene tulune talik kamehep hati tiyemiin. Hide adi mu foin, ala adi fone tulune hati-kameheyemiin.

[¹⁴ “Hidige! Yodoko Mede henale tiŋa Falisi, hida yalaŋ-me! Hidi yadi tam kahat heki ninadi kwanai kweheyehi tiŋa welehi tubugweheyeeŋ yohik en bombonhik yolom mongokiin. Wendok kibikon malabumun hinek beneen.]

¹⁵ “Hidige! Yodoko Mede henale tiŋa Falisi, hida yalaŋ-me! Hidi adi metam yehitubu-mintaŋ yanagilune hide'walaŋ kayonbop gineŋ tomboy-outdok imengwan tabe be kwet tabe kwetkwet fodapmain. Undun tiŋa me kubugon-kabe niŋ tubumintaŋ niŋgigineune welen tubutakaleen kudupdok gigit hatiin hide hehitomboyoutak. Undun tiin kaŋ adi halakapmeen kadakanin wapum hinek tilak.

¹⁶ “Hidige! Me talitimenj dauhik sipmakahi! Hidi indinj yoinj: ‘Nebek ninđi Silonyot wou folonj mede yofafane tilak wendi foloonjit mokit tilak, ingonj Silonyot maanenj muneenj boiune hatak wondok folonj mede yofafane tilak wendi foloonjit tilak.’ ¹⁷ Hidige! me welehik fafañenj tiña nadinadihinit mokit. Silonyotdi ungoninj tilak doktiña muneenj maanenj hatakdi maan ungoninj tilak. Undun doktiña muneendi ungoninj tilak, ingonj Silonyotdi ungoninj hinek tilak.

¹⁸ “Tiña noli indinj yoinj. Nebek ninđi alta folonj mede yofafane tilak u foloonjit mokit tilak, ingonj silonj alta folonj boijit wendok folonj yofafanelak wendi foloonjit tilak. ¹⁹ Dauhik sipmakahi hidi! Altadi ungoninj tilak doktiña silonj alta folonj kameinj wendi maan ungoninj tilak. Undun doktiña silonj alta folonj kameinj adi ungoninj, ingonj alta adi ungoninj hinek tilak.

²⁰ “Undun doktiña nebek ninđi alta wou folonj mede yofafane tuluwaak adi alta tiña silonj foloninj boiyaneen u maan tihiluwaak. ²¹ Be nediyeñ Silonyot wou folonj yofafaneune kan Silonyot tiña Me unonj hatilak Bepañ adi wanañ tihiluwaak. ²² Be nediyeñ kunumnenkade kohodidim tiña mede yofafaneluwaak adi Bepañ’walañ iit kwetnjin tiña pop molom Bepañ ne wanañ tihiluwaak.

²³ “Hidige! Yodoko Mede henale tiña Falisi, hida yalañ-me! Hidi adi nemenemek-kabe diniyetiñ†

† **23:23:** Jesu adi nemek u wou maan yoguk. Adi kumin enj del enj min. Adi yadi kiliki kabe-kuyahi Judahidi nanañehik folonj kula nayagin. Adi mehe dabugonj.

u faki ulitawaan Bepandok kedem miin, ingon tobonin Yodoko Mede wapuhi hinek indin biyabiin kan tuwot mu tilak: Mede didimeningon yodapmandapman, en nadikulemaan kadakanin bibin, en mede yofafanegin u didimeningon kelekele. Yodoko Mede yon adi biyabu mu titindok. Tina Yodoko Mede noli dibek fen yehikelein u maan kedem yehikeleen titindok, ingon nin takalin a tina nin mu bibindok.

²⁴ “Talitimen dauhik sipmakahi hidi! Hide adi bubugaim nanahehik malin ginen fowaaknen yona kedem yehikelein, ingon kamel adi ime dut wanan silotnain.

²⁵ “Hidige! Yodoko Mede henale tina Falisi, yalan-me heki hidi! Hide adi malin be ime utanandok tout u sigihinen hogok youtewalandain, kan maanen kade adi kadakanin titin hikdi fotokoon hatak. ²⁶ Falisi dauhik sipmakahi, timen malin be ime tout maanen gen gen hatak u youtelune walandaune kedem mindan siginen maan youtelune walandaluwaak.

²⁷ “Hidige! Yodoko Mede henale tina Falisi, yalan-me hidi! Hidi yadi me kumuhi’walan kwet sithik dabugon. Meenin sithik folon adi wowongimin yetiutumba tiin, ingon kon maanen adi me kitik tina nemenemek bitakahidi tokoon hatak. ²⁸ Hidi adi undihi kuyon, sigihikdi hogok metam namandahik folon me didimehi yagelein. En welehi maanen adi kadakanin tina yalandi kilin a hatak.

²⁹ “Hidige! Yodoko Mede henale tina Falisi, yalan-me hidi! Polofet heki’walan sithik

kaututumein en me nadisukilitihinit me didimehi koom kumungin heki'walañ sithik kilali yohumune utumbain. ³⁰ Undun tinja indin yoin, 'Dadaniye, papaniye hatiginen binek hatine tugumun adi yehitubu-lodaan polofet heki mu widihikumune tugumun.' ³¹ Hidi adi undun yona metam polofet widihikumuyagin heki'walañ yalakihiye mingilangon hinek mintadakalein. ³² Dadahiye, papahiye adi yom kiwahin titalabugin, doktina hidibo unakon yehitomboyoula tubune dapmawaak.

³³ "Mingembet minmihinin, hidi yomhidok kibikon kudup ginen fofondok nai tibaaknen denandin woon hebihatneen? ³⁴ Nadin be. Nagon kougong polofet en me nadinadihinit tinja Mede Momoon yotubudidime henale heki yap-mehambe buneen. Kan hidi noli widihikumun tineen en noli kolondabek folon widihiyam-biyatneen en noli hide bopyothik ginen yehi-widihikadakaneen, tinja kwetkwet adi yauneen wendok tuwot yehikelegigineen yauna widihi yehikele tineen. ³⁵ Undun tineen doktina me didimehi komihi'walañ nangathik ungonin kwatnegin dok malabumun u kibikon hidi folon lowaak. Koomkwaha Abel ulukumungin nai unanin tububihila me didimehi widihikumuntalabuna Balakiya mihinin Sakaliya Silonyot maanen alta gagayen ulukumungin. ³⁶ Biyagon hinek hanilat. Yom hogohogok u titalabugin wendinin kibikon metam kobuhi i hatiin hidi hekineen."

Jesudi Jelusalemhidok nadiyembune kedem mu

tuguk

(Luk 13:34-35)

³⁷ “Jelusalemhi kadayo! Hidi Bepandi polofet fee hiditok yeninkukuk kan widihikumungin. Kan nu nai fee hinek pupupdi mihiniŋiye yehikwalanelak undun kohonedi metamneye yehikwalane tibe nadigut ingon hidi kamehep tinamgin. ³⁸ Undun doktiŋa i kanen. Bepan agan bihabulak. Yohikwehik u uyapupuheneune kwet hogok halaak. ³⁹ Biyagon hinek hanilat. Hidi mu nabuŋa hatigene kougon indin yonŋa kotigon nabuneen, ‘Me i Wapum wou ginen bulak adi Bepandi kahan timimbek!’ ”

24

Jesu busuwadok nai dulalune kudi mebimebi mintaneen

(Mak 13:1-8; Luk 21:5-11; 17:22-24)

¹ Jesu adi Silonyot ginenin foon buŋa uune mihiniyedi woon Silonyot makudikudile tigin u nimbune yabuguk. U yabuŋa mede tobonin indin tubu-udaneyemguk, ² “Nu biyagon hinek hanilat, nemenemek i yabuŋa yoin yon, memik hekidi Silonyot ubulagineen youpupuhene-kudapmaune molomolom mapupuheneen ila uneen.”

³ Undun yeniŋa loon Oliwa Tuwai folon ilune mihiniye nehi hogok buŋa indin ninadigin, “Nemek yonŋan u nai denin hinek mintawaak? Tiŋa undugon da busuwabusuwage nai dulalune be kwet i liwedok nai dulalune kudi dedin mintawaak?”

⁴ Unduñ yobune Jesudi indin yeninguk, “Tikamanda tihamuñ nadinadihik tubugiyon-daneenñ ala nadinadinila hatiyaneeñ. ⁵ Metam feedi buñ nu wotnene foloñ yokamanda indin tineenñ, ‘Kilisto na inakoñ.’ Unduñ yonñ metam fee yehitubu-giyondaneenñ. ⁶ Hidi mik wapum mintaune gigilitinñ nadineenñ, be mik kwet ninñade gwañ mintawe tubune gigitinñ hogok nadinñ munta tinñ heheleenñ nadibedinñ nai agañ dulalak mu yoneenñ. Nemenemek undihi mintaneenñ ingoñ nai wapum adi pilap mu mintawaak. ⁷ Kwetkwet metam bop wapum be bop kuyaninñ adi nehi ungoñ kibikibi mindobuneenñ. Kañ yokwet noli ginenñ map wapum mintawaak, eñ kwetkwet kenim titawaak. ⁸ Nemek hogohogok u mintawaak, kañ nai wapum dininñ folofigita adi nai unaninñ tububihila tamwoidi wapmihi yanagitne nadinñ undininñ mintawaak.”

Nai wapum dulaune malabumuñ fee mintawaak

(Mak 13:9-13; Luk 21:12-19)

⁹ “Kañ nai unaninñ hidi hanagila folofigita hamuñ fidihikumuneenñ. Tinñ kwetkwet nu-tok tinñ habukwihitaneenñ. ¹⁰ Tinñ nai unaninñ metam feedi nadisukilitihik gweheyeune nohiye yabukwihitaanñ bolik tiyeminñ memik heki kohohik foloñ yapmeneenñ. ¹¹ Tinñ undugoñ polofet yalayalanñ buñ metam nadisuhik tubugiyon-daneenñ. ¹² Kañ kadakaninñ ulihakaune metam feedi welekubugoñ hatihati bikabuneenñ.

13 “Ingon nebek nin adi fafane tiŋa hati-baak adi Bepaŋdi tubulodaune Hatihati Kobuli kahilewaak. 14 Kaŋ Bepaŋ’walaŋ Mede Mo-moon diniŋ gigitniŋ yohautaune kwetkwet udap-maune metam hogohogok nadidapmaneeŋ, kaŋ nai uŋaŋiŋ dapmandapmaŋ nai mintawaak.”

*Nemek kadakanin hinek mintawaak
(Mak 13:14-23; Luk 21:20-24)*

15 “Polofet Daniyeldi mede yoguk u gitagon hinek ila kunatnadiyaneen. Medeniŋ wendi fafaŋewaak kaŋ nemek kadakanin hinehinek wendi Silonyotneŋ yalune kaneen. 16 U mintaune kaŋ me Judiya kwetneŋ hatineen heki hidi momoŋ tuwai folon loneen. 17 Be me nin yot foloniŋ halaak adi kotigon yot maaneŋ bombonniŋ kaliŋ mu fowaak. 18 Be me nin kade gineŋ hati-baak adi yopmande tinahukutniŋ kaliŋ mu waak. 19 Hidige! Nai uŋaŋiŋ, tam mihiwelehinit eŋ tam eyaŋhinit adi kada, dedin tineen. 20 Hidi nemek undiniŋ gwi nai folon be Sabat nai folon mu mintahamdok nadikaan Bepaŋ ninadineen. 21 Koom kwet tububihit tiŋa mintagukneŋ nemek malabumun mintagin ingon yendi yalakapmen tiŋa mintaune mindaŋ kotigon undiniŋ nemu mintawaak.

22 “Nemek malabumun u nai kweheyeningon mintadok ingon oŋ, Wapumdi metamniye koom netok gigit yehidaneguk aditok nadiŋa nai-kabe ulatifowaak. Nai mu ulatifowe tuguk binek wa nebek nemu uluwek, kumundapmaŋ tanen.”

Mede yotubufit me fee mintaneen

²³ “Nai unanin nebek ninđi ‘Kilisto inon hatak,’ be ‘Kilisto gwan hatak,’ hanimbune mederin mu nadimineen hinek. ²⁴ Nai unanin Kilisto yalayan en polofet yalayan fee mintaen kudi wapuhi saninin nit tina metam nadinadihik tubugiyondaneen. Undun tina Bepandi metam netok gigit yona yabukahileguk u nadisuhik tubugiyondadok kwanai tineen, inon adi nadisuhik tubugiyondadok sanin mu hatak dok tina kwanaimin tineen. ²⁵ Nu agan timenon hanimbihat dok tina hatigene mintaune kan nadigiyonda mu tineen. ²⁶ Undun dok tina metamdi Jesu kwet filen gwan kayam hanimbune kan unon mu waneen, be yotmaan gwendok kamun yobune kan u maan medehik mu nadiyaneen. ²⁷ Hidi filimpit tilak u agan kan nadin. Adi mele labulabunen kade tububihilune hautanin di woon mele fofonen kade dapmalak. Wendok tuwolit hinek Me Kobumun busuwa busuwa nain folon mintawaak. ²⁸ Daban dan hali bitakain unon kalan katak hekidi bopnein.”

Jesu buswawaak dinin mede

(Mak 13:24-31; Luk 21:25-33; 17:26-30, 34-36)

²⁹ “Nemenemek malabumun hogohogok u mintadapmawaak, kan unanin meledibo mambip tibaak en muyakip maan hauta mu tibaak, kan bamholina heki kunum ginenin kwehik bina diliteleen maneen. Kan kunum mahamulune nemenemek hogohogok waliwali tina igiyonda tineen. ³⁰ Undun tulune Me Kobumun walan kudi kunum folon mintawaak, kan kwetkwet metam hogohogok adi u kan makat

kobulabulaye tulune Me Kobumun adi kunum mulukwan folon hauta holiholiye tija sanjin wapumnit busuwaune kaneen. ³¹ Tija anelonje yeningkulune bai gigilitnit kwet tububihila hali woon dan hadapmalak wendok tuwot tunun fodapmaan metamjiye yabukahileen yehidaneguk hogohogok u yehibopneneen.”

Nai dinin mede

(Mak 13:28-37; Luk 21:29-33; 17:26-30)

³² “Bem fik u kan nadineen, hapmun madapmaune hapmun gitipmun duhulak kan meleyan nai yoyam. ³³ Undugon hinek nemek u mintaune kan agan nihitubu-dulaan yeme folon yatak nadineen. ³⁴ Biyagon hinek hanilat. Metam kumundapman mu tulune nemenemek i mintawaak. ³⁵ Kunum kwet adi liwedemeek ingon nu’wala medene adi tuwot mu liwewaak.

³⁶ “Tija nebek nin di helebufa nai be melenai denin hinek nemek i mintawaak u mu nadilak. Anelo heki kunum ginen hatiin adi maan mu nadiin. En Bepan mihinin di maan undugon mu nadilak. Bepan ne hogok nadilak. ³⁷ Nowa’wala nai folon metam di nemek tigin, undugon hinek Me Kobumun busuwadok nainin dulalune mintawaak. ³⁸ Adi ime gabun be ime bedi mu tulune kale nana ne nanadifo tigin. Tam kibikibi tija hekimalam tigin. ³⁹ Adi nai mu nadin undun hati tulune Nowa muwage ginen loguk. Kan nai unanin ime gabun wapum tija ime dombungoloon metam yehikufulaguk. Me Kobumun busuwawaaknen undugon hinek mintawaak. ⁴⁰ Me lufom dinina ginen hatilune

me kubugon hogok nagila noli bikabudok. ⁴¹ En tamyat lufom adi henañ nongon ila tulune kubugon hogok nagila nin bikabudok. ⁴² Wapumhikdi nai denin hinek baak u hidi mu nadin doktina nadinadinila woom tina hatiyaneen.

⁴³ “Tina indin maan nadineñ. Me nin adi kubome hekidi yoli ubulaginedok nai agañ binek nadilakneñ damo tuwot mu deiletinok. Hogok damo kaipmun halune me kubome hekidi yoli tuwot mu ubulagineen fonetinjit. ⁴⁴ Wendok tuwot, hidi maan undugon welehik tiulidokoon hatiyaneen. Me Kobumun adi naininde hidi mu nadin hogok hatifit tulune tobogon busuwawaak. Undun doktina hidi tiulidokonila hatiyaneen.”

Nadibubuye mu tina hatidok
(Luk 12:41-48)

⁴⁵ “Me nadinadinit, me momoon adi bombongidi me talitimen kameune tipilapilaye-me noli nanañehik nai folongon daneyemuluwaak. ⁴⁶ Undun ti hatulune bombongidi busuwaan kan aditok nadifo tibaak. ⁴⁷ Nu biyagon hinek hanilat. Adi talitimen lolonjit kameen nemenemeknin noli maan yabudokodok nindapmawaak.

⁴⁸ “Be me u kadokome hogoli hatina indin yobek: ‘Me bombongine adi pilap mu baak ale.’ ⁴⁹ Undun yona tipilapilaye-metam noli widihinan nanañ naan ime fafañ maan naan tibubuye hatibaak. ⁵⁰ Undun tina me bombongin tiyau-gene bek u nadinadinit mokit hogok bubuyengon hatilune ⁵¹ bombongi busuwawaak. Busuwaan talitimen u utubufigitaan kisan wihitnadinan

tukulune foon yalan-me heki dut hali kobulabulayeen manij sikilitija masin kilip ha-tobaak.”

25

Nai wapum dinij mede Jesudi yoyout tamkuya 10 folon kamekaan yoguk

¹ “Bepan’wala Hatihati Ungoni adi waabihem 10-di tigin wendok tuwot kamekaan yobit. Wabihem 10 adi bombongi talipmen buguk tubumintane kamanjik mongola ugin. ² Wabihem 5 adi nadinadihinit mokit en waabihem 5 adi nadinadihinit. ³ Wabihem nadinadihinit mokit adi kamanjik kitili hogok kedem beja ugin, ingon imehik adi nemu ugolon mongola ugin. ⁴ Kan waabihem nadinadihinit adi kamanjik begin agan imehik maan ugolon mongola ugin. ⁵ Woon woomge woomge nai kweheyenin hinek mon woom kan gweheyeen wabi damo deihakin. ⁶ Kan timin lekingon hinek kutikuti nin indin buguk, ‘Me bombongi agan bulak ale pilali woon kanen!’

⁷ “Kan tamwoi adi pilali kamanjik yabu utumba tigin. ⁸ Tina waabihem nadinadihinit mokit adi nadinadihinit indin yeninadigin, ‘Indi kamanjik agan kumunimne tiin ale ime neen ugolonimnen.’

⁹ “Undun yobu waabihem nadinadihinitdibo yeningin, ‘Indi wanakan ime yendi tuwot mu tinimbek, ale hidi woon kibikibiyotnen kamanjikdok ime tuwanen.’

¹⁰ “Kan adi unon ha-ulune me bombongi adi busuwaan waabihem 5 tiulidokoon hautahinit

yakin u yabuyahaneen woon yot maanen fogin. Foon taliyeme tehekilitina hinamuni u nanadifo hatigin. ¹¹ Undun ha-tulune waabihem nadinadi-hinit mokit adi udaneen busuwaan indin kutigin, ‘Wapum, kedembe taliyeme dilitomnimben.’

¹² “Undun kutiningin kan indin tubu-udaneyemguk, ‘Nu biyagon hinek hanilat. Nu hidi mu nadihamulat.’

¹³ “Hidi Wapum baak dinin kadehati nai be melenai mu nadiin. Undun doktina tiulidoko tina woom hatiyaneeen.”

Jesudi yoyout tipilapilaye-me muneen yawe begin folon kamekaan yoguk
(Luk 19:11-27)

¹⁴ “Hatigene kougou me bombongi nin di tuguk wendok tuwolit hinek mintawaak. Me bombongi nin adi kwet kweetnin wene tipilapilaye-meniye kutiyenimbu buune muneen nin yabudokomin-dok yona daneyemguk. ¹⁵ Me nin muneen 5 tausen minguk en me noli muneen 2 tausen minguk agan me nolidok e muneen 1 tausen minguk. Muneen u yemguk won adi kwanaihik dinin saninin dedigon hayemulak wendok tu-wolithik nadin a yemguk. Muneen yemdapmaan biyabuna mauguk.

¹⁶ “Undun tina uguk, kan me muneen 5 tausen beguk adi fafaneen muneen u kwanai minguk. Kan fafaneenin dinin foloon muneen 5 tausen nimaan yehitubu-mintaguk. ¹⁷ Kan me nolinin muneen 2 tausen minguk adi maan undugon fafaneen muneen 2 tausen nimaan yehitubu-mintaguk. ¹⁸ Ingon me muneen 1 tausen tuguk

adi yadi bombonginjin'walaŋ muneen u tiŋa woon kwet weneen maanen kameen kufulahebi tuguk.

¹⁹ “Kaŋ bombongi adi woon nai kweheyenin hatigene kotigon udaneen buguk. Busuwaan tipilapilaye-menjiye muneen yemiŋa uguk wendok yeninadiwene yehibopneguk. ²⁰ Kaŋ me muneen 5 tausen beguk adi buŋa indin yoguk, ‘Me bombongi, du muneen 5 tausen namgun kaŋ kwanai mingut dinin tomboyoula 5 tausen nimaan tubumintagut.’

²¹ “Undun yobune bombonginjin di indin ninguk, ‘Du tipilapilaye-me momoon tiŋa mede nadinadi-genit, tiŋa undugon kwanai fiit ingon momoon hinek tilaŋ doktiŋa kamin kwanai foloon dinin kadokome hinek gapmewit. Ale buŋa bombongige'walaŋ nadifo kwetnen hatiben.’

²² “Undun tubune me muneen 2 tausen begukdibo buŋa yoguk, ‘Me bombongi, du muneen 2 tausen namgun kaŋ kwanai mingut dinin tomboyoula 2 tausen nimaan tubumintagut.’

²³ “Undun yobune bombonginjin di indin ninguk, ‘Du tipilapilaye-me momoon tiŋa mede nadinadi-genit, tiŋa undugon kwanai fiit ingon momoon hinek tilaŋ doktiŋa kamin kwanai foloon dinin kadokome hinek gapmewit. Ale buŋa bombongige'walaŋ nadifo kwetnen hatiben.’

²⁴ “Kaŋ agaŋ me muneen 1 tausen tugukdibo buŋa yoguk, ‘Me bombongi, nu adi du'walaŋ mebiga agaŋ nadilat. Du adi me kongolondaŋ, tiŋa kwanai mu tiŋa me nolidi kwanaineen tubumintaune bedok hati yolaŋ. Tiŋa undugon, me noli'walaŋ dinina gineŋ mongotna

kaka tilanj. ²⁵ Undunen doktiņa nu munta tiņa kwet weneen maanen kufulahebe hatak ala tubu-udanegamulat.’

²⁶ “Undun yobune bombonginindi mede tobonin indin tubu-udaneminguk. ‘Du tipilapilaye-me hogoli tiņa hatiliweliwen tilanj. Nu kwanai mu tiņa me nolidi tubune foloon hogok mongotdok yolat, tiņa undugon me noli’walan dinina ginen mongotna kaka tilat, ²⁷ nu’walan mebine undinin u aganj nadiņa mangonde muneen u me nolidok mu yembune kwanainen noli maan yehitubu-mintaan boinamulune buņa mongoletit?’

²⁸ “Undun yonja tipilapilaye-me noli indin yeninguk, ‘Adi undun tinjak doktiņa muneen 1 tausen u lomtiņa me muneen 10 tausen boihatilakdok mimbut. ²⁹ Nebek nin adi nemek mingin u boiņa hatibune kanj tomboyoulimimbune feegon tibaak. En nebek nin nemek mingin u mu kame hatibune kanj lomtubune hogok hatiluwaak. ³⁰ En tipilapilaye mihi hatiliweliwen tilak wonj adi mambip ginen silone tukulune foon uonj hali kobulabulayeen manin sikilitiņa masinkilip hati toluwaak.’ ”

Jesudi titinikdok tuwolit nibunadiņa nihi-danewaak

³¹ “Hatigene Me Kobumun adi anelonjiye dut Mapme Wapum kunum namandap filimpipitnit mintadakaleen mapme’walan kumopop tehindilendilenjit folonj ila baik. ³² Undun tiņa metam kwetkwet yehimanedapmaune buņa heben ginen bopnedapmaneen.

³³ Kaŋ kadokome niŋdi dompa eŋ meme yehidanelak wendok tuwot yehidaneen dompa kohon didimeniŋnenkade yehibopnewaak eŋ meme heki adi kohon kapmadinenkade yehibopnewaak.

³⁴ “Unduŋ tiŋa Mapme Wapum loloŋnit kohon didimeniŋnenkade yatneen indiŋ yenimbaak. ‘Batnedi kahaŋ tihamguk, hidi buŋa woon Bepaŋ heben gineŋ Hatihati Uŋgoniŋ kahileut. U koom kunum kwet tububihila kameen tiulidokohamguk. ³⁵ Hidi nemek indiŋ tinamgiŋ doktiŋa. Map tibe nanaŋe namgiŋ. Mane galiune ime namgiŋ. Nu me nalum bene yohineŋ henapme ikiŋ. ³⁶ Dahidahidok baniŋ tibe nehitubulodaŋ dahidahi namgiŋ. Yagit tiŋa halene nabudokogiŋ. Yot fafaŋeniŋnen halene woon nabugiŋ.’

³⁷ “Unduŋ yobune metam didimehidi indiŋ yoneen, ‘Wapum, du nanaŋe map daŋ tugun kaŋ nanaŋe hegamgumun? Be ime map kwet denŋon tugun kaŋ ime gamgumun? ³⁸ Be me nalum buune yotnineŋ daŋ hegapme ikumun? Be dahidahidok baniŋ daŋ tugun kaŋ dahidahi gamgumun? ³⁹ Tiŋa unduŋon yagit gineŋ be yot fafaŋeniŋnen nai deniŋ halune woon gabugumun?’

⁴⁰ “Unduŋ yobune Wapumdi indiŋ yenimbaak, ‘Nu biyagon hinek hanilat. Notneye fofonhinitdok welesilon kwanai-kabe niŋ tiyemgiŋ uŋakon nutok tinamgiŋ tilak.’

⁴¹ “Unduŋ yonŋ yakaleen kohon kapmadinenkade yatneenbo indiŋ yenimbaak, ‘Haki tihamnit hidi tabaut! Hidi adi woon Batnedi

Sadan tinja aneloniyedok kudup heyemguk kumukumunrit mokit yadalakneŋ unon fonen. Hidi indin tigin doktina: ⁴² Nu nanaŋe map tibene nanaŋe nemu namgin. En mane galiune ime nemu namgin. ⁴³ Be me nalum bene yohinen mu henapme ikin. En dahidahidok banin tibene nemu namgin. Be yagit ginen be yot fafaŋeninŋen hatiluwene mu woon nabugin.’

⁴⁴ “Undun yenimbune kohon kapmadinenkade yatneen hekidibo indin yoneen. ‘Wapum, du kwet denandin hinek nanaŋe ime map tugun kan mu gehitubu-lodagumun, en kwet dan yotninen mu hegapme ikumun be dahidahidok banin tugun kan mu gangumun? Tinja undugon kwet danŋon yagit ginen be yot fafaŋeninŋen halune mu woon gabugumun?’

⁴⁵ “Undun yobune indin yenimbaak, ‘Nu biyagon hinek hanilat. Notneye fofonhinitdok welesilonɔdok-kabe nemek nemu tiyemgin unakon nu nemu tinamgin tilak.’

⁴⁶ “Undun doktina adi woon hatihati hogoli, folofigitanit dapman mu tibaak ginen foneen. Kan metam didimehi adi woon Hatihati Momoon dapmandapmanrit mokit kahileneen.”

26

*Talitimen heki Jesu honeen uutdok talik lohigin
(Mak 14:1-2; Luk 22:1-2; Jon 11:45-53)*

¹ Jesu adi mede hogohogok u yodapmaan mi-hinije indin yeninguk, ² “Nadiin be? Bufaan

helewek kanj Anjelodi Yabukiyondaan Yalakap-meguk dininj hinamuni* nai nihitubu-dulawek. Kanj nai unjaninj Me Kobumun adi memik kohohik folonj kameune kolondabek folonj utneen.”

³ Nai unjaninj me Silonyot dininj talitimenj heki en Judahi'walañ me wapuhi adi Silonyot dininj me Talitimenj Wapum Kaifa adi'walañ bop yotnjinen loonj bopneen ⁴ Jesu dedinj tija kabup nehi-hogok honeen uutdok yonja talii lohigin. ⁵ Tija indinj yogin, “Hinamuni nai folonj adi mu tinim. Undinenj adi tiyaugene metamdi mik tubupilatneenen.”

*Tam ninji Jesu ki folonj haguwo ime mundun momoonnitdi yougomguk
(Mak 14:3-9; Jon 12:1-8)*

⁶ Kanj Jesu adi Betani unonj Saimon koom wede haki tuguk adi yolineñ nanaje hanalune, ⁷ tam ninj adi foonj ime mundun momoonj hinek toutnj kawadedi tigin u tija woonj Jesu mebi folonj yougomguk. Ime mundun momoonj u tuwanjñ adi lolonjit hinek doktija ⁸ mihiniye adi u kanj nadiune tuwot mu tubune indinj yogin, “Nemek tuwanjñ lolonjit hinek i manjonde hogok tububi tilak? ⁹ Nemek wonj adi tuwadok kameune tuwaune muneen wapum beja metam fiyewakahidok yemnim onj.”

¹⁰ Undun yogin kanj Jesudi u nadiña indinj yeninguk, “Hidi manjonde tam i malabumun miin? Adi titinj momoonj tinambune kawe utumba tilak. ¹¹ Me fiyewakahi adi helemahele-man hidut ingonj hatiyaneen, en nu adi hidut

* **26:2:** Mede i Bagi Mede ginenj “Pasova” youkinj.

yagigi mu hatibaat. ¹² Nu aganj denimbek kumumbene nehiweneneen wendok nehitiulidokolak. ¹³ Nu biyagon hinek hanilat. Kwetkwet dangon woon Mede Momoon yohautatauneen unon tam yendi nemek momoon tinamunak wendok maan yohautaneen.”

Judasdi Jesu talitimen kohohik folon kamen dok woon mintayemiña muneen beguk

(Mak 14:10-11; Luk 22:3-6)

¹⁴ Kan Jesu mihiniye 12’walaanin me kubugon nin wou Judas adi Kaliot yokwetnenin. Adi Silonyot dinin talitimen heki’walaan woon mintaan ¹⁵ indin yeninadiguk, “Nu Jesu hidi kohohik folon nobu kamewene mangon namnen?” Undun yeninadiune nai unaningon muneen silwa 30 kunali mingin kan beguk. ¹⁶ Benja nai momoon nin mintane kan Jesu kohohik folon kamen dok yonja woom hatiguk.

Jesudi mihiniye dut nanane nongon nagin

(Mak 14:12-21; Luk 22:7-14, 21-23; Jon 13:21-30)

¹⁷ Belet haguwonit mokit, sipakan dinin hinamuni titindok nai tubune Jesu mihiniye adi woon Jesu indin ninadigin, “Indi kamin kwet dengon Anelodi Yabukiyondaan Yalakapmegukdok† hinamuni tiulidokogamnim?”

¹⁸ Undun yobune yeninguk, “Hidi woon yokwet maanen foon me unamo won, adi-ku indin ninen, ‘Henedi indin yolak, Naine aganj dulalak doktiña mihineye dut du yokenen woon

† 26:17: Mede i Bagi Mede ginen “Pasova” youkin.

Anelodi Yabukiyondaan Yalakapmeguk wendok muni nanim yolat.’ ”

¹⁹ Undun yenimbune mihiniye adi Jesudi mede yeninguk unakon takalina Anelodi Yabukiyondaan Yalakapmegukdok nanane tiulidokogin.

²⁰ Ala bufalune Jesudi mihiniye 12 yanagilune loon yot maanen foon nanane falik ikelemadina Anelodi Yabukiyondaan Yalakapmegukdok munin u nagin. ²¹ Nanila Jesudi indin yeninguk, “Nu biyagon hinek hanilat. Hidi’walaanin me nin di memik heki kohohik folon napmewek.”

²² Undun yobune mihiniye adi welemulap tina ila molomolom indin ninadigin, “Wapum, nu nobu?”

²³ Undun ninadigin kan yeninguk, “Me nediyen beletin nukut malin ginen wanan kupmamut me adi kuyendi memik kohohik folon napmewek.

²⁴ Me Kobumun adi Yodoko Mededi yolak wendok tuwot kumun ginen waak. Ingon me nagila memik kohohik folon kamewek adi yadi malabumun wapum hekiwaak. Me kada, mangon tibe mintaguk.”

²⁵ Undun yobune Judas bolik timindok nadin a ikuk adibo ninadiguk, “Henale, nu nobu?”

Ninadiune Jesudibo ninguk, “Du da yolan unakon.”

Jesudi mihiniye dumun yemguk

(Mak 14:22-26; Luk 22:15-20; 1 Kolin 11:23-25)

²⁶ Nanane hana nila Jesudi belet nin tina Bepan niutumbaan wobuna mihiniye indin yenina yemguk, “Tina nanen. I na’wala foloone.”

²⁷ U yemina ime toutbo tina Bepan niutumbaan

indin yeniŋa yemguk, “Hidi hogohogok wanakan nadapmanen. ²⁸ I na’walaŋ naŋgatne, u yofolok kobuli titindok kwatnelat. Wendi metam fe’walaŋ kadakaninhiŋ hogohogok youtekuyembaak. ²⁹ Tiŋa indin hanimbe nadinen. Nu wain kwetfolon inon kotigon nemu naan hatigene kougona wain gitipmun Bepaŋ’walaŋ Hatihati Ungonin ginen ilaŋa hidut wanaŋ naneem.”

³⁰ Undun yodapmaune kap nin todapmaan foon buŋa woon Oliwa Tuwai folon login.

Jesudi timin wendok welemulap nadin mi-hinje mede yeningkiliti titauguk

(Mak 14:27-31; Luk 22:31-34; Jon 13:36-38)

³¹ Loon Jesudi mihinje indin yeninguk, “Youkudip Mededi indin yolak, ‘Nu dompa kadokome ulukumumbene dompa heki adi u kan momon kwetkwet udapmaneen.’ Undun yolak doktiŋa kamin mambip yendok hidi nadisukilitihik fiyalune binabuŋa momodapmanen. ³² Undun tinen ingon nu kotigon kaikaan pilaliŋa Galilide timen waat.”

³³ Undun yobune Pitadibo indin ninguk, “Mekuyahi noli bigabuŋa momonen, ingon nu adi tuwot mu bigabit hinek.”

³⁴ Undun ninguk kan Jesudibo Pita ninguk, “Biyagon hinek ganimbe nadiwen. Du kamin timin yendok pupupdi mu kutilune du nu mu nadinamulan nai lufomkulitnin yoben.”

³⁵ Kan Pitadi yoguk, “Da gula nu maan nulukumundok yonen, ingon nu mu nadigamulat mu yobit. Mokon hinek!”

Kan Jesu mihiniye nolidi maan tubulodaan undugon yogin.

*Oliwa Tuwai folon loon ninadi kwanai tine ugin
(Mak 14:32-42; Luk 22:39-46)*

³⁶ Undun yona ugin woon kwet nin wou Getsemani unon wosuwaan Jesudi mihiniye indin yeninguk, “Hidi ingon hatune nu gwan woon Bepan ninadiwit.”

³⁷ Undun yeninga Pita tina Sebedi mihiniyat Jems dut Jon hogok yanagila ugin. Woon welemulap wapum hinek nadinga nadimalabudaan ³⁸ mewoi u indin yeninguk, “Welemulap kisan hinek nadinga kumundegon nadilat ale ingon hali nehiulihilune Bepan ninadiwit.”

³⁹ Undun yeninga kabe-muninin uuyen kwet-folon maan foon namanda kwetfolon tubuwopmobula indin ninadiguk, “O me Ban, malabumun i kedem beyakutdok nadilan kan kedem liliwenekutnamben. Ingon nu yolat doktina mon, da nadilan undun tiben.”

⁴⁰ Undun ninadinga kotigon udaneen buna mihiniye lufomkulitnin damo hadeitu yabuna Pita indin ninguk, “Hidi nehiulihina damo kaipmun-kabe nemu be itnen ale damo hogok tiin?” ⁴¹ Tigene tikamanda ginen gweheyeen maneenen doktina hogok-kabe nin halina ninadi kwanai tinen. Welehihik adi loda tilak ingon foloohikdi malabuda tilak.”

⁴² Undun yeninga kotigon woon indin ninadiguk, “O me Ban, nemek malabumun i nolomtidok nadiune tuwot mu tubune kan fiit kedem nadidapmawe du’wala mededi fafanjewek.”

⁴³ Undun ninadiña kotigon udaneen buña mihinje damo deihakagin buña yabuguk, adi dauhik malabuda tubune damo hogok deihakinj.

⁴⁴ Tiña biyabuna udaneen woon ninadi koom tuguk unakon tuguk. Undun tiña wonambunat tiña ninadi kwanai tubune nai lufomkulitnin tuguk.

⁴⁵ Ninadidapmaan woon mihinje indin yeninguk, “Hidi damo dahakulema kwanai kougon be ha-tiin? Nai aganj bulak! Me Kobumun adi aganj bolik titinj medi kadakaninj titinj heki’walañ kohohik folonj kamelak. ⁴⁶ Mu pilalune wam, me nanagila memik kohohik folonj napmewek aganj nihitubu-dulalak i kain!”

*Judasdi Jesu memik kohohik folonj kameguk
(Mak 14:43-50; Luk 22:47-53; Jon 18:1-11)*

⁴⁷ Jesu adi mede hayenilu mihinje 12’walaaninj me ninj wou Judas tiña mebop wapum adi Judahi’walañ Silonyot dininj talitimenj enj me wapuhide yeningkulune mik dininj bombon wanañ mongola Jesu heki hakinnej buginj. ⁴⁸ Koom Judasdi me Jesu honedok buginj indinj yeningdakaleguk, “Nu me loonj honeenj singongome tibit kanj unakon honenenj.”

⁴⁹ Undun yeniña unaningon Jesu heki hakinnej busuwaan loonj Jesu indinj niña singongomeguk, “Henale, timinj kedem.”

⁵⁰ Kanj Jesudi indinj ninguk, “Notne, du nemek tibe buñanj u pilap tibenj.”

Undun yayolune me heki wendi labuna Jesu honefafane tiginj. ⁵¹ Kanj me Jesu dut hakinj adi’walaaninj me ninj miknonnjinj tamali

tiŋa Silonyot dinin talitimen wapum'walaŋ tipilapilaye-meniŋ magi filodiguk. ⁵² Unduŋ tubune Jesudi mihiniŋ mik tuguk u indin ninguk, "Miknonge kotigon kwelinen dahiune fowek. Nebek nin miknonŋdi mik tubune kaŋ kibi maan miknonŋdi ulukumundok. ⁵³ Du mube nadilaŋ? Nu Batne nimbene aŋelo bop wapum, memik bop 12 wendok tuwot yalakapmelak u yapmeune foon kedem mube nehitubu-lodanen yonŋ unduŋ tilaŋ? ⁵⁴ Unduŋ tibit adi nutok Youkudip Mede ginen kigili mede hatak u foloon deti mintawek?"

⁵⁵ Unduŋ yonŋ mebop nagitne bugin heki u indin yeninguk, "Hidi nu mikbe tubupilale tilat doktiŋa miknon eŋ tebe bohomo beŋa nohonene bunit? Nu helemahelemaŋ Silonyotnen metam Mede Momoon yenindidime hati tilat, kaŋ nai unŋaniŋ maŋgonde mu nohonein? ⁵⁶ Ingon yon adi Youkudip Mede polofet hekidi youkin wendi foloon mintadok tiin."

Kaŋ mihiniye hogohogok wanakaŋ Jesu bik-abuŋa momodapmaŋ tigin.

Jesu mede ginen kameŋdok nagila Kaifa yolineŋ login

(Mak 14:53-65; Luk 22:54-55, 63-71; Jon 18:12-14, 19-24)

⁵⁷ Kaŋ mikme heki adi Jesu nagila Silonyot dinin Talitimen Wapum Kaifa yolineŋ ugin. Me Yodoko Mede henale eŋ Judahi'walaŋ me wapuhi adi agaŋ koom buŋa Kaifa yolineŋ bopneen hakin. ⁵⁸ Unduŋ tubune Pita adi gikingon yali yayabukuwali uguk. Wosuwaan Silonyot dinin Talitimen Wapum yoli hamuheneŋ foon Jesu

dedin timinen u kawit yon̄a mikme heki ikin̄nen un̄gon̄ non̄gon̄ ikin̄. ⁵⁹ Kan̄ me Silonyot dinin̄ talitimen̄ wapuhi en̄ Judahi'walañ kansol heki adi mede yalañ neen̄ yotubumintaune Jesu uutdok yon̄a mede nadinadi kwanai tigin̄. ⁶⁰ Kan̄ metam feedi mede yalañ fee habeyeen̄ labu niyagin̄, ingon̄ medehik wendi Jesu ulukumundok tuwot mu tuluguk.

⁶¹ Undun̄ hatulune meyat lufomdi loon̄ yali indin̄ yogumuk. “Me i indin̄ yoguk, ‘Nu Bepañ'walañ Silonyot u uyakula melenai lufomkulitnin̄ ginen̄ gitipmun̄ kedem mawaat.’ Undun̄ yobune nadigumut.”

⁶² Undun̄ yobune Silonyot dinin̄ Talitimen̄ Wapumdi pilali yali Jesu indin̄ ninadiguk, “Mede ganiin̄ u biyagon̄ be dedin̄? Deti mede nemu tubu-udaneyemulan̄?” ⁶³ Undun̄ ninadiguk kan̄ Jesu adi mede map yakuk. Kan̄ Silonyot dinin̄ talitimen̄ wapumdi kotigon̄ indin̄ ninguk, “Bepañ Hatihatinit namanda folon̄ ganinadiwe biyagon̄ hinek, didimen̄gon̄ yoben̄. Du biyagon̄ hinek-kube Kilisto, Bepañ'walañ mihin̄in̄?”

⁶⁴ Undun̄ ninadiune Jesudi indin̄ yoguk, “Een̄, yolañ un̄akon̄. Tin̄a hanimbe nadinen̄. Me Kobumun̄ adi kougon̄ Bepañ Sañinin̄ Molom kohon̄ didimen̄in̄nen̄kade ila kunum mulukwan̄ ginen̄ buune kaneen̄.”

⁶⁵ Undun̄ yobune Silonyot dinin̄ Talitimen̄ Wapum adi kisañ nadikadakaan̄ ne'walañ tinahukutnin̄ tububulagineen̄ yoguk, “Adi Bepañ nintifo tilak u hide-ku agañ nadin̄jit doktin̄a

kotigoŋ aditok mede mu yodok. ⁶⁶ A hidi dedin nadiŋ?”

Kaŋ adibo indiŋ yogiŋ, “Kadakaninŋ tiŋak dok-tiŋa kumundok gigit tilak.”

⁶⁷ Unduŋ yonŋa me nolidi namanda foloŋ maluluk suwambakiŋ eŋ nolidi kohohik wobuŋa youkiŋ. Kaŋ nolidi kohohik tububateyeen namandanenŋkade ulaŋa utapmakaliŋa ⁶⁸ niŋgiŋ, “Kilisto, du polofet biyagoŋ nobu hatiliwenŋ kaŋ nebek gutak u kedem ninimbu nadinim?”

Pitadi Jesu mu nadimilat yoguk

(Mak 14:66-72; Luk 22:56-62; Jon 18:15-18, 25-27)

⁶⁹ Unduŋ tulune Pita adi hamuhenenŋ fakanŋ ungoŋ hakuk. Hatune tipilapilaye tamkuya niŋdi wooŋ niŋguk, “Du maanŋ Jesu Galiliniŋ dut ungoŋ hatilaŋ.”

⁷⁰ Unduŋ nimbune adi me u ikiŋ namandahik foloŋ yokamehebi tiŋa yoguk, “Du nemek mede yolaŋ u nu mu nadilat.”

⁷¹ Unduŋ yonŋa taliyeme foloŋ fooŋ wene tulune tipilapilaye tamkuya niŋdibo kaŋ metam indiŋ yeniŋguk, “Me yonŋ adi Jesu Nasaletniŋ dut hatilak.”

⁷² Unduŋ yenimbune Pitadi Bepaŋ namanda foloŋ yofafaŋeen koti yokamehebiŋa indiŋ yoguk, “Nu me u mu nadimilat.”

⁷³ Kabe-muniniŋ yali me nolidibo Pita yakuknenŋ ungoŋ wooŋ yali niŋgiŋ, “Medege kiyonŋdi ninindakalelak. Niŋ du inakoŋ.”

⁷⁴ Undun nimbune kotigon Bepan namanda folon mede yofafanje tiŋa mede muyoyo yonŋa yeninguk, “Nu me u yoin u biyaku mu nadimilat.”

Undun yolune nai unaningon pupup kutiguk.
⁷⁵ Kan Jesudi mede indin ninguk u naditomguk. “Pupupdi mu kutilune du nu mu nadinamulan nai lufomkulitniŋ yoben,” ninguk u naditomuŋa fakan fowoon makat gibita kokuk.

27

Jesu nagila Pailat’walaŋ ugiŋ
(Mak 15:1; Luk 23:1-2; Jon 18:28-32)

¹ Helehautaune Judahi’walaŋ Silonyot dinin talitimen wapuhi en me wapuhi hogohogok wanaŋ bopneen Jesu folofigita miŋa ulukumundok mede yodapmagin. ² Undun yodapmaune Jesu kohon ibikilitiŋa nagila woon Lomahi’walaŋ me wapum Pailat kohon folon kamegin.

Judas siyon foon kumunguk

³ Jesu kumundok nindapmaune Judas bolik timinguk adi mangon tibe undun tiŋat yonŋa bulaningon nadiŋa muneen silwa 30 mongokuk u kotigon beŋa woon Judahi’walaŋ Silonyot dinin talitimen en me wapuhi heki yemguk. ⁴ Tiŋa indin yeninguk, “Nu yom tiŋa me didimenin u bolik timiŋa memik kohohik folon kameŋat kan kumundok nindapmain.”

Kan adibo ningin, “Indi mangonde buŋa nini-laŋ. U da’walaŋ nemek.”

⁵ Undun niŋa muneen u mu begin kan Judas adi muneen u beŋa woon Silonyot maanen beyakulune foyagin kan woon siyon foon wodiguk.

⁶ Kan Silonyot dinin talitimen en me wapuhi adi muneen u woon ugamali mongo bopneen indin yogin, “Muneen yon adi me nangatnit, undun doktiŋa won adi silondok mu kamenim.”

⁷ Undun tiŋa muneen wendi mangon tinim yonŋa kiyonadi tigin, tihake me nin kwet kabot tutumbaluguk’walaŋ kwet me yokwet kweet-ninhidi buŋa uŋon hatiŋa kumumbu yehiwenedok tuwagin. ⁸ Kan kwet u wou Nangat Kwet yogin fafaŋenin hatak. ⁹ Kan Polofet Jele-maiya’walaŋ mede foloonnit tuguk. Mede indin yoguk:

“Isilaehi medi muneen silwa 30 wendok tuwot me u tuwadok yogin, ¹⁰ muneen meenin tuwaŋin sidokoguk wendi me kwetkabot tuluguk’walaŋ kwet u tuwagin. Wapumdi naniŋguk wendok tuwot tigin.”

Pailatdi Jesu ninadi tuguk

(Mak 15:2-5; Luk 23:3-5; Jon 18:33-38)

¹¹ Jesu nagila woon Pailat namanda folon kameune yakuk. Kan Pailatdi indin ninadiguk, “Judahi’walaŋ me mapme du-ku be?”

Kan Jesudibo niŋguk, “Yolaŋ unakon.”

¹² Kan Silonyot dinin talitimen wapuhi en me wapuhidi mede ginen kameen mede mebimebi niŋin iŋon Jesudi tobonin-kabe nemu tubu-udaneyemguk. ¹³ Kan Pailatdi ninadiguk, “Du’walaŋ mede malabuhi mintain kan du deti tobonin nemu tubu-udanelaŋ?”

¹⁴ Kan Jesudi Pailat'walaŋ medeŋiŋ-kabe unduŋ nemu tubu-udanemimbune adi boho kisaŋ tuguk.

Pailatdi Jesu kolon dabeŋ folon ukambiyatdok yodapmaguk

(Mak 15:6-15; Luk 23:13-25; Jon 18:38-19:16)

¹⁵ Gulet indigon Anelodi Yabukiyondaŋ Yalakapmeguk diniŋ nai folon Judahidi me yot fafaŋeniŋnen hakagiŋ me niŋ wou yoyagiŋ kan Pailatdi nadidapmaan niŋkulune foŋ uluguk.

¹⁶ Ala nai uŋaniŋ me mik molo hinek wou Balabas adiyen yot fafaŋeniŋnen hakuk. ¹⁷ Unduŋ doktiŋa metam hogohogok buŋa bopnegiŋ kan Pailatdi yeninadiguk, “Nedigon niŋkule foŋ wek nadiiŋ? Balabasbe, be Jesu wou noli Kilisto yoiŋ adi?”

¹⁸ Pailatdi Judahi me wapuhi'walaŋ nadigalikahik agaŋ kan nadiguk. Adi metam feedi Jesu kelegiŋ u yabuŋa Jesudok nadiune tuwot mu tuguk wendoktiŋa Pailat'walaŋ nagi ugiŋ. Pailat adi u agaŋ nadikabeleen yeninadi unduŋ tuguk.

¹⁹ Unduŋ tiŋa Pailat adi mede yodapman-dapman kumopop folon itune tamŋiŋdi mede indiŋ kamemimbune uguk, “Du me didimeniŋ wendi'walaŋ medeŋiŋ-kabe nemu tihikawen. Nu kamiŋ aditegon lihinenat tiŋa welefigita kisaŋ hanadimilat.”

²⁰ Kan Judahi'walaŋ me wapuhi en Silonyot diniŋ talitimen wapuhi adi metam yeniŋgigine tiŋa indiŋ yonen yeniŋgiŋ, “Balabas bikabune wek kan Jesu uut titiŋdok.”

²¹ Kan Pailatdi kotigon yeninadiguk, “Meyat lufom ye'walaaniŋ nedigon bikabe wek nadiiŋ?”

Kan adi yogin, “Balabas.”

²² Undun yogin kan yeninguk, “Kan Jesu, wou noli Kilisto niin, adi dedin timimbit?”

Undun yeninadiune adi kikasop tinja yogin, “Kolon dabek folon kumumbek!”

²³ Kan Pailatdi kotigon indin yeninadiguk, “Man gon yom hinek tinak?”

Undun yeninadiune gibitan kakalinja yogin, “Kolon dabek folon kumumbek!”

²⁴ Undun tubune Pailatdi yeningkulemait yonja tuguk ingon tuwot mon, tobonin mik tubupilat-dok undinin totubune mon kan ime gilimimbune dauhik folongon ungon kohon youtela yeninguk, “Me didimenin i utner kan yom nu mu no-honewek. U nemek hidetok gigit bihamulat.”

²⁵ Undun yenimbune yogin, “Adi’wala ku-munjin dinin kibikon malabumun u inde tinja wapmihiniye inde folon lowaak.”

²⁶ Undun yogin kan Balabas bikabune uguk, kan yodapmaune Jesu kiyegelep dendemnitdi utubukadakaan kolon dabek folon utne nagi ugin.

*Mikme hekidi Jesu ula nimpekit tigin
(Mak 15:16-20; Jon 19:2-3)*

²⁷ Undun tinja Pailat mikmeniyedi nagila foon woon gapman’wala gimbahan ginen yowawaliwen ugin. Unon uune mikme hogohogok buja bopnegin. ²⁸ Bopneen kelemadinja Jesu ne’wala tinahukutjin u kwihikuliminja mapme dinin tinahukut giminin tinahukulimigin. ²⁹ En mundendemdi gwaikellemadinja mapme kulun welewele tinja mebi folon mokomigin. Tinja kuyan nin kohon didimenin nenjkade mimbune

honeen yakuk. Kan heben ginen woon mulelem timina nimpekit tina indin ninjin, “O Judame heki’wala Mapme! Ganintiloyam!”

³⁰ Undun nina suwambali kuyan mimbune honeyakuk u lomtina wendigon ki folon ukin.

³¹ Nemenemek u timindapmaan tinahukut giminin u kotigon kwihikulimina ne’wala dahi-dahidi tinahukulimina kolondabek folon utne nagi ugin.

Jesu kolondabek folon ukambiyakin

(Mak 15:21-32; Luk 23:26-43; Jon 19:17-27)

³² Nagila unila talipmen me nin tubumintagin, wou Saimon, adi Sailini yokwetnenjin. Ala mikme hekidi ningigineune Jesu tubulodaan kolondabeknin benguk. ³³ Bembune woon kwet wou nin Golgata unon wosuwagin. (Kwet wou u mebi inde’wala mede folon me mebi kitili). ³⁴ Wosuwaan wain ime haguwo buukaan dut minobugin u nawek yo minjin ingon buukaan nakaan wabi tuguk.

³⁵ Kan wabina kolondabek folon ukambiyakin. Ukambiyalune yatu mikme hekidi kat kula dahi-dahinin nehitok daneen mongokin. ³⁶ Undun tina ungon kamadi hakin. ³⁷ En kolondabek ki folon mebinin indin youla ukin. “Yon adi Jesu, Judahi’wala Mapme.”

³⁸ Tina undugon kubome lufom maan kolondabek folon widihiyambiyakin, noli kohon didimeninjenkade en noli kohon kapmadinenkade. ³⁹ Kan metam kalakapmeen wonambunat tina Jesu kan mebigugun tina indin ninfokoyagin, ⁴⁰ “Da dibek ale Silonyot

uyakula helebufa lufomkulitnin maanen kotigon makufulawe yogun detina da folooge mu tubulodalan! Be du Bepan'walan mihi biyagon nobu hatiliwen kan kolondabek debek mu bikabuŋa folan!”

⁴¹ Kan Silonyot dinin talitimen wapuhi en Yodoko Mede henale tina me wapuhi noli, adi maan mede ninfoko tina indin yogin, ⁴² “Metam noli kedem yehitubu-lodayauguk ingon ne foloon i debek ti mu tubulodalak on. Adi Isilaehi indi'walan Mapme biyagon nobu hatiliwek kan kolondabek ginenin foon buune adi'walaŋkade hogok udapmanim. ⁴³ Tina undugon 'na Bepan mihinin' yona nadisukilitinin Bepan'walaŋkade nobu kameune hatiwek kan Bepandi aditok nadimiŋa kedem tubulodaluwek.” ⁴⁴ Me kadakahiyat Jesu dut widihiyambiyakin adi maan undugon Jesu ninfoko ya tugumuk.

Jesu kumunguk

(Mak 15:33-41; Luk 23:44-49; Jon 19:28-30)

⁴⁵ Undun hatimilune mele lekingon tuguk, kan kwet wanakan mambip tubudapmaan halune woon 3 kilok tuguk. ⁴⁶ 3 kilok tulune Jesudi gibita kutifiyeen indin yoguk, “Eloi, Eloi, lama sabatani.” U indi'walan mede folon indin, “Bepanne, Bepanne, mangonde binabulan?”

⁴⁷ Kan metam unon yakin heki adi u nadinan nolidi indin yogin, “Ilaija kutinilak.” ⁴⁸ Kan me nin adi u nadinan kiyaneen woon imengwan yage

wou “spans”^{*} u tiŋa wain ime buukaan ginen kupmaune sinintaune tiŋa kusek diki foloŋ ibikilitiŋa tiŋa looŋ Jesudi dundupnawek yoŋa mami foloŋ kameguk. ⁴⁹ Kaŋ me nolidi kamehemiŋa indiŋ yogiŋ, “Du wabiune Ilaijadi biyagoŋ nobu buŋa tubulodau foune kanim ale.”

⁵⁰ Unduŋ yayolune Jesu yakawe wapum toŋa kumuŋguk. ⁵¹ Kumumbune Siloŋyot maanen haule bulubuluyen kakaŋ wodihep tuluguk u wahiŋ dikineiŋ tububihila lekiŋgoŋ hinek tawatafoŋ dikineiŋ tawadapmaguk. Kaŋ kenim wapum tiŋa kwet mahamulune kawade wapuhi tawa tigiŋ. ⁵² Tiŋa undugoŋ meyoŋtneiŋ koŋ mami dilitomtaune metam didimehi nadisukilitihiniŋ koom kumumbu yehiwenegiŋ heki adi kaikaan hakiŋ. ⁵³ Ala Jesu ne kaikaan pilali talitimenŋ tiyembune koŋ u biyabuŋa pilali Jesu dut Jelusalem uŋoŋ loune meeniŋ feedi yabugiŋ.

⁵⁴ Kaŋ mikme heki tiŋa talitimenŋhik Jesu kamadi yakiniŋ heki adi kenim eŋ nemenemek noli hogohogok u mintaune kaŋ muntaan yogiŋ, “Biyagoŋ hinek, me ya Bepaŋ mihiniŋ.”

⁵⁵ Jesu ukiŋ uŋaniŋ tamwoi fee adi kabekweetniŋgoŋ gwaŋ yali nemenemek mintaguk u kagiŋ. Tam heki woŋ adi Jesudi Galili be Judiya kwetneiŋ yaulune keleyaunŋa tubulodayagiŋ. ⁵⁶ Adi’walaŋ lekiŋgoŋhik ginenŋ tamwoi indiŋdi yakiniŋ: Maliya Madala yokwetneiŋniŋ, eŋ

^{*} **27:48:** “Spans” woŋ adi imenŋgwaŋ maanenŋ yage ikiŋ dininiŋ wou. Ala yage u mateles dabugoŋ kulakulayehi doktiŋa ime ginenŋ fulaune ime yage wendok ginenŋ sininta tilak.

Maliya Jems dut Josep mehik, tiŋa Sebedi mihinjiyat dinin mehik.

*Jesu sigin gitnem koŋ ginen kamegin
(Mak 15:42-47; Luk 23:50-56; Jon 19:38-42)*

⁵⁷ Alimatiya yokwetnenin me nin muneen bomboŋnit wou Josep, adi maan Jesu keleyaun Mede Momoon nadinadi tuluguk. Ala tebeledalune ⁵⁸ adi woon Pailat Jesu sigin gitnemdok ninadiune Pailatdi mede yodapmaune mikmeniyedi sigin gitnem mingin. ⁵⁹ Kan Josepdi haule fafau kobulidi tiŋa yauneen bemŋa uguk. ⁶⁰ Woon netok yon kawade ginen koŋ wamu-utumbaune hakuknen ungoŋ woon kameguk. Kameen fooŋ buŋa kawade wapum nin siloneune woon koŋ mami tehen yatuguk kan mauguk. ⁶¹ Maliya Madalanin en Maliya noli adi yamaingon ungoŋ ila kagumuk.

Mikme hekidi Jesu'walaŋ koŋ mami kadokogin

⁶² Heleune Sonda-kwanai hanin Silonyot dinin talitimen wapuhi en Falisi me heki adi wanakan buŋa bopneen Pailat'walaŋ ugin. Woon ningin, ⁶³ “Me wapum, indi mede nin naditomun bam u ganinim. Me yalaŋ-me u kaipmun hatinila indin yoguk, ‘Kumun melenai lufomkulitnin tubune kotigon kaikaan pilalaat.’

⁶⁴ “Undun yoguknen ala tiyaugene mihinjiyedi woon sigin gitnem tiŋa woon kamehebiŋa yalaŋ e, agaŋ pilalak yoneenen. Undun doktiŋa mikme yenimbune woon koŋ mami ginen ungoŋ fafaŋngoŋ kadoko halune melenai lufomkulitnin u dapmawaak. Manngoŋde, yalaŋ timenin

agan hataknen tiyaugene mindan ibo yokamandaneen kan yalan mededi wapum tibaaknen, wendoktina nadibedina buna ganiyam.”

⁶⁵ Undun yogin kan Pailatdi yeninguk, “Kedem ale mikme i hamulat i yahane woon hidi hide dedidedin tina tubukilitine nadin wendok tuwot tina kon mami momoongon hinek uhekilitinen.”

⁶⁶ Undun yenimbune mikme heki yanagila woon kon mami tubukilitina nebek nin di hogok dilitomfit tibaaknen yona fek yeme folon kameen mikme heki ungon kamadi hakin.

28

Jesu kotigon kaikaan pilakuk

(Mak 16:1-8; Luk 24:1-12; Jon 20:1-10)

¹ Sabat nai dapmaune Sonda folon hani timin helehelede Maliya Madalanin en Maliya noli adi Jesu kamegin u kade ugumuk. ² Talipmen ulune kenim gibitan tubune Wapum’wala anelo nin di kunum ginenin fon kawade wapum bom mami folon uhekilitigin u siloneune maginen uune kawade folon ungon loon ikuk. ³ Folonamanda yon adi meledi diwe holiholinjelak dabugon en tinahukutnin adi fafau niyaniyan hinek. ⁴ Kan mikme kon mami kadokoon yakin heki adi undinin kan tiguluguluyeen duwan maan nadibubuye tina daban wele haliugin.

⁵ Kan tamyat wosuwaune anelodi indin yeninguk, “Hidi munta mu tidemek, na agan nadilat. Hidi Jesu kolondabek folon ukin u kakan dok bamuk. ⁶ Ingon adi inon mu hatak. Adi koom haninguk undugon tina agan pilalak.

Ale hidi buña kwelikon hogok i kademek. ⁷ Tina pilap hinek woon mihiniye indin yenindemek, 'Jesu agan kaikaan pilalak, tina Galilide timen ulak, ala hidi unon woon kaneen.' Mede agan unakon hogok hanilat."

⁸ Undun yenimbu tamyat i udaneen munta maan en nadifo maan tina mihiniye gigitmede u yeninde kiyane hogok ugumuk. ⁹ Ulune Jesudi unaningon mintayemina yeninguk, "Nadifo tide-mek."

Undun yenimbune adi heben ginen maan hali kayon honeen niutumbagumuk. ¹⁰ Kan Jesudi yeninguk, "Hidi munta mu tidemek. Woon not-neye yenimbune Galili gwan woon nabuneen."

Mikme heki'walañ kahat

¹¹ Tamyat ulune mikme kon mami kadokogin heki adi'walaanin me nolidi kiyaneen woon Silonyot dinin talitimen wapuhi nemek mintaguk hogohogok wendok kahat tiyemgin. ¹² Undun tubune Silonyot dinin talitimen hekidibo Judahi me wapuhi noli hogohogok wanakan yenimbu buña bopneen mede yonadi tina mikme heki muneen wapumdi yehituwagin. ¹³ Tina indin yodok yeningin, "Timin damo dahakaulene mihiniyedi buña sigin gitnem kuboneen bemna unit.' ¹⁴ Mede u gapman wapumdi nadiña dedin tihambekneñ yon munta mu tinen, inde kadem tubukulemanim ale."

¹⁵ Undun yenimbune mikme heki adi muneen mongola mede yeningin wendok tuwot takalina

tigin. Undun tubune yalan mede wendi Ju-dahi'walan hautadapmaan hakukdi indidegon hatak.

Jesudi mihiniye kweboboe folon mintayemiŋa kwanai-mede yeninguk

(Mak 16:14-18; Luk 24:36-49; Jon 20:19-23)

¹⁶ Kan mihiniye 11 adi Jesu ne koom Galili kwetnen tuwai nin folon lolondok yeninguknen unon login. ¹⁷ Loon Jesu unon kahila mon kan maan hali mulelem timiŋa niutumbagin. Ingon noli kabeyen welelufom tigin.

¹⁸ Kan Jesudi yehitubu-dulaan yali indin yeninguk, “Bepandi saninin hogohogok kunum dinin be kwet dinin u nutok namdapmaguk.

¹⁹ Undun doktiŋa hidi kwetkwet indigon tuwot udapmaan metam hogohogok Mede Momoon yenindapmaune nadiŋa nu'walan kayonbopneye mintadapmaneen, tiŋa Ban, Mihi en Ungonin Munabuli'walan wou ginen yehitomboyoula Imeyout tiyemneen. ²⁰ En mede hogohogok hanindidimegut u yenindidimeune takalidapmaneen. Tiŋa indin hanimbe nadinen. Nu helemahelman hidut hatitawene kwet dinin nai dapmawaak.”

**Bepan'Walan Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanjan (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

217908e9-ce08-5ac3-9947-124c48579a74